

Литература Дагъистан

16+

ISSN 0235-0149

# Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

**1/2017**

январь - февраль

*Дагъистан халкъла писатель*  
*Мяхъялмагъдеш-Расулмис*



## ДАГЪАЛА ДУС

Басня

Сагаси дусла савли  
Хуху жявли аризур,  
Цулкъямла къям касили,  
Азбарлизи хӀерризур.

ГӀяргӀя-дагъа, кӀуркӀурти,  
Вяв-чӀярдикӀули къузри  
Савгъатунас се лерхул  
Иличи хӀерли сарри.

«ТӀашдизира!» – рикӀули,  
Хухуни някъ ахъбуциб.  
Гъамриубли, дагъалис  
Цулкъямла къям гъабуциб.

Пялхъярдариб дуклуми,  
ХӀекъли ахъли гӀугӀуиб.  
Азбар бицӀиб арцанти  
ТӀамаличил уркӀаиб.

– Дила талхъан, хӀела Дус  
Саби гъанна бакӀили,  
Бархъси бариб журднарта  
ХӀу пачяхӀли бикӀили!

Бемдурли, пазбягӀили,  
Ца кӀуркӀур дурабухъун,  
Хухучи гъамбиубли,  
Ил чӀумали гъайбухъун:

– Иш Дагъас мурталра хӀу  
«Дила талхъан саб!» – рикӀуд.  
Далукъи ишала шикъ,  
«Къачагъ саби!» – хӀерикӀуд.

– БирхӀес нура бирусгу,  
Сен агарси дила Дус?!  
Ил пачяхӀ барахъили,  
ХӀу рикӀудрив ну буус? –

Ахъли вявбикӀули саб  
Бухъяна хъябла бегӀ къаз. –  
Азбарла хан бетааес  
Дилара лебсигу къас!



– ГӀянручӀ нуни гӀугӀуас –  
Чебиргъули саб Дунгъа!  
Набчи къяскадиубли,  
ДикӀулра хӀуша гъуя. –

Секъяйда зайбикӀулил –  
«ХӀунтӀена дагъала дус!»  
Хухуни хӀебалхасра,  
Ишдус ну гушхӀебирус! –

Хамли бекӀ ахъбуцили,  
КъунзбикӀули саб дагъа,  
Дунгъа бедибхӀеливан,  
Биубли хӀекъли къугъа.

Дигули хӀедииша,  
БакӀили гурдала Дус?  
Чебиисра, сегъуна  
Бирарал хӀушала куц!

Дагъниван бяхӀили саб  
ИшбархӀи бусурманти,  
Цали итил барили  
БегӀла эски душманти.

\* \* \*

Ишгъуна пикри саби  
Наб аргъахъес дигуси:  
«Вай чебаайчи, гӀяхӀси  
АхӀен багъес вирус!».



# Гьалмагъдеш



ЛИТЕРАТУРНО-ХУДОЖЕСТВЕННЫЙ  
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

---

БЕКІ РЕДАКТОР  
Мурад ГІЯХІМАДОВ

ЖАВАБЛА СЕКРЕТАРЬ  
Т. ЗУРГЪАЛОВА

РЕДАКЦИЈЛА КОЛЛЕГИЈА  
ХІ. Къурбанов (журналла редактор)  
Къ. Мигърабов  
Т.Сягидов

ЖАМИГИЯТЛА СОВЕТ  
А. Гябдулманапова  
М. Хіяжиев  
И. Ибрагъимов  
Ш. МяхІяммадов  
Х. Хіябибова  
Х. Юсупов  
И. МяхІяммадов

1  
2017

январь- февраль

---

КІел базили гъачам  
дурабулхъан

Выходит один раз в два месяца

1952 ибил дуслизиб  
акІахъубси саби

Журнал основан в 1952 году

Государственное бюджетное учреждение  
Республики Дагестан “Редакция республиканских литературных  
журналов “Соколенок” и “Литературный Дагестан”.

ЖУРНАЛЛИЗИР ЛЕР:

**ПРОЗА**

Амир-Гъази. Къисмагла хІялумцІни.....	3
Къасум-Бег МИГЪРАБОВ. Шахли дигубти къар.....	12

**ПОЭЗИЯ**

Аминат ГІЯБДУЛМАНАПОВА. ДурхІнас назмурти.....	23
------------------------------------------------	----

**ПРОЗА**

Ибрагъим ИБРАГЪИМОВ. ЦІализиб ва хІилизиб.....	28
Хадижат ХІЯБИБОВА. Дигай – гІяжаибси цІакъ.....	38

**ПОЭЗИЯ**

Тавсултан СЯГИДОВ. Чудула биса.....	46
-------------------------------------	----

**НУШАЧИР ГІЯХІЛАДЛИ**

Бийке КУЛУНЧАКОВА. Зарипат.....	52
---------------------------------	----

**ПРОЗА**

Жамбулат МЯХІЯММАДОВ. ДиштІати хабурти.....	59
---------------------------------------------	----

**ОЧЕРК**

Патимат ВЯХІИДОВА. Адаб - хІяя умуси.....	73
-------------------------------------------	----

**КРИТИКА**

ХІяпиз НУРМАХІЯММАДОВ. Р. БяхІяммадовла проза.....	79
----------------------------------------------------	----

**ПРОЗА**

Ражаб МЯХІЯММАДОВ. ХІехъибти дигай. Нушала гІядатуни.....	87
-----------------------------------------------------------	----

**ФОЛЬКЛОР**

ГІябдулкъадир МЯХІЯММАДОВ. Буралаби .....	93
-------------------------------------------	----

---

Регистрационный номер ПИ №ТУ05-00369 от 23. 12. 2016 г.  
Выданный управлением Роскомнадзора по Республике Дагестан.

**Типография:** Издательский дом “Дагестан”.  
**Адрес типографии:** 367018, РД, г. Махачкала, пр. Насрутдинова, 61

**ГЪАЛМАГЪДЕШ № 1 2017 г.**

*На даргинском языке*

Выход в свет 13.03. 2017 г. Тираж 299 экз.

Заказ № 0203 Цена свободная.

**Редакция и издатель:** Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.  
**Адрес редакции и издателя:** 367000, РД, г. Махачкала, ул. Даниялова, д. 55.

**Электронный адрес редакции:**  
litdag@mail.ru

# Проза

Амир - ГЪАЗИ



## КЪИСМАТЛА ХІЯЛУМЦІНИ

ВахъИи лехІкахъили, кахси муэр чебаили хапли чебсаргъибХеливан, мицІирбиубси телефонни ну тирхъухъахъунра. Илди наб илцадра гъанагарти зянкъри.

– Сагаси дусличил! – хъунул адамла тІама аргъира нуни.

– Баркалла. ХІура мубаракриулри! Амма, черрерхи, чи сарри хІу?

– Марли, хІерагъуррав? – гІяшли дукарбяхІиб трубка.

– Валлагъ, рагъХІерагъурри. Набчи зянкъдирхъуси хъунул адам агарси сари, ахІерси, хІуни номер балкІли касилри.

– Юх, ахІерси, ил нуни бархъли касира, – хІинцІирбухъун трубка. – ХІуни уртахъуни гъамадли хъумуртули уилри.

– Чи бикІара хІед? – хъарбаира. Ил, анцІбукъи яра масхара барес дигули, уонта риркъуси риъни наб якъиннири.

– Наб Патя-Патя-ПатІимат бикІар, – иб трубкали. ТІама жагъсири, зайбикІуси, малхІямси ва гІяхІбизеси. – ХІед чи бикІару?

– ХІукІун ну валусира рикІулри. ХІебиалли, хІунира уртахъунала уми гъамадли хъумуртули руилри.

Трубка дукарбяхІиб. Масхарачи ил манзил гІяхІси гъавличир ризс гІягІнилири. АнцІбукъи, цунни кайибси нуни хІяз-масхара даимбарира.

– Ну гІякълу къутаси рурсира.

– ХІед хІуни къяркъси къимат лугулри.

– Халаси къяналичиб биштІаси бархъдеш гІяхІси саби бикІаргу. Сагал дуслис хІу севан гъуниулри? Шампанское асес хъумхІертуррив?

– Иличила ну жумягІ гъалавал пикриухъунра.

– Къучакъ! Чичил гъуниулри?

– Телевизорличил.

Трубка гІурра дукарбяхІиб. Нуни зянкърикІусила гъигъла иргъулри, хІятта илала ванадеш гъанаруливан бизур.

– Хъунул чинара гъатИи?

– Ил Сагал дуслис цархІилличил гъунираэс аррякъун.

– Дила мурулра ригнабачил гъуниваэс аррякъун.

– ХІебиалли, хІура нура цагъуна агилизирра. Яра хІу халаси масхарачи ризс гІягІнили саби.

– ХІед масхурти хІейгахъиду?

– Дебали дигахъис, хаслира Сагал дусла дуги.  
– Илкъяйда биалли, ахлерси, марлира, нуша илис дарх гъунидаэс гЯгИни-  
ли саби или хЕд гъанхЕбиркулив?  
– ХЮ караматчи руилри, сенкЮн телефойзисби тАмаличирли хЮни дила  
пикруми делчИри.  
Дукелци. Ил цацун ахЕн. ЦархИлла тАмара чебихулри.  
– ХЮ чум дус виубери?  
– ХЮни чехЕила гЕргъи ухънакаи, цагЯхИл хЯниэсра валли валкъа-  
урлира.  
– Амма тАма жагъли лебал. Ухъналайчи ил бекИлил мешули ахЕн.  
– Гъану урегра дус хЕд къабулдиркуру?  
– Дебали къабулдиркуру. ХЮ чинав узусири?  
– Ил – дигЯндеш саби, ахлерси.  
– ХЕбиалли, ахлерси, хЕд чи бекАрал бура.  
– Бурилихъар хЮ рирххЕэс асубирар. Патя-Патя-ПатИмат. Трубка сага-  
ли ва сагали дукарбирхЮли саби.  
– ТашмишмайкЮд: ну дебали рархисби адамра.  
– СултИан бекАр.  
– Турцияла султИанрив?  
– Юх, Иранна шагъра. Гъу, Сагал дуслис дарх гъунидиэхЕв?  
– Ну чераибхЕели, хЮ пашманируд или урухкЮлра.  
– Сен?  
– СенкЮн ну жагаси ахЕнра.  
– Нура Камалил Башир ахЕнра.  
– «Зачем вы, девушки, красивых любите...» – гЯшли далай зайбухъун  
тубкализиб.  
– ХЕла тАма дебали жагаси саби. Артистка мага хЕрииши?  
– ХЕд артисткаби дигахъиду?  
– Илди дигахънилизиб сегъуна пайда лебси, эгер ну чучил тянишли хЕй-  
асли?  
– Гъанна хЕла илгъуна имкан леб, чевяхИси шагъ. ХЕла гъарбизур.  
– ХЮ чинарад зянкърикЮлри? Чинар сари хЕла урда-мина?  
– ХЮни урцути халдуртачила аргъибсив? Ну илгъуна ца халдарилизира-  
дра зянкърикЮси? Чинав хЕрирулрил бурадли, ну хЕла улкъайла къасили-  
чи кариръус.  
– ИнжитихЕриубли, ну хЕла халдарилизи живарес асухЕбирусив?  
– Дила халдарилизиб Сагал дусличи сегъуналра хЯдурдеш агара.  
– АнцЮбукъ илкъяйда биалли, зубралан дурхъаси гЯхЯл къабулрарес ну  
хЯдурлира! – викЮлра, ва севан, чина ил раклес гЯгИнисил бурра.  
– СягЯт вецличив наб илав хЮ гъуниваи, – гЯжаибси ихтилат таман-  
бариб Патя-Патя-ПатИматли. Ил илала бархъси у биъниличичи, гъайгъай,  
ну, ил ляркъниличиван, вирххЕурра. ВалхЕлуси адамличичи илгъуна кахси,  
бархИахъибхЕели, тапанчабала ва автоматунала пЯнкъли лехИдеш-паргъат-  
деш гъяр-гъариуси абдал замана духуси, хЯтта ца камтилла гЯкълу-дагъри  
бекИлизир лерси хъунул адам гЯхИлад аркъусив? Ну биалли цундешли ва  
хумардешли, карцерлизи катурхЕливан, хъа бяХянани булан гъаजारилри.  
КИэсил базри ну илав хЕрирусичи. КЕл баз гъалав дила дудеш, дургъбала  
бутИакъянчи, отставкаличивси гвардияла капитан вебКиб. Нура офицерра

– флотла старший лейтенант. Щудара урхъула флотлизиб, ракетаби диху-си крейсерличиб къуллукъбусири. ХІябал никІа пача цугбикили, къулба-сунира кадатурли, чебяхІси ВатІан, булани къяб-къябдердибси шалбарван, пашбеяхъуб. Флот буртІес беХІбихъиб. Офицерти кІел къукъяличи бутІиб. ГІяжаибти, дагъричевси адам вирххІеэсти думяхІли гъалабла гъалмагъуни ва юлдашуни жалтази гІелабикахъиб. Увқасиб флотла командующий адми-рал Касатонов. Ну, бухъна бегІтачи гъамли, Каспила флотлизи шуратахъес гІярзаби лукІес вехІихъира. БусягІят республикала военкоматлизив узулра. Заманалис. Гъамли гамиличи шуралтниличила гъай лер. Севастопольлизив ну хъаллавиэс хІядурикІусири. Лерри ну вашуси украиналан исбагъи Све-та. Тумазир Петлюрала, Бендерла, Махнола хІи гъудурдиубсигъуна миллат-чи уррухъун цыганкачи хІябилра мешуси, хІябдусан тйиван ара-сагъси. Ва нуни иличи някъ гъакІбарра.

Дудеш шила хІябрази хІяриихъира. Илала гІергъи нешли шагъарлизир гъандуцес хІериуб. Ил – шилизи гечриуб. Имціатигъунти ваяхІ наб датур. Лебри гаражлизиб дудешла жявлил асибси, амма рахлира гаражлизибад дурахІейули бихІибси, дургъбала чулахъ сайлин, военкоматла кумекличил декІарбарахъибси «Жигулира». Ил нуни гъанналис гъачамалра дурахІеилра.

Жявлил цІябдаилри. Декабрьла гІергъиси бархІи биалра, Таркила ду-буртачибалра дяхІила пис аги. ХІеб ляркъутиванри. Сегъуналра умут агар-къи, вецІал сягІят диркухІели, гъаваливяхъес ва жявли заманалра шалгІеб-бухъесгу или, вягІдаладиубси мерличи гъаввакІира. Дураб цІиркІли-декІар ахІенси, амма тяхІуси дягІ, гІяяркъянали янилизиб чебсаргъахъибси синка-ван мицІирбиубли, гІянці-гІянціли, гушси бецІван цІумбикІулри. Автобусу-ни ва троллейбусуни вайтІа дашулри. ВецІал сягІят дикиб. «Гъайгъай, илини масхара бариб. ЛярхІякъян. Чинар сарил, ванаси хъули кариили, ил гъанна дукаркІули яра, набчилван, телефойзирад цархІилличил гъайрикІули рур-гар», – пикриухъунра ну. ЧІанкІли наб хІейгибизур. Ил нуни ралуси ахІенри, шагъарлизир дила тянишси хъунул адам аги. Амма ну хапли тирхъванухъ-унра. Ил нуни бусягІят рагъурра. Автобусличирад, газета шалкІубуцили, бегІ гІергъи карацІиб. Газета биалли, илала лишанри. Рурси ахъ-ахъсири. Ну цагІяжаибли гъузгъалдиубра. Шявси шалалиуб цІябли чебиуси къарал-ди алавчарли шурбирхъесбяхІиб. Гъамиубра.

– Салам, Патя-Патя-ПатІимат!

– Салам! – урузриуб ил. – Чевверхи, ну цакамси къанриубра. ХІед, гъай-гъай, ну хІякъян или гъанбикиб бургар.

– Бархъли бурасли, наб гъарли-марли илкъяйда гъанбикиб. Раши...

– Юх, юх... Лайикъли ахІен. КъянахІериэс, ца иткъяйда ракІибсира!

– ХІебиалли, ракІниличи пашманриублири. Яра вайсиличила пикри-рикІулри. Ил аргъесли саби. Нуша, рахли хатІахІеркасли, бегІ гъаларра че-диути. ХІела гъанагарти зянкъ, ишкъяйда гъунидагъни набра, вирхаэси ан-цІбукъван, муэрван дилзули сари. Наб, гъарли-марли, СултІан бикІар.

– Нунира къяна хІебурра: наб, гъарли-марли ПатІимат бикІар.

– ХІера, нуша гъарли-марли тянишдиубра. Белики, ПатІимат, набчи ари-цІуд? ГІяхІхІебизалли, хІед дигулиахъибмад гъунирралтари.

– ГІяхІси саби, – пишряхъиб ил. Бухъяна бягІуси чялгъуна кІана хъяблис алавбарили, илала дубани, дячунти дуклумиван, къакъличи сурдухъири. Дурар цІябли чедиулихъар, гІяхІялла цІуба кІана ва чялма берхІе рангла-

ри. Илис нуни регІратахъес кумекбарра. Цяба-берхе гъез хъянтІаличи дучилри. Цябти нудби-хІулбар, цакъадар бухъяна, бархъли бакІибси къянкъла регІ, манавша рангли дакибти я дукІули я дабзли ахІенти кІунтІбар, шаласи сипатла регІ чехъерири Патя-Патя-ПатІимат. Иличир бара къукъубачи кабаибси, букІуласи резинна сабхІеливан, чархличи дямбизурси чертІибси цІуба хІева ва илгъуна рангла, балала, бягІуси хъябцІарила бегІ жакет ункъли далдикилри. ХІяка чеббатурли, флотла офицерла палтарчевли ну чеибхІели, ил дебали тамашариубли, хІунтІенкариуб. «Сен иш набчи ракІибси? Селизибара дигІяндеш?..» – пикруми, имиулала бехъубси къадаван, важдиублири дила бекІлизир.

– ХІу дила зянкъличи ва хІечи ракІниличи дебали тамашавиубли ургуд. Гъар секІал хапли, гъанагарли детаур. ХІу чевверхи. Нуни бурусиличи хІу вирххІеэс асубирар, амма ил бархъси саби.

– Гъари, хІела бекІличира, гъар секІайчила бура, – пишяхъира ну, иличи вяхІчили кайили.

– Нуша хІябал рурси, педуниверситетла хІябал студентка, хъали буцили, дарх хІердирулра. Юртла бегІти, чула никІаси рурси нушачи хІердикІахъес хъаррарили, чула гъамтачи бархІехъ арбякъун. Илдала хъулиб телефон леб. Нушазирад ца, сегъуна-биалра номер касили, масхаралис зянкърикІес рехІрихъиб. Трубка касибти илини Сагал дусличил мубаракбариб. Гъайла къантІа, ил хІяз сабри. Нунира зянкъдяхъира. ВерхІла лугІира касира, дила дусмала къадарра, челябкъуси сагал дуслла гІергъити кІел лугІира. Сен, севан илгъуна пикри дила бекІлизи бакІибал хІебалас. Зянкъ хІечи дархъдизур. ХІера, ил саби лебил дигІяндеш. Балликъянаби, абдалриублирив, мякъяд, валхІелуси мурул адамличи ишкъяйда къанни гІяхІлад башутив, илаб хІечи се хІерлил балулрив или бахъхІи жалбикІи. Барх бакІес балбизур. «Наб дила къисматла хІялумцІес дигулрану, ратабая, гъай бедили гІергъи, къянариэс хІейги» – ира балликъянабази. ВирххІерулрив? – някъла биштІаси цІуба сумкализибад паспорт бакІахъиб илини ва наб гъабуциб. Ирбайханова ПатІимат Атаевна... Гъ-м... АкІубси дус... ХІебиалли, ил гъану авра дус рирули сари. Ге, тамашахІейэси анцІбукъ ахІенри ил: ПатІимат рархълири. Ну дукаряхІира. Урузли, хІунтІен-цІубкарирули, ил пиширхъули.

– ВалхІелуси адамличи ишгъуна замана ракІес риубси хІу дебали залум, урехи хІебалуси рурси руилри.

– Юх, ну халаси урухтусра. Амма иша ляркъухІели, иличила ну сенрил пикрихІерухъунра. Гъанна биалли дила баркъудиличи тамашариулла. Белики, ну мехІурриубли рургус, – бекІ гъакІбариб илини. – ХІу цацунрив ишав хІерируси?

Нуни набчила къантІли бурра. Ил пикричерли лехІахъиб. Сагал дус биалли гъамбикІулри, ну кухнилизи арякъунра. Бялихъла консерва абхъира. Нуси, туке бицІала далъи, кичІализи кадихъира. Илини зянкъдяхъяйчи делхъунти картошка ванадиахъес кадихъира. Лерри зукъити хиярти, камкамти гІинцби ва кампетуни. Лебри гІяваси ва халаси селедка бялихъ. Столличи илди дихухІели, ПатІимат тамашариубсиван бизур.

– ХІечи бахъал гІяхІли лябкъутив?

– Чилра ляркъуси ахІен. Нуни живарибси агара. Ну ишав гъамли тянишиэс, хІятта унрубачилра валли, гъанналис валкъаурли ахІенра.

СягІятла гІякърабти, бай дуги баъниличила бурули, хъябруцдикибхІели,



адизурли, нушани хьулухьмани диркьули, рурхьути чягьирла пигьлуми ахь-дуцира. Ил манзил дурар сегьунти кьаяк ахьдиубал! Ранг-рангла ракетабала шалмани зак някьшлабирусиванри. Алавчарти юртанала гьарил улкьай ва гьарил балкон п'янкьбик'усиванри. Азбарлизиб унра г'улухьабани халаси ца бикьйри. Ца-к'ел минут дура х'ердик'ули г'ергьй, нуша дукес кадиира.

Г'ях'яй чула халаси хьалибаргличила хабар буриб: неш, дудеш, к'ел узи, шел рузи. Ч'янк'ли ца узи ва к'ел рузи хьаллабиублири. Сари – физматлизир г'ергьйси шуибил курслизир руч'улра, рик'ар. Телевизорличиб байрамла концерт бех'бихьиб. Жюриливан, далайчибас ва делхьчибас кьиматра лугули, нуша кьалабах'едик'ули, г'ях'иси гьавличирри. Шампанскоела к'иибил пигьала ахьбуцили г'ергьй, г'ях'ял урезили рархьратур. Х'ятта Горбачевличила частушкала к'ел тугь делч'ун:

По России мчится тройка –  
Мишка, Райка, перестройка.

Нуша цазаманализир урк'и-урк'иларад дукардях'ира. Пат'имат чус заманаличиб стипендия х'елугниличила, хьулибад кумек агарли студентуни х'ербиэс х'ебирниличила лякьиррик'есрях'иб. Ихтилат хьалиц'аличира бетаиб. Набра гьанагарли, илизи дигуси левал хьарбаира.

– Илгьуна адам виалри, ну бусаг'ят ишар рирусирив? Х'у набчила вайт'а пикриик'улри.

– Черрерхи. – Нуша хьулир к'елрацун диьнили, гьанра агарси ил илкьайда г'ях'лад рак'нили ва держли набзир бунагькарти пикруми ва хьулани алк'ахьулри. Чягьирли ремжахьурли, ц'ами ухуливанри илала х'улбазирра. Ну, дуц'арила изай кьац'урцух'еливан, цаг'яжаибси, руржуси х'яйчиври. Ва, се бирулрал пикрих'евхьй, илкьайда г'яг'нисиван, някь буцили ахьруцира ва ч'умали хьябруцуцили, уммайрарра. Пат'имат тямхьяр-кьябарх'ерухьун.

– Х'у набчила вайт'а пикриик'улри ирагу. Г'яг'нили ах'ен. Тилади саби. Аллагь багьандан, раткааба. Ну илгьуна ах'енра. Х'ук'ун офицерри. Тилади саби, ц'ахмарираба ну, – иб илини, пикричерли ва урехили диц'или, халадаибти х'улбачил набчи х'еррик'ули. Дила бек' саркьиб. Ц'ахбизур.

– Черрерхи. Аллагь багьандан, черрерхи, – илра кариахьили, дила мерличи кайира ну. К'елра хьат х'улбачи чедуциб. Рисирирьур или гьанбикиб. Амма, игьбарлисван, ну хат'аикира. Рисуси хьунул адамла гьалар гьандуцес наб дебали г'ядабл бира. К'ух'нилизирад к'илисалра кофе хира. Дуц'арти ва бизити. Пат'иматли илди ишт'ах'личил держиб. Сяг'ят биалли х'яблизиб бузулри. Нуни илис бамсриахьахьес маслиг'ятбарра.

– Ну се риубара, чина рикибара или рурсби лех'ихьули бургар, – иб илини. – рак'ибмад зянкьдяхьес гьанх'ебикиб.

– Гьанна зянкьдяхьес кьанни саби. Илди бусули бургар. Х'ук'ун телефон х'уша х'ердируси хьа бег'тала саби рик'улри. Кабихьй биалли, мажах'ят илди х'ела зянкьличи разибиз. Х'у набчи гьимх'ерук'илрив?

– Юх-юх, сен гьимрурк'усира? Набчи лех'ахьнилис х'ед халаси баркалла. Ахирра, ил г'елабси, ну гьалабси хьулрази кадихьунра.

Савли нуша кьанни черсаргьира. Дарх дубдатурра. Илини камси ах'и х'ебержиб. Амма разилири. Пат'имат наб г'ях'ризур. Севан жагасирил илала луг'янси, ахьси ц'уба хьаб! Севан пергерли бих'улрил илгьуна хьябличибси уктемси бек'! Пат'имат цакьадар ч'укьаси, духьянти, ч'умати г'иркьмала дег'ти кьашмар, каг'ерси чехьерири. Ил вавалидяхьибти жагьдешли жагарарилри. Амма илис издаг исбагьй вик'ес х'ейри. Ч'янк'ли илала х'ер ва пиш'ала, берх'иван, дила урк'илизи адац'иб.

– Зянкьдяхьес асубирару? – хьарбаиб илини.

– Гъайгъай! – унзара къяпбарили, ну кухнилизи дуравхъунра. Илис, гъайгъай, сунела балликъянабачи зянкъдяхъес, илди паргъатбарес дигули рурги. ХІери баибхІели, ил аррякъун.

– Хъуммартид дила къуш, – ира нуни, троллейбусличир ил гъунирралтули.

– БархІехъ яра жагІял савли зянкъдирхъис – чесиб илини, наб някъ гъабурцули. Сагал дуслу цаибил бархІи биалли тІягІямагарсири: зубри дамкъурти гъагулта гъакадарилри. ВязбикІесбяхІиб.

ГІергъила бархІи херейс, дила умут бетяхъибхІели, илини зянкъдяхъиб:

– Чи леву хІечив?

– Чилра агара.

– Гъайла иргъулрагу гъатІи?

– Гъа-а, телевизор саби гъайбикІуси.

Илала гІянцІти дукелцІи чедихулри.

– ХІу чинарад зянкърикІулри?

– Почтализирад. Юртла бегІти, чина сабил арбяхъи, аги. ХІуни се бирулри?

– Телевизорличи хІерикІулра. Раши набчи. Сен лехІкахъилри?

– ГІурра ракІасли, хІед анцІрулкъас или урухкІулра.

– Наб хІу мурталра анцІхІерулкъад. Рахли илгъуна бетаалли, хІези бархъаначи бурис. Наб... хІу чераэс дигулра.

– ГІяхІси саби, гъамли илар ризэс къасбирис.

Ну хъули кахІерцусиванри. Чуйнара улкъайличи гъамиубра. Дураб даглагъуна бамкъурси, нясси аргъ биалра, дила уркІилизир ванати, шалати хІеб вавна пухІдикІуливанри.

– ХІера, ракІира! – унзализи зянкъдяхъили, дила гъаларизур ил. Илала тІамализир наб разидеш, хІулбукІри гъанаур. КІунтІбиван, хІулбира пишдяхъиливанри. Илини зянкъдяхъес цакамси гъалар нуни флотла тяхІярли макаронти хІядурдарибтири. Ил хурег – делхъи, дяргІибти шинни чахъдарибти макаронти дерцІибти диъла дибгІянти бутІни гъудурдали бируси саби. Нуни биалли белкъунси, берцІибси диъ гъудурбарра.

– Севан бизилил! ХІу дебали гІяхІси повар уилри. – Дила хурег гапбариб илини. – Амма гъар бархІи чягъир гІягІнили ахІен.

– Цакамти. ГІяряхъи яра коньяк хІедизегу... Се бикІи хІела балликъянаби?

– Агъ. Мабурахъид! ХІу мицІирли хІерургуд или гъанбиркусири или дукаркІи.

– Илдира жибарадри гъатІи.

– Илди янила имтихІянтачи хІядурбикІули саби.

– ХІу хІядурриублирив?

– Цакамси. Камси гъарра бизурли, Аллагълира гІерруцасли, гъар секІал ункъли дирар или гъанбиркули саби.

– Я Аллагъ гъарбизаб хІела!

Ил рикІуси бетаур. БегІ гІергъиси имтихІян бедибси бархІи нуни илис жагаси сягІятра, сунела аги, вавнала жагаси халара асира. Сагал дуслис гъунидаибхІели ахІенси, ил набчир гъачамалра дугели кахІелун. Амма нуша цалис ца дигниличила мукІурдакІира. Нуни гъанна ил дила гелешмешлизи хІисабриулри. Патя-Патя- ПатІимат каникултачи аррякъи кІизил бархІи бархІехъ телефойзирад набчи чи саррил хъунул адамли зянкъдяхъиб.

– СултІан сайрив? – хъарбаиб илини. Нуни илала суал марбарра.

– ХІу чи сарри?

– Ну хЕд гЯхИдеш дигуси адамра. ХЕчи дуцІрикІуси ПатІматли, хІя-лалсила, умусила гІердирули, хІу виргІяиргулри. ХІугъунти илала чумилра биубти саби. Ил чІичІала хЕчил севан тянишриубал, марлира, цагъача-малра хІу пикрихІевхъунрив? – илис хІу ахІенрину, МяхІячкъалализир калес багъандан, хЕчиб прописка саби гЯгІниси. Ил гурдала макроличи хІу шакхІеркниличи ну тамашариулра, гьалмагъ старший лейтенант. – Автоматлизирад хІярхІубиван, илдигъунти дугъбира хъярхъли пІянкъдарили, ну се-биалра бурес валкъаайчи, илини трубка кабихъиб. Ну, гІелабад бекІлизи къаркъа бяхъибхІеливан, дадкайзурра. Ил, «наб гЯхИдеш дигуси», гъай-гъайра рарх ручІуси студентка риэс гЯгІнилири. ХІера, илкъяйда сай адам пІянкъхІебарили, вирхъуси ва каршуси. Дила бекІла мехІелизи ва уркІилизи исиут гъудурдарибти зе чили сарил писдирутиванри.

ПатІмат сут бархІи бархІехъ, ца жумягІла гІергъи, набчир рагъарриуб. Халаси сумкара кабихъили, арацІибмад, ил набчи, хъябруцрикили, жибжир-карухъун. Амма ну севан вяргІили гъуниулрал бусягІят шакрикиб. Хъу-цІрумачирад някъби урхІесили, ил набчи кахливан, цагІяжаибли вякъризур. Марли, илдигъунти хІулби къунба дугъес дирутирив? Сипат барсебиуб, разидешла шала бишун.

– Се бетаурли?

– Селра. Гъар секІал ункъли сари. Рамсуррив? – регІратахъес кумекбарра нуни. Хъули адацІили, дяхІчили кадира.

– Ну сукъур ахІенра, хЕчил се сабил бетаурли саби.

– Паргъатрии, биубси селра агара. БекІ изули саби, – ира нуни. Ил рирххІеур. Ута набчи гъамбарили, дила кІелра някъ дуциб.

– Наб дигахъира нушала ургаб мурталра сегъуналра, хІятта мискъалцадалра, дигЯндеш хІебиубли. Гъайгъай, ну гъарли-марли дигули риасли. Хъулир ну дуги-хІери хЕчила пикририкІира. Ва, гъанхІедуцили, чарриубра.

Нуни гъар секІайчила бурра. Иличи бекІлала ранг чедидерхур. Аризур, къунзрухъун, гІурра карииб ва рархъли набчи хІерризур. ПатІмат руржусиванри.

– ХІу илди гъайличи вирхауррив?

– Ну – зянкъдахъибси къясси, хІу дигхІейгуси адам риъниличи вирхаурра.

– Наб гъанна бикайчи дила душманти леб или гъанбиркуси ахІенри, зянкъдахъибси хІяжар чи сарилра ну шакрикес хІериулра. Амма хІуни дила суайс жаваб хІегири. Марли, иличи хІу вирхауррив?

– Гъайгъай, вирхаурра.

– Сен гъатІи илкъяйда наб гъуниваири? Яра ну хЕд анцІрукъирав?

– МехІурга муругъудну, паргъатрии, – кІапІруцира ил нуни. – ХІу ряргІири рургуд, чайник чебилзас.

– Дила михъирличи бекІра кабихъили, ил симкърикІесряхІиб.

– Гъу, дугІшайчир марисуд, – илала бекІличи хІяршикІули, уммайикІе-сяхІира ну. – ХІу хІейгутас вайбарес багъандан, гъатІира разили ва иш жагаси бекІ уктемли ахъбуцили рашес къасбара. Илди разибахъес сабаб малугад. Раши кІухнилизи. Беркала хІядурбирехІе. ХІукІун гушриублири.

– Ну, рурсбачил ахІи, гъачамалра киноличилра рякъунси ахІенра. Чи риэс гЯгІниси ил бугътанчи? Нуни селра аргъес хІериулра...

– Адамла сипатличил, шайтІунтала уркІбачил башутира лебти саби. хІя-лалси, гЯхІси, умуси инсайс вайхІебаралли, илдас хурег ашбируси ахІен, бикІар. Къуцузунала талихІ чула бугътанти дурусли лишайзи чегнилизиб саби. Илди – вава-къарлизи дигЯндикибти занзигъунти, ламартти нажасуни

саби, – нуни илала дуцІарти ва зукьити шинни дуцІибти хІулби ва хІябци лажуби кІунтІбачил лямдарра. Илала чІумаси михъири гъалакли кьутІбикІу-си уркІили тІинтІдирути хІили лукъусиван, терсли ахъ-гІяшбирахъулри.

– Наб дяхІ-някъ дирцес дигула.

Дукес кадиибхІелира, гъаланачи ил ратхІерухъун.

– Наб я МяхІячкъала, я прописка гІягІнити ахІен. Студенткаби-ургаб нушачила хабар тІинтІбиуб. Мар саби, илди хъарбикІухІели, масхаралисван, ну гъанна мяхІячкъалалан сарра или гъанбиркур.

Илини гІяргІяла диъбала ва картошкала дабза кІел чуду, улелъала мураб-бала кІел литрла банка хилри.

– Чудни хІуни дарибтив?

– АхІен.

– Мурабба къалли хІуни барибси саби.

– АхІен.

– ХинкІи дарес баладу?

– Хебалас.

– КъацІ берцІес къалли балад.

– Хебалас.

– Хебилли, наб хІечил халаси хІянчи барес чевкъар.

Ахирра, ил дукарряхІиб, букуси къяраэс хІериубли, хъехІрикІес рехІрихъиб.

– Набчил жалрикІули, гъаннаван хІулби кьурдатадли, хІед Аллагъли мур-талра сегъуна-биалра танбихІ пикрибиру. Гъачам хъехІрикІуд, гъачам гъур-кърикІес рехІрирхъуд. Гъачам – гІемчрикІес...

ПатІимат ваннализи ребшиб. ЧарриубхІели, ихтилат даимбарра.

– Гъу, севан бамсриахъири, бегІти, узби, рузби, гъамти севан баргирил бура.

– Хебурис.

– «Хебалас», «хебурис»... БусягІят хІу заядиубти къанцІван цІикІлири.

– Ну чераибхІели, цакамси гъалав хІуванра.

– Севан рарскъа ва сегъуна жалукъ руилрил хІу, ахІерси! ГъимрукІибси риганай даршуриахъес багъандан, ил яра уммайрарес яра илис сагати туф-либи асес гІягІнибиркур, бикІар. ХІу даршуриахъес багъандан, наб кІелра секІал дарес чевкъар, – уммайрарра ил нуни.

– ХІела бекІ буралабани бицІили саби, – ахирра, пишряхъиб ПатІимат.

Къям-къуцІулра дирцили, телевизорличи хІеррикІес ил дила мякъла ка-рииб. Паргъатриубли, гъаларван пишрирхъес, дукаркІес, ихтилатрикІес рехІрихъиб.

– Хъулиб набчила се-биалра буррив?

– Бурра.

– Се?

– Гъанхебиркур.

– Се бикІи гъатІи?

– Гъанхебиркур.

– Валлагъ-биллагърагу, хІу гІяхІгъабза рурсири, чІянкІли, гІясидеш ва гъими гъалар дашахъули, гІякълу гІелаб хІебашахъадри, хІед къимат хІебири.

– Ил багъандан ахІенрив хІу наб забла къириван гъуниваибси?

– Гурра... Багъадаллизир чякни дирхІули сари, илдала жал биалли ну-

шани ишаб, мучила дег бугуйхИиб, ирзулра... Илгъуна бурала лебси саби, – хъутурухъунра гу. ПатИмат, ряхЛичи някъби чедуцили, дукаркIесряхИиб. ЛехIкахъили, гIяхIцадхИи телевизорличи хIеррикIули кали, ил аризур. Илала тIабигIят наб сагадан гIела гIебшнила аргъличи мешубикиб. Жявлил цIябдаилри.

– Наб разес дигулра, асубирару?

– Рази. Иличила набзи хъарбаэс гIягIнисив?

– ХъархIебаэс, ну гъанналис хIела хъунул ретаурли ахIенра.

– Ретаи гъатIи.

Илини наб мегIдариб.

– Ну калхъулра.

– Кайхъен.

ГIелабси хъули рякъби, се сабрил касили, ил ваннализиди аррякъун. Гъамли илабад шинна чяхIла гIама чехиб. Ну дивайчи кайхъунра. Дила бекIлизир тамашала пикруми цIубхъдикIесдяхИиб. ПатИмат, каникулти тамандиайчи гъанхIедуцили, набчи чаррухъири. Ураркъибси гелешмеш хIериалра, гъай-гъай, дигайлири ил набчи кибси, набчи рирхули ца хъулиб набчил дуги бер-кIес калунси. Сунелайчир камти ва хIярхIти ахIенри дила хIи рурхъяхъути хъуланира. Ну нушала къисматуни делсунси сагIятличи севан хIерлирил, ца нуницун балас. Илдигъунти пикрумани ва хъуланани, лебилра ванза сири аурли, ну гардирусиванри. Пикруми цацахIели, заманалис дебали гъала-дурхъи, сихIрула цIуба арцанван урци: нушаб севан жагаси дурхIя алкIанал, севан ил нуни бегI гъалав урхъу чебаахъес аркисал! Гъанна биалли илдас ПатИматла дугъби ургадулхъулри: «ХIу илди гъайличи вирхауррив?» къунба дугъес дирутирив илкъяйда набчи хIердикIути, жавабличи хIерти хIулби? Амма супила зянкъли набзир ташмишдеш акIахъуб.

Простынялизиди ласриубли, ил багъалали набчи гъамриуб. Дивайчи кари-иб. МискIла тIем пухIбухъун. ХIулби цIябдешлизир чехIедиасра, ил набчи севан хIеррикIулил гъанаур. Простыня утала къакъбяхъличи кабихъили, ил дила юргъа уди цIухIванкарухъун ва хъябруцрикиб. Разили гIергъи, илала чIумати михъирти, чарх, някъби-къяшми тяхIули лералри. Амма севан ремжурли, сегъуна ламиди рамчбикIесбяхИибал илизибад, ца цIала къялтали-чи шурухъахъи! Нуни дубахъес хIейубра: ахъри-хIял аги, левилра алкунра. БекI дурдиван жургъбикIулри. Дила кIунтIби дукухIеливан, ил мурили цIумрикIесряхИиб. Нуша мехIуркадиубра.

– Хъалладиайчи, нушаб сен-биалра гъандуцес гIягIнисирини. Сен хIуни хапли илгъуна барри?

– Ну сегъунарал хIед марбарес багъандан. ХIу разили ахIенрив? – шив-кIиврухъун ил.

– Дебали разилра, гъанна селилра, чилилра нуша декIархIедирура. ХIу дила хъунулри, – чIумали кIапIруцира ил нуни.

– Наб хIу дебали дигулри. Нуша къисматли цугдикахъибтира. Гъанбир-куру бегI гъалар хIечи ракибхIели нуни се ирал? Баягъи барх хIербирути рурсеби мякъяд бикIухIели, илдази иб: «Наб дила къисматла хIялумцIес дигулрану, ратабая...»

– ХIуни илхIели балули уррухъунри чичи аркъулрил, – масхара бурра нуни.

## Проза



Къасум-Бег  
МИГЪРАБОВ

### ШАХЛИ ДИГУБТИ КЪАР

*(Хъарахъуд)*

– Жагали ахенрав? Шинна рурсиличи мешули ахенрав? – тПалабкиси тПамаличил хъарбаиб илини.

– Жагаси сарри, жагали... Амма гъарли-марси Шинна рурси хЕчир жагаси рургар...

Дунгарма гымрукИб риес викІулра. Илала гъинчІ бетахъиб, хІерра гІяшбиуб. БерхИ хапли гІелабикибХеливан, ну пашманиубра ва уркИи вавасбухъун.

– ХІела пикрили, ну Шинна рурси ахенрав? Чинара гъатИ ил? Чинар риуси? – Илала тАма руржулри.

– Шинна рурси... Ил къалли берхИилиур лямцІрикІули рургар, урцусира рахли хІериалли?! – ира нуни вачавархили.

Илала хІулби журугдиуб, гІур биалли илди халадаиб, кІинайс къухІбуцили бекІ, шипІряргИб. ЛуцІули ахъси пион вавала кІапІри, ахирра илини иб:

– Сен гъатИ, илкъяйда хІебиалли, наб адамти Шинна рурси бикІути? ХІура викІулри, хала нешра рикІули сари...

Нуни уркИиличи бакИбси бурра:

– Ца ити бикІути бургар.

– ХІебиалли гъарли-марси Шинна рурси хІуни рарга, ну хІериасли. Белики ил дубуртазир рургар...

Набчирадли шайчиряхІ ласрирхъуси илала хІулбазир нуни нургъби чедаира. Се ирусил хІебалули ну лехІкахъилра. Алавти галгубачир, шинна дублар ва гъаваличир арцанти дучІулри. Чинабадрил къутІла тАма чебихулри. Белики къутІкъутІи бурги. Хапли нушаб гъамли къяли къябчІбухъун ва ахъти къар шикъирдохъун. Нуша кІелра дарх иладяхІ хІердизурра.

– Гъя! – ахъли иб Дунгармани ва дила някъличи хъямрикун.

Нура уркІухъунра, чархкадли урехила ружерберхур.

– Се саби ит? – шипІрбатурра нуни. УркІби ахъли къутІдикІулри нушала, хІятта илди къутІла нушанира иргъулри. ГъярцІа къяшмачиб, бара баркъибси къачачи мешуси, хІунтІена гулиличир цІуба дамгъначилси ва халати лихІбар мицІираг гъалаб тІашбизур. Ил мукъарличиб яра гежбачиб баралра халали ахенри. Илини лихІби нушачидяхІ дингаиб, иличибли бикІусиван:

«ХІуша чи сартира?» Ил паргъатлири, цІудара дяхІличирти халати хІулбира тирхъли ахІенри. Илбагъандан нушала уркІдухъни ва урехи детахъиб. Илала куц-кабиз гІяхІдизурлири нушаб.

– Ит гъинтала дурхІя саби... – шипІирбатур Шинна рурсили ва иличил къабулси нуни бекІ гъакІбарра.

Нушани гъалаб гъинтала дурхІя чебаибси ахІенри, амма хІебиалра, сеннира ил биъниличира нуша ташмишдикІули ахІенри. ХІеръили набчи Дунгарма гъинчІризур. Нуша тамай паргъатдиублири ва нушаб дигуси ил манзил ца секІалцун сабри: сецадхІи гІурра хІердикІес дирутирал нуша ил мицІир жайчи.

Дуцили някъби нушани иличибяхІ ганз кацІира. Гежбали лихІби дянгаиб ва, тѣп гежбаван пурхбухъун, чуйнарил тІяхІбухъи, тІашбизур ва сагали нушачибяхІ ласбяхъиб. ГІячихъли чедиули илала цІудара къянкъ, умути цІудара хІулби, хІятта гІеркъати, къяпІикІуни далли. Ил хІербикІес даимбиублири. Гъанбикеслири, буцахъесра буар или. Ургар лертикІун вецІнушур-гъал ганз сарри.

– Баши иша! Тамашалара лебрину! – вѣвъиб Дунгармани.

Ил гъачам гъатІи хІербизур ва, чуйнарил тІяхІбухъи, ахъти къарлизиб бетяхъиб.

– ХІябилра жагасира тебри, хІекъли гежбачи мешусири.

– Валлагъ кунксира сабри!

– Гъарахъ къалли архІябкъун ил.

– Ваши гІергъидулхъехІе...

ДиругІер нуша дуцІдухъунра. Ца ахъси къякъличи далли адацІира. Амма илала хІерзира аги. Гъинтала дурхІяли даршударибти нуша сагали ихтилатдикІули ва нуни иличила Шинна рурси сарил ахІенал, дурути ташмишгъайчила хъумкартурлири. Нуша иличила къайгъилизирри ва бецІлизи хІебикахъес или дулгулири.

Нушала мукърала хІенкъра алжайзибван сабри, бизити вава-къар дугули, ургаб хІязтазира ихъули. ЦацадехІ галгубала дяхІцІурбаур кІаламдикІули, цархІилти, гІяйкадикІули, зярхІти бизишинни дицІибти къар къибдирули, дугули.

Ил манзил тамашала мешубуц гъалабизур наб: гъярцІа ва кункти къяшмачил, саркъибти лихІбачил, хІунтІена гулиличирти цІуба дамгъначил Дунгарма гъанриркахъулири.

Дила пикри марбаресван ил, кункли кайцІули, сунела гъярцІа къяшми къар-ургаб кІунтІрар хІевара дуцІбикІахъули, къабулдайс гІергъирухъун.

– Агъа, набзи буцахъес хІейгулрив хІед?... хІябилра гІямултар хІебиадли... – рикІули ил сунези сари, галгуби-ургар дуцІрикІули. Нуни, дугІла гІяб абитІи, иличи хІерикІули, букулри.

– ХІу лергІер мешулири гъалабван ишабад бѣбшибси гъинтала дурхІяличи! – вѣвъира нуни.

Дила гъай гІяхІдизур диэс, илини дуцІ тІашаиб ва, кІелра чури ласдирули иб:

– Мешулив итала лихІбачи? ЛергІер мешулив?

– ЛергІер мешули сари. Масхара ахІен.

– Или биэсра гІягІниси саби, къабулдан биаб, арца гидгари биаб, цунси галгалиубси арцан биаб. Ит, бетяхъибси гъинтала гежба биаб, лерилра нуша дубурталара шиннара дурхІни сарра...

ГІур илини къабулдайчила гъанбикахъиб, амма ил чинабалра чебиули ахІенри, иличи илала иштяхІра бетяхъибсигъунари.

– Гъанна нуша иникълизи адицѣхѣ, – иб илини, – ил ишабадли гъарахъли ахѣн. Илала гъалаб нушани хала нешличил чуйнара цѣа бикъурли ванадиубтира.

Биштѣаси хандакъ ахъили нуша гъасабухъунси лусеннна чеди черяхѣ-духъунра. Иларад дурхъаси Гаснала хѣунтѣндеш рябдикѣуси шурмала ляжуби хъатларван чедиулри. Чедир, лутѣи агарси заклизидяхѣ, мявнадиркъули, арцурлири къарчигъаби.

– Ит дубурличир дашули сари, бикѣлар, дугѣла зерхъи. Хѣеризи иша, ит галгализирад се сарил чухдикѣули. Юх, ил къир ахѣн, илис лимис канифоль бикѣлар. Гъез ицухѣели, ванати шинниси бархаадли, илди жагадиру ва бекѣла хъимсни агардиру, бикѣлар. Хѣерикѣен сецад тамашала секѣлал чедарал нушани. Тамашала саби иникъра. Дахъал сари дунъяличир тамашала секѣлал... Гѣе... мисаллис каса ит вава. Ил лебгѣеб хѣунтѣена. Гелешмеш\* – вава бикѣлар итис. Ил бедлугули бирар, кѣинайсра гъуниваэс дигухѣели, чичил биалра... гъм... дубурличирад кадаѣибмад цалис цали лугехѣе... гѣурра мукърачил иша дакѣес багъандан. Аргъирив? Их бучѣуси чякас хъанцѣа чяка бикѣлар. Леб ихичибра жагаси ва лебгѣеб устачебси лукѣи чяка – илис илкъяйда бикѣра бикѣлар – уста лукѣи чяка. Балулрив сен или бикѣусил илис? Сенахѣенну илини мурси делсес балухѣели. Илди делси, тѣп лукѣлукѣиван, илини галгаличиб пукъа биру. Чѣянкѣли бершили... сунела биштѣаси къудкъудили ва качѣуба.

Тѣашхѣеризурли гъайрикѣули, илини лерилра сунени аргъибти ва далути набзи дурулри.

– Гъарли-марли хѣуни дахъал далули руилри, – ира нуни.

– Гъайгъайра, – иб илини, пикрира хѣерухъи – нукѣун Шинна рурси сарра. Русалкала... ишав мяхѣкамли вирен, рахли къяшлизи занзи алтѣахъадну. Инкъир дахъхѣи хѣедуэхѣе. Рахли нушала мукъри ваѣѣализи духѣнадухъалли, деткахъес асубирар. Ихди, удир тугъ барибти галгубазир чумал галга хер ваѣѣала бягѣлила, илдас хѣулрухъи бикѣлар, цабехѣ – жия... Гъачамлис илди дерѣѣили ахѣн. Садаили ахѣн улелъара. Гѣурра ляркъехѣе иша, хѣулрухъи садаибхѣели. Ихаб, их сутругунала чирхъли буѣибси къякъла удиб дебали урехила билхѣла хеб. Ихар чумра миѣѣираг илхѣунти сари, бикѣлар. Вайти урѣѣила бегѣти адамтира. Илгъуна адам жиироти вавни дашути сари ихар, илди адердес ветаѣѣахъили – къяриули виэс... Мякълаб хеб дяргѣибти шинна урунжра. Илала шин сари их билхѣлала чедир лямѣѣдикѣути... ит лес чедибадли алавбирехѣе. Хѣед гъанбиркулив хала нешли бурибси хабар?.. Баягъи ит ѣѣудара рухѣла вегѣ адамличила? Ил адам иш иникълав хѣериубси ургар. Итар дахъал лигуби, ѣѣала къел-хѣерзи, палда... ит ѣѣударси адамли дукули урги ишар, ишбархѣи нушани чебаибси гъинтала дурхѣягъунти гежбуни. Цѣаличир дерѣѣили... Хѣера, ит иникъра. Удирад адаѣѣес гѣягѣинили саби.

Тѣашхѣеризурли гъайрикѣули, илини ну иникъличи ваахъира. Илала гъалабра, гъабарили лебилра тѣярхъи, хѣярамгъачла халаси галга бакѣилри. Илала къялубли ургавад аѣѣес гъамадли ахѣнри. Тѣярхъи илѣѣдра халасири, хѣятта урчиличив мурда валли аѣѣес вири. Иникъла бухѣнала юрталичиб гѣяхѣѣадла халалири, саби иникъра юрталичи мешулири.

Илала духѣнар ѣѣамала дахъал къел-хѣерзи лерри. Дерхѣибти ва дерубти чѣянкѣила бутѣни, чинила бутѣни, ѣѣубкавхъунти лигуби, арцантала пяхѣ-



ли, бекла вакъаби... иникъла бухрира гавли цудардарилри. Нушани ил гямзи-гямзили умцурра, се биалра, тамашала секлал барггес дигусиван. Някъби къуждирули калунра тярхъубазира. Амма селра хлебаргира. Ила адицухтели демжурти нуша, гъанна, дяхила дяглиу дикибхеливан, тяхудуублири.

– Бугярли саби ишаб.

– Ге, дураб ванахтели яра буцархтели, ишаб тяхули бирар. Амма яни ишаб ванали бирар. Илгъуна саби иникъ.

– Буци хедашутира иша?

– Илдигъунти урехила секлайчила сен гъайиклури? – шивкивбариб гъалксаурси илини, селизирад сарил сари урухлусиван.

Илала гъайли асар бариб биэс, нуша дурадях датдихъира. Дурадухъунхтели, Дунгармани иб:

– Гъанна ишаб вявъа ахъли!

– Селис?

– Ца ити. Памадара. Иникъли хела тлама тикрарбиру.

– Э-э-эй, чилра мицирси леву ишав?! – вявъира нуни.

«Ра... ирси... ву... ишав...» тикрарбиуб иникъла бухнаб тлама, цараван, гянцл-гянцли...

– Бикъулрив? Хела тлама ахен къалли? Ик тлама бабзли, гъуркли саби. Ил шинна хужаимтала бек сай, талхъан. Дурхъаси Гаснала тлама саби ил. Лехлахъи гъачам гъаги... – Ил иникъла гъала гъамиуб ва ахъли иб: – Ху Шинна рурси сарри!

Цархил тлама зайбухъун илабадди: «Ху... ..инна ру-у-ур-си-и-и... са-а-арр-и-и!»

– Иргъулрив? Ил тламакун ца ити гебалгъуси тлама ахен? Гасна саби или биклуси, ну Шинна рурси риъни марбируси, – дукаряхлиб ил.

Иникъличи дугъайзурли, ира нуни:

– Илкъяйда сабив?

– Ге, саби-и-и, – жаваб чарбариб наб.

Дунгармачил нуша дахъли дукарклули калунра, ва гурра се биалра хъарбаэс пикрибарра.

– Галгаличи мешуси узи чинава гъанна? – ахъли ира нуни.

«...Чинава гъа-а-анна?..» – тикрарбиуб тлама ва, илабад арцурли, ца дубурличибад итилличи биули, цалис гергъи цали тикрарбирули, галгаличибад галгаличи биули ил гъарахълиб клунбацлиб. Илди илизи жидиклури, сенахенну чула урши сайри, илди цализи ца хъардиклури, суравдиклури.

Ил хязлизирти нушани замана аркъни пикрилизи кахлесилри, алвчарли хердизурхтели, берхли музурбала сиртличи гяшбирулри. Гушлира сарри. Амма урклиби хулклулири, сенахенну Гасналичил гъайдухъирину. Гъалакаили хенкъра нушара Гаснала мякъ ахъили майдайчи дурадухъунхтели, Жунай къаршиикиб. Илала улибхала гелаб кабушибси гъинта лебри.

Делкъахъунраяв хушала мукъри? Ишгъуна жанивар чебаибсив хушани, дурхни? – хъарбаиб илини, гъинтала бекличи тул бяхичиули.

Ил, гъунар агарли, ита-иша сурбиклури, бара гъаргбиубси мухлилабад хунтлена лезми дуракабухъири. Иличибси берта аплизи суркбиклули, цударбарилри. Даргмах дурасили виши, ил багъандан илала канилизибси халаси тярхъиларад хира зугъдухъи, урчила къакъличиб хунтлена тугъ батурли, ванзаличи клантдиклури.

Наб нушани чебаибси гъинтала гежба гъанбикиб... Иш, гъинта, илала неш биэс гягнилири, увяхси Жунайли кабушили.

«Шурличи шурухъахъес биалри иш» пикридикІулри нуша.

– Адавзили гьинта гераиб, хІушани вавни далцІада. Нуша лебтасалра сабухъ бикили саби, гьариллис сунес дигуси... – иб илини, лихІбачи би-кайчи гьаргбирули сунела, пясписаглайчи мешуси кІунтІби агарси мухІли. Илала духІнарад гьардакІилри духъутІти, хъяшли дакІибти халати цулби.

Нушала уркІби дисулри.

\* \* \*

ЖаняхІлизир ахъдиубти вьвлочи кабинетуназибад дурабулхъути хІянчи-зартани ил бицІиб. Алавчарли хІеризурли, илди чебаибмад Сиблихан кабинетлизивяхІ къалабаикиб.

– Пямрулизиб гьачамалра гьабзала баркъуди кабикибси ахІен хІезибад-ли! – жаняхІ батайчи, илис илди гІергъити гъай гІердаахъиб Сабирли. – ХІяагар! – Илини бекІла чеди ахъбуцили, газетара пялхъярбирулри.

– Се биубли хІед? Паргъати, – иб бегІла къанни ила гъамиубси Хатирли.

Цали ит, цали иш бурули, хІянчизарти цализи ца гІяшли гъайбикІулри, амма Сабирлизи селра ирусси аги.

– Эгъ, чула яргаличилси «хІяз» саби, – гІяшли иб урусла редакцияла бекІ редакторли. – бегІ гъалаб хІебиэс. БархІехъ кабиили бужра-бужа. – Мя-къларси, илала гъай гІердурцули, бекІли гъакІрикІулри.

Сабир, Хатирличи лехІахъили, сунела кабинетлизивяхІ ватихъиб. Амма ухІнавхъунмад, иличи сагали гІясидешла рамч чедиберхур.

– СецадхІи чевдукаркІусив ил дибягъ нушачив!? СецадхІи яхІбирусив? Мурул адамлизиб, эгер вегІ мурул адамлизи халирули виалли, илала ли-шанти диэс гІягІнити ахІену? ХІу, Хатир, ишав узули чумал дус дикилив? Гъугу, верхІел-гехІел диабгу, ну къалли гъану шура дус узулра. Нуни дахъ-ал чедаира, дахъал секІал аргъира. ИтхІели партияли кавкили катурхІели, цаван вяшикІули вири, чІянкІли чедибтас лявикІули, гъанна гъатІи – зама-на, аги-къяйда дарскадиубхІели, итди хасиятунала чеди, акІахъубли «кІел ва ца» къукъя, издательство лутІули сай. Гъу илра буэс?.. ХІеризи иша, – илини газетала кІибибл бяхІ чебаахъиб. – БелчІен!.. Газетала бяхІ бицІи-ли кабяхъибси макъалала чеди белкІири: «Халкълис къуллукъличи каибти пасихІдеш». Хатирли ил, мер-мерличир ца-ца предложение дучІули, чичила сабил аргъиб.

Гъанбиркуру гъалабра, тп илгъуна, белкІ кабяхъили? ИтхІелира илала удибси ута чІигъбухъири. Къалабали гьар секІал дарили, укъес гІягІниси мерличи вякъи, буреси бурили, халаси макъалара кабяхъиб. Иш гъакІлисра, тп илди цадехІ авара дехІдирхъули сай. Амма, гъала-гъала, ну арукили, су-нела гурда-мез вьщдариб. Наб гъанбиркули саби илди хІезира дуриб или...

Хатирли, ил секІал марбирули, бекІ гъакІбариб.

... – Селра хІейкІули, нуша паргъатли датурли сен вьшхІейкІуси? Ца-цахІели наб гъанбиркули саби ил илда виркъуси сунела гІямултала цІакъ ах-тардибарес, сай нушачив духуси виъни гъачам гъатІи марбарес ва ил секІал кабизахъурли гІергъи, дигІянали чевдукаркІес дирути сари или. Республи-кализидархъибти арц гІеладыхІ чардирули давла бурчутазивад цаибилра сай ил. Сай бекІ бухалтер ва типографияла бекІ. ХІяблихъ... ИмцІа арц дурхъули сари жузи кадирхъуси типографиялис, илдас харжбируси лугІи биалли ил-дани заманалис гъалаб ахтардибарили балули саби. Гъайгъайра ил лугІи, ила

дархьибтачиб лебГлеб биштГаси саби. Ил, бакІахьибси гІелабухъ, паргъатли саби ургаб буртІули саби. Типографияби биалли цацун ахІен, я кІелцун...

– СейкІулри гъари хІу?

– Се? СенкІун, ил мялгІунна гІямултачи хІела хІулби гъаргдирулра. Илда хІеркьалли гъатІи ил, чинад асибти илини уршилисра илала уршилисра квартираби? Алапалис?! Юх, или биэс хІебирар... шуцІали дус узес гІягІ-нили саби, алапалис асес багъандан кІел секция. Селра – сунес. Гъар секІал сунела хІерудилиур!.. Лугуси гонорар – декІар. ГІярасайлизиб бегІлара биштГаси саби! ЦархІил секІалра... Се багъандан илини, авторлис гонорар тІашкаили, илис жузала тираж лугуси? Чумал автор гІярзбухъунхІели, гонорар хІябцІали процентла къадарлизиб лугесли бариб...

ИлкІун, сай, лукІуси адам сай. Амма цалра къаламла юлдаш хІейгахъу. Вакиллис лерил гІямру лявикІар, Абу-ГІяхІмадлизивад урухкІули вири, сенахІенну илини ил гІяхІил валули, чи саял, илизи лайикъси мер чебиахъули вири. Калунти гъатІи: цабехІ биргІябиргу, итилтас гап-чяхІикІар, хІябэсти биалли, мучлахІебиру, илдала даража балули.

Абу-ГІяхІмадла муръаличив иличи хІерикІира ну – ил хІулкІусигъунари, хІятта байрамличивван.

ДибГІянти шикъатІалала адам сай. Сецад децІагеси гъай бурадра, хІебакьибсила диру. Амма замана бикахъили, сунеласун чеббирцІу. Илдигъунти дигІяна шикъатІала, макру-хІилла устадешличил дурадερкІес балуси уста сай.

– ИшбархІи се биубси хІушаб? – Хатирли газета гІямзилабси халаси сейфла чеди кабихьиб.

– СекІун, гъм... ну бекІ бухгалтерличи ацІилри, дила гъалабван дурабухъунси диштГати хабуртала жузла хІекълизив гъайэс. Гонорарла хІекълизиб вягІдала кагъар къулбасбарес. Ил ухІнаулхъули сай, бяхІриван, дукаркІули, ил бухгалтерлизи сунела белкІ белчІахъес. Ил рикІули сари, сунени ил савли белчІунра. Гонорарла хІекълизив викІули сай, гъарил хабарлис декІарли гонорар гес хІейрус, жузла кІапІрала къадар хІясибли лугас. Ну викІулра печатъла хІекълизибси закон булълурли хІуни, сенахІенну ишдигъунти, гъарил сунела уличилси, хабуртала жузлис илкъяйда ахІен гонорар лукІуси или. ИлхІели хъарбирули сай кІиибил бухгалтерличи, ил масъала гъар шайчибад бяркърли, арзахъес... гъалавван, къашмала урга къуйрукъ пяхъяибси гажаван сайри, алав лукъули, ит бурули, иш гъалабирхъули, гъанна чейулрив, халаверхурли сай. ГІягІнити вяшатІала дарили виэс. Илдазибад ца саби республикала БекІличила сагаси белкІ. Илис-декІар хІебалас илди гІягІнитил! ИлкІун, гъарли-марли духуси, гІякълучевси, ГІярасайла пачалихъла даражала политик сай. ИкІала мерличив виасри, их баркъуди нуни ну увяхІварнилизи халбираси.

– Чили бала, белики, илинира барили ургар.

– Или биэсра асубирар... Ге, ил вяркъес, тамай вагъес гъамадли ахІен. Агъагъай, илизирти гІямулти... гъм... гъари, неш... сунелану, ваши, дубурланти бикІуливан, зерзердирехІе. Укъен, их машинала бухІнаб шиша хебну, ха иша. БужехІе... УркІиялра паргъатбиэс...

\* \* \*

«Азирна вархъли сай Нурислам, – пикриикГулри Хатир, – литератураличи гъамли виэс дигадли, литератураличивадли гъарахъли ви и викГухГели. Чуйна марбиубли, хГекъли ташмишхГейКесли тасдикъбиублил ил хГекъдеш. Ил, гъалабилзули, кГунбицуси хГякъикъат. ХГякъикъатлизиб, гъм... гГямрулизиб дураберкГес къиянси бархъдеш.

Се биру, гГямру илдигъунти сари, амма...

Сен гГяхГилрил илди нуни хГебалули, чули ну валхГелуси замана. Хрестоматиябазирти Сиблиха, ХГяшимла, ХГямизакла, Амирха ва царХилтала произведениеби делчГицун хГедатурли, руркъра руркъухГели, сегъунти пикруми саррил набзир илдачила. Идбагуначиван хГерикГасигу. Гъанна гъатГи?.. Цалра, сунела нешла мезла дев хГебалуси, гГямрулизиб ца тугъалра хГебелкГунси адам сунела заместительли калтули сай, гГур биалли, сай заместитель виубли, ил бекГ редакторирули сай. Сен? Ил секГал бариба ХГямизакли? ИлалакГун лерилра произведениебазибти геройти адаб-хГяяла, адамдешла дазурбазиб вяшбикГути саби. БархъдешлиГиб умцГути саби. ХГебиалли, лерилра илди белкГани, къас-къасли акГяхъубти къянала дунъяла бикърумив? Авторла къянала дунъяла... хГебиалли, сен ил секГал барра барили, селра хГебиубсиван, юлдашуначил сен алзули-кайрули, сяхГбатуначиб адаб-хГяяличила чархарара бурули вяшикГусив? Яра илцадра ургабси дазу назиклив бархъдешлара къалп-къяналара дунъябала? Рахли илди лукГути царХилтас хГедиалли? ЦарХилти илдигъунти биахъес!

Чилири гъари набзи ибси, къалп хГебирути ва къяна хГебурути адамти лебГеб камли саби, хГятта бекГли агара викГули? Чи-чикГун Рабадан. Ге, «Адам Интернейшнл» кампанияла президент. «Вирхаи, бахъалгъунти ишбархГи, кГукГайли –игитла, къиркъирли – сахаватсила, увяхГсили-чевяхГсила, ва илкъяйда калунтира... Чула багъуди, пагъму, цГакъ дирцули, хуриван, къапула гъалаб, чула хужаим дуравхъайчи къарауйчирти хужаим тахличивад кайкалли, яра ахъри агариалли, бахъалгъунтани къакъбиру. Яра, сагали ил ута буцибсилис, саби дурхъа-дурхъали бирцу.

– Се сари хГуни дурути? Лебилра адамти илдигъунти биалли, секъяйда улка бузес бируси?

– Бузулив гъатГи ил! ХГуни чехГедиулрив хГу-алавти гГямру? Адамтала авара? ГГеладунъя бакГибсиван? ХГятта гъамли къияма кадилзутиван? Пикриухъен, се барили къуллукъ биркахъулил! Ва сели виркъулил ил къуллукъличивси сунела кГанГиси ласбикГуси уталичив?! ХъямикГули сай, вилГули сай, кепаназив сай. Мякълав чейалли, илгъуна давлачевси, гъарбизурси, сеннира иличи айкес ва гъатГира гъалавяхГ арукъес саби илала къас. Чедибти, сунечи хГеруди бузахъути ва диргалабухъес бирути балхули, исули, бирцули сунела мурадличи сенира виули сай. Илдигъунтала партия саби иш – «ГГяраса – нушала хъали» гъалабван царХил партиялизибри илди, илала хГярпличибад чебХебулхъули, илала тГалабунира къанунтира муъминни дурхъал аятван аХерли дихули. Амма чГумаси, зурба улка пашбехъубХели (Ил пашбехъубсира, ил партиялизибра илдигъунти нясани лебХели саби, ва партияли сунела тГалабуни ва хГеруди хГярХдарили, илди кГакГруми дакГубарибХели), илди бахъХи децХебикГи. Жаниварла хасиятуни (дусмадли бузули тГалабдарибти) илдани жидариб ва буунсила бургГлумачиб акГубси сагаси партиялизи каберхур. Амма ил, чула гъалабла, саби балхули калун-

си, халкъла гІякълу, адаб, хІяя ца гьакІли сунечи хасси коммунист партия-ла билетра илдани лайхІебикІу. Чили бала?.. Се бетарарал чис якъинси?.. Илбагъандан илдани илра дигІянаси мерличиб бихІули саби... Балулрив? ХІеризи, пикриухъен! Ца адамла партия саби къалли иш гъаннала хъали. Ил арукъялли, тѳп дурхІяла хъаливан гъятІбирар ил, къел-хІерзира агарли... Гъм, се партияби дирути илди? ЦабехІ хъярчни саби илдала бургибиубли, цабехІ – хъулкни. Се бикІалра ит цархІил партиялис, сунези улка ваучерта-чилра цархІилти пилхІяцІ авара дарили давлачебтицун ахІи, миллионерти ва миллигІярдерти цалабикибси!

Амма балагъ илизибра ахІен. Илди жамигІятлис бекІлил гІягІнили хІе-диънилизиб саби. Махлукъатла илди гІямрулизир сегъунтилра бутІакъян-деш агара, агарлихъалли аричибас ва къуллукъличибтас я авара агара. Гъм... гъаларван детерхур выборти. Халкъли бикІиб гъар даражала парламентуна-зи депутатуни. ЦІахли саби бурес, амма... ХІед се гъанбиркули? Илди теле-визорлизирад биркІутала комиссиябала букІрани дурибти баянти дархъти сари викІулрив хІу? ХІятта тІамри дедес верхІцІали-гехІцІали процентла къадар адамти бякъунтиван. Ил секІал хІебиуб. Ну иш партияла, гъм... шай-зивадси хІерикІан сайри, илбагъандан якъинни хІези викІулра: вецІну шура процентлара къадар ахІебикиб. Масала, ну калунси участокличир хІябдарш адамлицун сарри тІамри дедибти. СияхІлизиб биалли, илди кІел азирличи гъамли белкІи лебри. Замана баили, участкаби гІекІибхІели, нуша партияба-ла вакилти вягІдаладиахъубли, бюллетеньти лайкадариб... Гъм, хІу виадли «Сен?!» «Секъяйда?!» викІулри: чус дигуливан лайкадариб. ХІед гъанбир-куру дудешли секъяйда буртІил хъалибарглис белхъунси гІяргІя? Гъа? Тѳп илкъяйда, даража хІясибли, партиябани бурцуси, илди тІамри дутІиб.

– ХІед лебилра илдигъунти саби эс дигулрив?

– АхІенра. Амма зугІлумала декІдешли ва илдала дахъдешли лебгІеб асарбируси саби адамличи. Илала дурабадра, гІядатлибиубли, адам цунни хІейрар. Илала хъалибарг, гъамти, ахІерти камбирути ахІен. Ил далилра гъ-дурбирули бирар гІямрулизи.

Гъайла къантІа, адам валулра эс къалабамайкІуд. УркІухъес чевкъар...»

Ахирра Хатир «Бухъна шагъар» рестора гъала ваиб. Вокзаллизибад ляб-къуси Буйнакъский ва лаг, илабад Марковла къакъаличибяхІ даршал метр-цад гІеркъабитІи, гІур ганзухъличи шурбухъунси къантІси къакъурбала хІябкъай-музаличиб ганзи сабри ил. Гъамиубли илини тІели буциб. Жага-си ганзи удибяхІ ванзалиу аркъулри. Илди абхъибмад гъар журала тІема-ни къянкъубази гилдидухъун. Илдачил гъудурлири гІяшли, иштяхІ акІесли куртІдухъунти агурбира. ГъярцІа жаняхІла кІелра шайчир, унзала мер-личир зибкъарайти гъакахъили авал адам гъарзали кабиэсти чеббяхъуни сарри, жаняхІ таманбиубихІиб халаси, бахъал адамти кабарцеси, гІяхІцад устІулти кадихъибси зал сабри. Илала балуй шайчив, гІямзилабси устІулла гІелав Нурислам иличи хІерлири. БегІла гІергъиси гъунибаънилис гІергъи чумал баз дикилри илди цали ца чехІебаила, гъаннара Хатир ила кІиуркІ-ли, ташмишикІули лѳвкъулри. Ит гъунибаъниличир Нурисламли, чичилра лехІхІейхъули, мухІилизи тамай ари бедили, бахъал цалабикибти гъим-букІахъиб. БикІуливан, илала гъанна творчестволизиб ибкъси аги сабри, ва берцудира держлизиб бургули, заманалис гъамаддеш алкІахъули, хІери-рулри. Ил аги держличил гъунибалтни гІядатли бетаурлири илала. ХІябал

дус гъалаб ВагІа Чедибдеш шуцІали дус биънилис багъишлабарибси поэзи-  
яла спектакль кабихъибхІели, ил Пачалихъла премияличи лайикъикибсири.  
Ил сархибдешли вииши, ил левгІев хІярхІкавхъахъун, премия сунела гІям-  
рула бегІла чихъси сархибдеш сабсиван ва гІур сунес сархес селра гІягІниси  
агарсиван. Ил аги саби гъарил художниклис бегІла урехиласи. ЦархІилтазив  
илала хІекълизив даим махикІуси ил ила тамай илхІун.

– Ассаламу гІялайкум! – иб Хатирли, айзурли сунечидяхІ чумал ганз  
кацІибси илала някъ буцес авараливиркъули, амма Нурисламла някъби ил  
алав ласдиублири. Сунени илра хъябсавциб.

– ВагІялайкум, дила Саримхъала! Агъ, хІялал диъ! – Нурисламли ил чІя-  
барличивад ахъвариб. – Ваши кайи... Наб къалли гъанбикиб хІякъули ургар  
или... – Ил серхурли вяшикІулри, дяхІличиб гъинчІра ухахъули, юлдашли-  
чи хІерра лапІбалтули, истакунтази держестира картІули.

– Дураулхъуси замана дубуртазивад вакІибси ца назмучи ацІиб, – иб Ха-  
тирли. Ил аргъибси Нурислам ахъли дукарвяхІиб. – ГІяхІил бурри – назмучи  
или. Гъи-гъи-гъи... амма лебилра гІягІнити саби. Вакил ГІялиевич викІули-  
ван, вайси виалра, поэт гъавкъя бизнесменничив гъалав сай... гъу, гъари,  
дила виштІал узи, дерхъаб! Ваши ишди дужехІе чархарала хІебурили. Нуни  
балулра хІела дахъал хъардиути лерни. ГІур... гІур... Дерхъаб!

– Дерхъаб!

– ХІуни селра айчи, наб бурес дигулра, Хатир, ишгъуна секІал: уркІиага-  
риубрал хІебалас, бяргІибал хІебалас уркІи, нуни гІяхІцад хатІаби дарира,  
юлдашунала хатир кабатурра, хІедурести дурили. Асият, яхІбарес хІериуб-  
ли, арбукили дурхІни, бегІгачи аррякъун... Ил анцІбукъли тамай вайси хІяй-  
чи ушилра. Театрли вягІда бехъуб набчил бигъунси. Наб биалли дигусири  
«ИшбархІила Гамлет» кабихъес...

– Чила саби?

– Ца учитель дурхІя лев. ХІуни ил хІелад. Селрайчиб тамашала, ил ила-  
ла цаибил белкІ саби. Гъалавван туснакълизивад дураухъунси сай. Пъесара  
итаб белкІунси саби. Гъугу, иличила ахІен гъай. Наб бурес дигулра хІела  
«Гъумла сягІятла къутІ» бикІуси хабарличила. Буца иш някъ, юлдаш. ХІу  
вирхаи, ил нуни ишбархІи черикІла белкІлизи хІалбирулра. Дебали гъар-  
бизурси произведение саби. Илизивси хІела ца игит викІули сай: «ХІед, ил  
гъуни ахъес гІягІнили биалли, виэс гІягІнисиличив ва чараагарли уркІецІи-  
чевсили вии». Набзи дурибтигъунти сари илди дугъби. ХІуни картІа...

Пикриухъен вецІал дус гъалаб сегъуна аги бири литература социализма-  
ла дазурбазибцун бузахъухІели. Къадагъаби имцІалихІели... Илди лерхІели  
дурадухъунгу дунъялис машгъурти, черяхІги жузи. ИшбархІи художник  
азадли сай, амма ил азаддешли се хили илис? Сен агарти итхІелигъунти  
произведениеби? Дила гъай литератураличилацун ахІен. Каса живопись,  
кино, театр... Партия, илала букІри ва вождани чебяхІбирули или, иш ман-  
зилли батІун лебил пагъмучебти художникуни. Амма ишбархІи чебяхІбиру-  
ли саби бизнесменти, министрти, хъям-гъарали давла бучибти «хІунтІена  
пинжакунарти», бандитуни... Сен? СенахІенну илдала кисми дабзлехІели,  
ва гавлагунира сандукунира дигІяндарили, сяхІла садакъа куллу-гІяламлис  
калкъухІели лебилра дунъялизи балахъухІели. ГІе, ишбархІи гІялимли, пи-  
сательли, философли балули саби чули дурути пикруми багъандан саби я  
туснакъхІебирни я улкализивад дурахІейъни... Амма ил далилліра чебяхІ-  
си ибси алкІахъули, къадагъаби лерхІелира, илис гъалаб, азадти пикруми  
гъанни хъяблара бирхъули, цІаличиб игухІелира бурес гІягІниси сеннира  
бурути лебри. Ца секІал балес гІягІнили саби нушани: нушаб урехи алкІули,

адаб-хІяагардирули ва гъаладяхІ дашни тІашкаили, чила-биалра лугъри дегарахъули диахІелли, (лагъкІун хІярила дурав, вет-садвашули, узули-укули виаллира, виэс вирар) нушани ил аги барсбарес гІягІниси саби. Барсбарес гІягІниси саби ил аги, эгер хъулиб биалли ил, бузерилизиб биалли – илаб, улкализиб биалли – ил улка. Цараван – рухІла бекІа саби... – Ил лехІкахъиб, бицІибси пигъала касили, селра хІеили бержиб.

Хатирли илала нургъба дицІибти хІулби хІясибдариб...

– ХІу, Нурислам, чевяхІси гІяртист ветаради, юх, хІу сайри чевяхІси гІяртист. Ну мурталра хІечи халаси иштяхІличил лехІихъусира, сенахІенну вирхаэсти баянти дирар хІела, иштяхІдухъести мешубуцуни. Гъайгъайра, дахъал делчІнила ва далнила асар саби ил. Асар ахІенну, сархибдеш... театрли гъатІи халаси асарра барили саби тІабигІятличи. Ил секІал лебгІеб саркъили чебиули саби.

– Бургар. Асиятра даим рикІар: «Дуравхъен рольлизивад, гъанна хІу хъуливри». Пе, нуша жявли асарлиу диркутира, сенахІенну илди ункъдарес багъандан, руркъулра. – Ил, мурхъси гъигъбатурли, кисализи кавхъун, илабадди белкІани дируси книжка дурасиб ва сунес гІягІниси бяхІ баргиб ва, серил гІяшли белчІи, ил къяпІбариб, иб:

– Се биалра сархес, хаслира арц, мурталра малукІад... гІяхІил хІериэс багъандан хъалица мадурцид... урхІличив чевяхІлира ва духулира или, хІечи ахІейкибси левхІели, хІела пагъму гъаргмабирид... ишди ва цархІилти дахъал гІурра белкІани хІера ишар, – иб илини книжка кабихъибси кисала чеди някъ кабирхъули. – Илди нуни аргъибти, делчІунти сари. Гъариллис, гъар агилизир илди далдиркути сари ва багалати сарира викули ахІенра. СенахІенну бегІла тамашала гъарбиз ахІен, умцІла ахІен, сеннира къас ахІен. Гъар секІал ирзуси бузери саби. ГІядатла къалабадеш агарси ва хаслира хІуни пикрибарайчи дунъяличиб агарси секІал алкІахъуси бузери...

ХІу узес гъалаб нуни жуз белкІунсири ва ил нуни редакторличи бухира. Ца жумягІли ну иличи гъаввакІира. Илини наб ца кагъар гъабуциб, сай биалли, чина сайрил къалабалира или арякъун. Кагъарлизи белкІири: «Аллагъ бикъри сай, эгер иш жуз нуни дураасли, туснакълизи хІуцун кахІелтари, дила биалли авал дурхІя леб». Илис гІергъи цархІилти кІел жуз дурадухъун. Се гъанбиркули хІед, сай редактор занкъикІули сай ил белкІ хахъес...

ХІу шакикирив сен ишдицад дурулрал нуни? Гъайгъайра ургала гъалабарес багъандан, итхІели нуни тІашдатурти итди дугати музурби делкахъес дигули. ХІунира балулри ну гІяйибла вегІ виъни, ил секІал нунира аргъира. Амма хІуни багъи, ил секІал бетаурси нуни гъимибуцили, къас-къасли ахІенри. Нервоби, зугІлуми ва, нуни хІези бурра гъалабван, гъар секІайчи уркІи бяргІни... Ил бухъни... нуни цацахІели, юх, цацахІели ахІенну, гІядатли биубли, лебси, сархибси ахІерабарес балули ахІенра. Наб ил сеннира бетяхъахъес гІягІнили саби, гІур умцІес багъандан. ГІякъули виргІяиргулра гъаман-гъаман, хатІаикни къанни иргъулра. Гъм... Балулрив чи сабил чека-сес бегІла къяанти?

– ...

– ЧерикІли духутира бикІути мурул адамтира сабигъунти гІур агара бикІути хъунул адамтира.

– Дила хІечи, Нурислам, сегъуналра гъимукІни агара, вирхаи набчи.

Гъайгъайра, наб гъанбекиб, анцукъи ургус или, сенахенну ну багъандан Амирхайчил кийна вяхлес ветикади. Илра хела вахъила юлдаш сай.

– Гъа, Амирхан... Пагъмучевси поэт сай, амма уркилизиб къясдеш лебси сай ил. Бикларгу гымичевси черикла пагмукар. Иличила саби или ибси. Цархилличила гяхси дев бурадли, ил жиндралахейэс гямал агара. Чи биалра валтадли, ил хела кумекчи сай. Гяхсицун чебиэс дигули ахен... Се биру, ил илгъуна сай...

Наб биалли хези бурес дигула: хезив ну хатлахейкира. Чевверхи хейкчули или, гыммаркуд. Чили-сабил ибси саби: «Чевверхахъес тиладибарни – сагати хиллуртас хьулчи кабихъни саби».

Илди келра ахъли дукарбахиб.

Камси къацбарилли гьегъи, Нурисламли сагали картиб. Илала бугаси, бара къимбизурси къянкъличиб майала хярза даклубиублири, ташбиз агарли джути папурусунани супелла дай къерхбарилри, укхевкулихъалли сурсла гянд лаг-катхел башулри. Илала уркилизир сеннира улукъути лерни ва ишавра илдазивад ил акъули хейнила лишан сабри ил.

– Селизив узулри? – хьарбаиб илини, супелличи хъат чебурцули, ва катхел, мухлила гямзурби ушкули.

– Селизивкун хуни гъанбушибси «Гъумла сягъятла къутлизив». Се-заманалра иличила пикриикчули калунра. Таманбарилра или, кантра кабатурли ахирличиб, кайибсири, амма илизир сипатдарибти мер-муса, игитунала сипатунни ва илдала ихтилатунни даим гъаладилзулри, аргъайзир тикрардикчулри. Иличи чарухъес чебуркъиб...

Повестъ бетарули биэс викчула.

– Устадеш дусули хедуар...

– Анцбукъ илизиб ахен. Бек игитли, дила пикрили, хъалицализибра, бузерилизибра, юлдашдешлизибра баргили ахен ну разилира, ну талихичевлира хушазив ва хушачил эси далил. Хятта, «Се саби илала хебиуси?» или хьарбаалли, «Илала се-дигара леб» эси даражаличив сай ил. Гяхси яшавра, буцибси къуллукъра ва гяхси хъалибаргра сайра Амма илала урки паргъатли ахен, сенахенну илини аргъили сай – сархибти гьар секлал илис чичилра дутес, юх, дутес ахенну, илди сархилизиб илис чилалра, цархилла бутакъяндеш дигули ахен. Сунечицун вирхусигъуна сай ил. Наб гъанбиркуливан, бегла мягичевси адамла сархибдеш, ил, бархси, цали итил гевурцули, итилли ишилла иргъули, баркъудиличил ва вьшатгайчил хебиалра, уркила разидешла бутакъяндешалра чедаахъни саби. Бархбас ва цали ца гьеббурцни халаси цакъ саби...

Наб дигула ил игитли (илис Шагмурад биклар)...

– Нуни балула, хабар белчунра или буррагу...

– Ге, ге, бурри... дигула илини ил секлал аргъили. Белики илини аргъилира ургар, амма илис дигули ахен ил секлал аргъес, сенахенну алавси дунъяличил, адамтачил ил вижгурли сай. Нуни ил хабарлизиб илала табигъятла ца шали саби чебаахъибси. Илала ца къяли. Нуни аргъира, масала цархил хабар лукчули виасри, цархил шали чебаахъаси, цархиллизиб – беклил цархил. Илди дархдяхъили, таманси, игит гьар шайчивад, илала цакъти ва хярхити шалубачил чеахъес имкан баклалли, гьарбизлизи халбирира.

– Хердикхеле...

*(Хъарахъуд бирар)*



# Дурхнас

Аминат ГИЯБДУЛМАНАПОВА

Дагъиста халкъла поэт



## ЖАЛ

Унра Раисатличил  
Шамилли жал бемжахъур:  
– Ну халасира хечив,  
Ну цакъсира лебтачив,  
– Нукун, – риклар Раисат,  
– Халасира дус хечир  
Ваши хьаркабизхе  
Нешлизи, унрубази.  
Ташизурли гумлачи,  
Виклар Шамил. – Гьу, раши,  
Келра цугдизахелли,  
Чи халасил, балехе.  
– Жалмарикуд, Раисат,  
Нукун мурул адамра,  
Мурул адамти бирар  
Халатира цакътира.  
Нушазирад урухклар  
Арсланти-кларплантира.  
Хера, дуцванухъасли  
Дубшар гяргни-дагънира.

Гьаклухъи ца бяхъясли,  
Герис бугъа булан.  
Виругев шятбяхъясли,  
Хурала хенкъ гьаббулхъан...  
Ужагълизибси цаван  
Биштатала жал бемжур,  
Унраличибси кеца  
Гьям-или дурабухъун.  
Рархьратурли Раисат,  
Шамил кларзаван вебшиб.  
Гьабара лайбакли,  
Хъярла шинван ветяхъиб  
– Ва шанги, чеаягу!  
Хури дугиан игит,  
– Херъая сен вебшибал  
Кецализивад Шамил! –  
Гьях-гьяхриклар, дукарклар  
Геларадли Раисат,  
– Бураягу илгъуна  
Вирусив гьарил гапукъ!?

## БАЙРАМЛА БАЙРУМТИ

Гьар бархи байрумти  
Сари Байрамла:  
Миршличи мешути  
Кайсу шулаби.  
Дарсличи къанхейрар  
Байрам биалра,  
Хядурси сай бурес  
Се бура алра.  
Шулабачил Байрам

Ацалли хъули,  
Ахерти неш-дудеш  
Бирар булхъули.  
Унрубара урши  
Гапиру гьаман,  
Хурматбиру сунна  
Житали булан.  
Байрамлис байрумти  
Сари гьар бархи,

ХІябилра хІейгахъу  
Ца алхІят бархІи,  
АлхІят бархІи «шула»  
Касес хІебиркур,  
Итни сабаайчи  
Уэс чебиркур.  
Гъар бархІи байрумти  
Сари Байрамла,  
Иличир пахруми

Сари бегІтала.  
ДуцІбикІар житара  
Байрамлис гъала,  
ЛимцІиру хялира  
ДурхІяван сунна.  
Байрамгъунти дурхІни  
Бахъал биалли,  
Нушала «Лачинра»  
Урцахъу ахъли.

#### НЕСРА МУСАРА

ГъанкІли вертур Мусази  
Нешли жявли жиили,  
ГъанкІала бархъбатахъур  
Муэрти къябдилахъуб.

– ГІядабли саб, ГІядабли,  
ХІу гушли арашадли,  
Нешлигъунти бизити  
Чили дирув хІед хинкІи?

Жиибмадан аХІейзур,  
Бурушлав къакъгъавиуб,  
– Житни дусар дигуцад,  
Ну сен валтхІелтусира?

Бурсивии чевиргъес  
Неш жихІериркІахъули,  
ЖягІял хІечи ВагІанра  
Сабину хъарихъуси.

– Айзи, урши, хІерли сар  
Укахъес чудни-хинкІи!  
Арукъясли хІянчила,  
Аркъядну хІура хІевки.

Ну вяхІериркІахъули,  
Чевиргъен савли жявли,  
БикІар, «Пашманируси  
АхІен жявли алзуси».

– Агъ, неш, ну ватабагу,  
Дурсри дирис хІевкасра,  
Школализивадли  
ВакІибхІели укасра.

Багъи, хІечи хІерли сар  
Сагати зубартира,  
ЛехІирхъадли нешличи,  
Виудра илдачира.

#### ЦУЛБАЛА ТУХТУР

Цулбала тухтурли  
Къадила къаклаб  
Уркура гербариб,  
Гав дуракаиб.  
Айрипаланниван  
Тіама дураиб,  
Цулбала милкъала  
Анкъи пухІаиб.  
ТІярхъи гъабарайчи  
ХІевкахъес буриб,  
Хивали вялчяхъес  
Къадагъабариб.

Уки гІергъи цулби  
Ицахъес буриб,  
«Мурталра умули,  
Вари дихІен», – иб.  
Къадини Къурбайзи  
ГІур хабар буриб,  
Цулбала тухтурлис  
Вамсайчи улгиб.  
ВикІар: «гІур урехи  
БекІлил агара –  
Сагъдиру тухтурли  
Чила-дигара».

### ХЪАЛИ ЛУКІУЛИ САРИ...

**Г**ъачамлис ручІес, лукІес  
Бурсириубли ахІен,  
СенкІун нушала Рукъи  
Халараили ахІен.

Хала нешли дурути  
Дала лерил хабурти,  
Жузлизи хІерван или  
Тикрардиру дакъибти.

**Б**акІиб набчира дуги  
Забли гъанкІ бемцахъурси,  
КІунтІрала макъамтани  
Ванза чебсаргъахъибси.

Улкъайла шишни булан  
Шинни хІяршкайрахъулри,

Бурсириубли сари  
Ца бара-бара лукІес,  
Ранг-рангла къалумтачил  
Жагали суратрикІес.

Хъалила сурат биру  
Дурарти дугІла житнас,  
Буруш-гІянала лукІа  
ЦІуръадиубти кецІнас.

\* \* \*

Гъавала хІямамлизир  
Галгуби дизахъулри.

Бирциб къирла гъунира  
Ванза базибти шизиб,  
Къаркъубира делкъахъун  
РяхІмула бизил забли.

### НЕШЛА НУРГЪБИ

**Д**урсрачи аркъухІели  
ХинкІира деркен или,  
Нешли хъарбарибсири  
ВиштІаси ХІямидлизи.

Диркъутала дахъдешли  
Даг къяйда ишбархІира,  
Варскъа уршили укес  
Хъумкартур, дирхаира.

Илгъуна бетаруси  
Ца гъачамцун ахІенри,  
Неш къакъаракІахъибси  
ИшбархІицун ахІенри.

Амма учительлира  
Чуйнара бурибсири:  
«Замайчив хІевкусила  
АхІен мехІе дузути».

Гъамадли дагъес хІейрар,  
Мисалти ва хІисабти,  
УмхитІли далхути сар  
Чархла лерил биркІанти.

Эй, дурхІни, ХІямидгъунти  
Леб биалли хІушазиб,  
Хъуммартидая, вари,  
Дукес къацІли замайчир.

### ВЯКЪЯ

**Б**ерхІила муръил нурли  
Абзур бархІи бужули,  
БерхІи гІелабикайчи  
Вякъя декІбиублири.

Дугелира хупІбилки  
Аръала шарабличи,  
ГІур бугъаван гербулхъи  
Бамсри ахъес къакъличи.

Хебла нигІматунани  
Бицахъиб сунна кани,  
Балули хъарси биъни  
Бахес биштІати дурхІни.

Мирхъи къяйда варъала  
Уста хІебиаллира,

Варъали тІутІубикІи  
КабалъунхІели бутІа.

БерхІила зурхІябтара  
Белкъайчи бужахъулири,  
Саби къяйда, дунъяли  
Вякъя журугбарилри.

#### НЕШЛА НЯКЪБИ

Балас сихІрула сари  
Нешла сакІубти някъби,  
Хамирван иш дунъяра  
Саби журугбарибси.

Илдани хІебируси  
ХІебалас нуни селра,  
Таманбиру ил хІяйзиб  
Се барес ралризалра.

Ризкъи дегІесра бала,  
Арши диршесра бала,  
Арци-хъалта дицили,  
Хъуми дерхъахъес бала.

Мар анкІила лугнала  
Чурми демхесра бала,

Каргъес забла мачнира,  
ТІашдатес зурхІябтира.

СихІрула бехІ тІулбани  
ТІутІи луцІесра бала,  
ЦІедешла муръил шинни  
Дужахъура нушара.

Нешли дариб чуднира  
Дираргу дахъ бизити,  
Детарар къацІла рангра  
БерхІиличи мешути.

Хъулирра хъа дурарра  
Дузар мугълатагарли,  
ХутІли дузахъутиван  
Я бамсри хІебалули.

#### ГІЕВДУХЪЛИЗИР АЙКЪУРТИ

ГІевдухълизир дудешли  
Мегъ ва шандан дицахъи,  
Мирш, къякъ, дураз дирули,  
Халкъ мурадли биахъи.

ГІяхІгъабзала яхІ-ламус  
Шанданван цакъдирахъи,

Вайгъабзала усалдеш  
КъутІдарили дубкІахъи.

ГІевдухълизир айкъурти  
Сарра итхІели нуша,  
Пушназир кайхъибти сар  
ГІямрула дурсри нушаб.

#### ДИГАХЪИС ДУБУРЛА ШИН

Дубуртала уркІбазир  
Дармайс дурадикибти,  
Къадурбазир къугъали  
Далайван датдихъибти.

Арцла рахажуниван  
Дашукадли делсунти,

Исбагъила чурмиван  
Дахъ царугли демхурти.

Лусенна ахъдешличир  
Дулхъули тІяхІдикІанти,  
Варачанна барглизир  
ЦІуб мукъриван думхІянти.

Алмас-юсрула мачна  
Къуймурла ахъси хъябван,  
Дубуртала къадурби  
Къугъали ласдарибти.

Дарайли цИкуруиван  
ЧяхI-чяхИби диршанти,  
Ахъли далайдикIули,  
АрхIяли ардашанти.

Дугели ну русахъес  
Нешла лайла бучIанти,

Чархла азир биркIайзи  
Гъав хъурабирахъанти.

ХъанцI урхъула майдайчир  
Ругерти ахъдурцанти,  
Урхъула диркъаличи  
Вавнала ранг диханти.

Дигахъис дубурла шин,  
Шишимала агарти.  
Шила исбагъибани  
ХъайгIи дармайс диханти.

#### ТIАБИГIЯТРА АДАМРА

Аршикъянала някълаб  
Миршван биэс дигули,  
Бац гIяшбиуб хъумачи  
КабацIес хълбикIули.

БерхIилира чахъдариб  
Сунна ранг аршиличи,  
Шила къугъал къуймурти  
Арбашахъес хъумачи.

Зубартира кIуртIдухъун  
БархIехъ урунжуназир,  
Шила исбагъибала  
КадацIес гажинтази.

ТIабигIятра адамра,  
ГъайдикIес хIедиралра,  
Цабалгун, илизиб саб  
Дунъяла жагадешра.

#### ДУДЕШЛА ГIЯХIЯЛ

Лявкъули сай гIуррара  
ГIяхIял дила дудешла,  
Гъала вашес гъалавван  
ХIейалра дудеш дила.

Дурхъали сай ил гIяхIял  
Нушаб убла верхIелван.  
ХIулкIули саб дурхIнира  
Дудеш чарухъунсиван.

Бухънабаили саби  
Сайван сунна айгъирра,  
Нушаб хиви дихути  
Дурдили сар хунжира.

Ухъна гIяхIяй гIуррара  
Дуру урла хабурти,

Гъандуршули гъар даим  
Дудешлара гъунарти.

Вашен гIурра зумали,  
ГIяхIял дила дудешла,  
Заманалис биалра  
Дебшахъес анцIкъи нешла.

ХIу гъар вашуси бархIи  
Ванали саб анкъира,  
ГIяхIли ша башул бархIи  
Биршур акибси аргъра.

Хабар бурен гIяхIлацун,  
Вайтира лер диалра,  
Дудеш чариубсиван  
Шалабара шантира.

# Проза



Ибрагъим  
ИБРАГЪИМОВ

## ЦІАЛИЗИБ ВА ХІИЛИЗИБ

(хъарахъуд)

– КахІелун, дудеш, кахІелун, – жаваб чарбарес хъархъикиб Сайдухан. Пяялизиб сунени барибси хІехарадешра талхъайс ашкарли бургар или, или-зир урехи-вас-васъалара чераргъиб.

– Илкъяйда ункъли бирар, къел уркалунси баркъуди байхъала бирар.

– Дила талхъан, нушала миналичибси ца вацалра шахІебикиб.

– Ил гІяхІси саби, дебали гІяхІси саби... Яс хІябал бархІила бирар. Халал Пяяра цундешлизиб паргъатбирар, буркъІебируси анцІбукъ лебси ахІен.

– Илаб халаси ясра хІебургар, дудеш. ГІур чи кали халахар ГІябдулмажидлис децІ бареси?

– Вархъли викІулри, урши. Шиниша байрахъ катІес хъумхІертурри къалли?

– Тяп хІуни гІеббурибси барира.

– АбулхІянапила байрахъ баргили гІергъи Хайдакъла уцумила нушачи ташмишъала хІедирар, АбулхІянапичи уцумира къаршиси ахІен. Къаршили ахІенну, иличи лехІра ихъуси сай: илкІун Пяраб улкализивад вакІибси ГІябдулнасир шайхла вакил сай... Гъанна нушаб гъуни гъаргли саби Халал Пяялизи.

– Дудеш, ахирра ахир бегІла сахаватси ил ванзара нушала мулка бетаурли саби.

– Бетаурли саби, бетаурли саби, аммаки ца-кІел дус Халал Пяяличи хъямхІедикІули, паргъатли дуэс гІягІнибиркур. АнцІбукъ хъумартайчи, рягІят адамгала уркІбазира рягІятдеш хъурабиайчи. Бяхъибси галга берхІили буръахъу, заб-маркали пулукІбирахъу, заманала бухъяндешли хъса-пухІиличи шурбалта, хъса-пухІ биалли дягІли арху.

– Чевверхи, дудеш, Халал Пяяла гІурла къисмат хІуни пикрибарили ургуд?

– Иличилара пикриухъунра. Нушала гуяв, хІела рузи Сабиятла мурул ВайсулхІяжила сай-вегІси мулк агара, я махъи агара илала. Илдас лайикъли хІебирив?

– ВайсулхІяжис? – УркІухъи хІеризур дудешличи Сайдухан. – Дила талхъан, наб къалли Халал Пяя дила някъбазиб биубли дигахъира.

Уршила гъаргъдешличи талхъан гъинчІизур.

– ХІед Гъазагала талхъандеш хІедиуру? Халаси мах чебихъалли, урчи-

ра кабикес асубирар. Илала дурабадра, хъуммартид, лерил махъурби талхъа арилиурти сари. Хед камбируси селра агара, урши.

– Нушала гуяв ВайсулхІяжи хъубзурала къамла уздан ахІен къалли? Халал ГІяя хІербарес виисара, дудеш?

– Вирар, хІейэс илала чина гІямала? ДукІли унц руркъуси саби.

– ХІу вархъли сайри, дила дудеш.

– Гъайгъай, Халал ГІяялизи бархъести гІурра узданти камли ахІен, ил чула някъбази касес дигути чумра бургар... Биалра, урхІла някъличиб вегІла тІул гъалаб бирар. ВайсулхІяжи нушала адам сай, илини зарал хІебиру...

Талхъай, дурути тІашаили, михъирличи хъат чебуциб.

– ВегІебш, гІурра къизбикІули саби. Ца бархІи иш байтарман уркІили къутІ тІашаэсгу, викІула.

Харчизурли Сайдуханни дудешла михъири хІяршбариб.

– УрухмакІуд, дудеш, хІу гъачамлис илцад ухънаваили ахІенри.

– Эгъ, дила урши, бухънахІебиуси дила мухІли саби, уркІи къалли жявллил бамсурли биъни балулра... Цалра умегІ ишди хІунтІенабала гІурра бержа. Ну хІечи разилира...

– Юх, дудеш, гІягІнили ахІен. ХІу назбалишличи хъарихъен, – илира или, Сайдуханни тахличибси халалгъуна гІянала дудешличи гъамбариб.

ДубхІехъили талхъан хъарихъун, декІли гъигъра ухъи, хІулби чедихъиб.

Сайдуханнира, дудешлис бамсриахъес дигули ургар или, дуравхъес пикрибарибгу, гІяш-гІяшси тІамали тІашизахъур:

– Урши, хІу къакъамайкІуд: гъамливан Гъазагала талхъа мугъур хІела някъбази биур. Нура гъанна, бунагъуназив кягІи виасра, ахиратлизи укъес хІядурлира.

– Мабурид ил секІал, дудеш: дила бегІла халаси хІулбукІри хІу мякълав виъни саби.

– Баркалла... Ну хІечи вирхулра...

\* \* \*

Халал ГІяялизивад чарухъунси бекІ нукерли Сайдуханнис гІяхІла хабар хІехиб.

– Се гъай сари илди?! ХІебаргира викІуду? – авличи къиргъуван къяркъли чевхъун ил нукерличи.

– МутІрус ГІябдулмажидла хъулиб аги, дила хан: гІямзи-гІямзи булан ахтардидарира.

– Илкъяйда биэс хІебирар! Якъинни балулра гІяялизи нуша дурадухъун-хІели, ил набчил барх лебри.

– АнцІбукъ сен-дигара биэс бирар.

– Адамтази хъар-хъар?

– Дила хан, урхІла адамтази хІисаб-суал лайикъли диишира?

Сайдуханни, пикриухъи, андаличи хъат чебуциб.

– Илра бархъси саби: чизилра гъанбушес асухІебирар, дигІяндеш курлаб батни гІяхІси саби. Нушала адамтани дила мутІрус бетяхъниличила булули хІебиэс?

– Нуни чизилра антра хІеира.

– Нунира гъачамлис... Юх, илкъяйда биэс хІебирар: мутІрус хІябмузан буреба ахІен. Герейхан, хІу гъарли-марси хІялумцІла дураберкІибсиван калзули ахІенри...

Сайдухан паргъатли ахІенри. Паргъатли-декІар виэс вирару, гІяялизивад нукер дацІ някъбачил чарухъи виалли? Авараагарсигъуна сай, гурдала мухІ-лира барили, гІелар бецІла ганжуби чедаахъес пикрибарили хІейалли, жан асаб хІушала или? Урехи агарихІиб урези хІебирар бикІути хІязлис ахІен... ХІебиалли, мутІрус сеннира урхІла някъбази бикили саби. Ца аллагъли багъаб, илра чила някъбазиб сабил. Дудешлизи гапухънира жявли сабри: Халал ГІяялизир къел уркалахъни Гъзагаала талхъай гапхІебиру.

– Герейхан, хІуни гъай мархІебарири...

ВеГІбекІли илкъяйда гІуркъбирхъниличи хІерли ахІенси бекІ нукер ур-кІухъун.

– Нуни гІур се бирусири, дила хан?

– ХІуни талхъайс марси къуллукъ гІеббуцес вирули ахІенри. Нукер сунела талхъан багъандан жан хъябла дигъес хІядурси вирар. Юох, хІу илгъуна ахІенри, Герейхан. ХІу хурла урцулван кІантІиикІулри, хъарбаркъ таманбарес вирули ахІенри...

– ХІурматла хан, хІела дудешлис нукердеш дирула гъал дус диркули сари.

– Гъал дус ахІенну, шуцІали диалра, хІезибад пайда агара... Илбагъандан, Герейхан, хІу нукердешлизивад акъувалтулри.

БекІ нукер вегІбекІла гъала къукъубачи кайзур.

– Чевверхи, дила хан, мабирид ил секІал, гІямру керхайчи ну талхъайсра хІедра марли кавлас.

– Наб шинкІати бусравти хІяжатли ахІен! Нуни ца гъай бурира – къуллукъ абикиб! ХІятта нуни аргъесра вирули ахІенра, сен нукерла къуллукъ багъандан хІу илцад зигарикІулрил? Гаша хІебкІуд, хъалибаргра хІербирид. Яра нукердеш хІед илцад дурхъатив?

– Аллагъличира, дурхъати сари, дила хан. Дудешра, хала дудешра, хала хала дудешра нукертили калунти саби. Илдани ламусличил чула чебла ахъибсири... ХІурматла хан, гъанна ну нукердешлизивад дугІаъни нушала къамлис цІудара дамгъа бетарар, ну цІах-пучварни бетарар. Ил нушаб халаси убяхІдеш саби...

– Иличила гъалав пикриухъес гІягІнилири... Чарухъен хІела Шумралла ГІяялизи. Узен, ванза бузахъен, калунти бурхІни хъалибаргличил ужагъла мякълар деркІа...

– Тилади саби, дила хан, мабирид ил секІал.

– Диур! ХІукІун бекІ нукер сайри? ЦІахмайруд! КІарзала цІум хІечи лайикъти ахІен.

– Нуни марбирис игъдибар... ХІу пашманхІейруд...

– Диур хъямира! Дила гІур хІечи лехІихъес замана агара. Вашен хІела Шумралла ГІяялизи!

Гъеч хІерси ахІенри Герейхан вегІбекІли сунес илгъуна ламарт бирниличи. Ламарт ахІи, цархІил гъайра агара илала баркъудилис: сай багъандан ил чуйна вайнукъябачил къалмакъарлизи кайзура? ХІяйна вяхъиб вегІбекІла дурзамти гІяйдикІуси дубура урхІлизи батахъес багъандан, унра шимала хІункъразирад дигІунти хала хІяйванти Сайдуханна хІенкълизир даргибхІели, танбихІ сунечи чекайсули, хІябал дус вегІбекІлис къадин илис шила дулар деркІес чебуркъиб... Вайгъабза дурхъаси халгІятла ухІнавра вайгъабзали кавлан, бикІар.

«Ну се адам сайра, гъари, нукерла къуллукъ багъандан иш халахарлис



гъалав чичАлаван хъусикЛуси? ЛягІнат бакІабгу набчира, ит Халал ГІялизибси мусибатлизир бутІакъяндеш дарибси, - суктуикІулри Герейхан. – Набра дила хъалибарглисра танбихІ Аллагъли гІеббиахъу. Чуйна ханжултала гъазализи керхурра виасра, итгъуна убяхІдеш барибси ахІенри. Ярагъли вегІиубси душмайчил ургъни се саби? Дугели мурхъси гъанкІлизибти адамти уркІецаагарли кърбарни цахси чябхъин сабри. Илкъяйда хІебири иш Сайдухан бихъибси хІяясиз, урухтус хІейалри. ХІейуб къалли дяхІ-дяхІли ил ГІябдулмажидличи кършили дуравхъес? Иличил варх арякюнси нура гъабза ахІенра!..»

– Юх, нуни ил секІал барес хІейрус, – бекІ нукер багълали кукъубачивад ахъиуб. Илини аргъибсигъунари халахар ва жаллад вегІбекІли сунела бусрав-тилади чехІейсни.

– Ну Гъазагала талхъайчи аркъяс...

– ГІярзухъес?! Агъ, кІарза! Агъ, нажас! ХІела нуни хІи муси кахІейгахъис! Вашен дила гъалавад!

– Юх, хІебирар ил секІал! - Сайдуханничи дяхІ-дяхІли хІерилзули, тикрарбариб бекІ нукерли.

– Бирахъис хІези нуни! – жиндралавиубси вегІбекІли чакмала хърлизи кужжабарибси гІярчумаг абитІун, сунела гъалав дубураван тІашси нукерлис гъар-гІергъили чумал дяхъиб. Аммаки сагаси бяхъ чегахъес ил бажардихІейкиб: цали ламдухъунтиван хІунтІендиубти хІулбачил хапли Герейхан вегІбекІличи ветухъун, хъямбарили илала някъбазибси гІярчумаг хъа гІямзила лайбакІиб, гІур балуй някъли хъямики илала сурс буциб ва цукли бицибси гавлагван гъаваличи ахъуциб.

– ХІушагъунти падахъусунани набчи някъ ахъбурцуси ахІен!

Житаван суркавхъунси Сайдуханна дурадикесли хІулби халадаиб, дяхІ хъанцидиуб, дубшабад дураберхурси шутрала хъамхъа муциурличи жугъбухъун. БекІ нукерли гъимичил гъяжбарибси илала сурслизивад я вяв я цапра дев дурабикес бажардихІебикиб.

Асубири ил манзил Герейханни сунела вегІбекІла аги таманни ибгесра, эгер жаняхІлизивад къуллукъчи дахІевхъунси виалри:

– ХІурматла хан, хІерикун хІядурли саби!

Герейханна хІярхІбухъунси някълизивад вегІбекІ чІябарличи кайкиб, сурсличи кІелра някъра чедуцили, хъехІли гІяндуршули, хир-хирухъун.

– Жярга няс! ХІугъуна увяхІ гъабзачир нукердешра хІейги! – илира или, Герейханни хъа вегІличи тудяхъиб, ириличибси ханжалра балбарили, хъулилад дуравхъун.

Аргъайчикибси Сайдуханнис сагали дунъяличив мицириубхІеливан бетаур: хІерикунна къумурра гъалабуцили, хъули къуллукъчи ацибхІелира, къяшмира тІинтІдарили, вяхІевхъи ил чІябарличив левалри. Илини вяв-гъав ахъІедуциб, я нукерти сай гІяндушес алавухъунси бекІ нукер Герейханнис гІелабад хуриван кусхІебариб...

ХІера, ил гІурра тавханализив. Къалтин чебушибси халаси угаличи кайили, ранг чардухъунти дяхІличир урла хамдешра жаниварла хІерра сагали дучуркубли. Иличи вяхІчили суждабирусиван авариветаурли тІашкайзурли нукер Бекмирзара леври. Илра Герейхангъуна ахъси ва халати чарх-бекІла вегІ, андаличи чекабаибси цІудара маза-къапІали хІулби дигІяндарибси, палда-ранг дукІумила валчагъли бягІуси михъири кІапІбарибси...

Сайдухан уталичив вяхухъун.

– Дигив хІед Гъазагала талхъа бекІ нукер ветаэс?

– ХІурмагла хан, хІела нукерти-ургав илгъуна хъул агарси цалра хІергар.

– ХІу?

– Нура... ЧІянкІли ил къуллукъла ургъур нукер Герейханни сунела някъ-базибад гъамадли батхІейу.

– Батаахъа, илхІели бекІ нукерла ургъур хІела някъбазира биур...

\* \* \*

Амирбег тамашахІейуб, Издагай, чула махъила дублабси халаси цІуб-хІярличи кариили, сунес гъунираъниличи. Гъар дуравад чарулхъухІели, дуги биаб, хІери биаб, ил илкъяйда хІерли рирусири.

Азбарлизи уркурра хъурабарили, хІила дамкъназибси бергарагра дуклабу-цили гъамиубхІели, Издагай уркірухъун.

– Гъуя, ил се саби? Се бетаурли?

– Суалти, дила ахІерси Издагай, гІур, гъанна хъярхъли шин ванадара! – би-захъур Амирбегли, уркурлизи дабгити эмхІерухъунира урхІедатурли, къала-бали хъули айцІули.

Тахличиб бергараг гъаргбарибхІели ва илав хІили вясунси виштІаси чеиб-хІели, сеннира Издагай лехІли руэс хІериуб.

– Жан Амирбег, ил чи саю? Чила виштІаси нушачи килри? Се багъандан?

– Нуни ирагу, гъар секІал дурис хІези. Сабурбара...

Аргъиб Издагайли дахъал гъай хІяжатли хІедиъни. Ужагъличи чебизурси хІябратІа шанглар ванати шин хІядурли лерри: илини мурул савли махъилизи чарулхъни балулри, савликун барес хІядурриублири.

ВиштІсила биса аги, илини вебкІибсиливан хІулби чекадихъилри, дахъал хІи ардякъи, илала хамхала ахъри камкабаъни ашкарлири.

– ХІуни, ашна, дяхъира хамхара хІилизирад умудара, нуни бугъа къар – дяхъила къар лерхис, – илира или, Амирбег хъуливад дуравхъун.

– Гъуя, хІела аба ребкІ! ХІу чила сайри? Ил мусибат, ца Аллагъ, чили иши-чи бархъибси? Се биубси? Се бируси нуни? - Издагайли сунела ца хІева гъ-ярбердиб, ужагъличибси шангра мякъла гъамбарили, виштІаси хІилизирад умуирес рехІрихъиб. МалхІямли, гъарил хІярш сунела изуси чархличибад че-дибуркІухІеливан, мяхІкамли ва багълали.

«ИшкІун дусра виубли хІергар, пакъир? Ишцад дяхъи виштІасилис барес-чи чи вайгъабза леврира? Ишгъуна ниъла мукъара чила душман ветаурси? Я, Къудратла вегІ Аллагъ, хІуни уркецІибара иш хІела виштІаси лагъличи...», – тІашбизагарли гъайрикІулри Издагай, аммаки виштІасила цІумра аги. Алгъ-ай ляжиличибад каниличи бикайчи барибси дяхъи умубарибхІелира, уршили мицІирдешла лишан дакІухІебариб.

Паргъатагаррикиб Издагай, вас-васрухъун: «Таманкайубли ургар? ХІей-алри, иши лехІли хІевъи, биса-цІум дурадурши. Илкъяйда хІебирар къалли?...»

Бугъа къарра хили, Амирбег чарухъун, дяхъира бигъи, ил сагали гІягнази вергур. ЧІянкІли илхІели биштІаси жайзирад гъала-гъала назикти цІумъала, кІинайс биса дурадехур. Издагай ряхІятли гъигърухъун: «ВебкІили ахІен, гушра кайубли ургар?». ДуцІли рякъи, хъабализир гІежала ниъ кадухиб. Ниълизи къужбарибси ибан тІул уршила мухІиличи гъамбариб: тамаша ахІену, ил ухъес вехІихъиб, виштІасилизир жан чериргъулри...

Амирбегли гъанна бикайчи азбарлар дуклиур кайдизурли калунти эмхерухъуни азаддатур. Уркура бацбариб. Лерил хянчи дирули, мурул-хъунул лехли калун, хъя барибхеливан, цалилра цалра дев-дигъ дурахлебатур.

Ахирра илди келра махъила гъала дурабухъун, цубхярличи кабиили камси манзил лехкахъили гергъи, Амирбегли, селра дигянхлебарили, кахси анцбукъличила, Халал Гяялизир детаур-чедаибтачила рархкъязи хабар буриб.

– Пакьир, ху сейрусирра, жан аллагъ? – иб Издагайли, дуклав паргъатли ускауни виштасиличи дугъарилзули.

– Ил гъанна нушала сай, дила ашна. Къудратла вегли вархъибси, къисматли нушаб къадарварибси.

– Илкъяйда биэсара? Ишкун мицир жан сай, гъунчиб баргибси ваях ахен.

– Бирар, дила Издагай, илала гъанна дунъяла къакъличив чилра кали ахен. Нуша сарра...

– Гъай аман, нушала ветаалри?

– Ветарар, ветхерли гямал хебирар.

– Дила Амирбег, хуни иш нушачи кибси хейадри. Ну урухлулра...

– Урухмакуд, пикрирухъен... Хуни-деклар илгъуна ниъла урши вархъватес, биса-яслизив веблахъес валтадив?

Издагайли жаваб чархлебариб. Цархил жаваб рив гъатли илинира чарбарес? Мурулкун вархъли виклули сай. Жалладунани уркецли-ряхиму агарли урхила жан айсулихъар, илдани цимкалара кабушес хебири. Илди-гъунти сари мурул-хъуна табигъатунни. Чевяхисини саби алхули илдази хъурадарибти...

Илдада ихтилатла цайли ца бикъриван, цагъхил закибхъи ахъбиубси берхи дяхи-дахли хербиклулри. Гибшила тяхуси гъава багъла-багълали ванакабирулри, Цуриша махъи савлила гъанклизибад чебиргулри. Амирбегхъала махъи халати ахенти аварагунани къелкабарибси дубурла удибси катругси майдайчиб сабри. Илис гъаладизурти я гъвгъв шурми я дубурти аги, алавчарти гъарахъти махурби-гъябири дархли хъатларван чедиулри. Илдачи берхи жъвли хербилзусири, хятта янила къантти бурхназибра, къанни гелара биркусири.

– Хямзат виклуду? Уршила у ил сабни сен багъурри? – хъарбаиб Издагайли.

– Халал Гяяла уздан Гябдулмажидличи, сунела гяпабаркъ, ну чуйнара хъурайубсира. Илала хъалибарг чебаибси саби: илис къанниван акубси къапла бихан ил урши сай. Сепайда...

– Нушани цархил у бихахелли?

– Вари, вари, ашна, ил секал барес асухебирар. Бунагъ биур. Ху пикрирухъен, нушазиб илгъуна ихтиярра агара, Гябдулмажидла рухлира къабулхебиру. Хямзат ибси у хед къабулхебиркулив?

– Ахен гъари, ца ити...

– Адамли саби, дила ашна, сунела у жагабируси.

– Сеннира дила уркли паргъатли ахен, Амирбег. Нуша илгъуна анцбукъличи херли ахенри.

– Эгъ, дила ашна, вегли веглис чилилра къисмат чеббиклес хейрар.

– Хейрар... Рахли алав шимала адамтани Гябдулмажидла урши нуша-

чив сайни багъалли? Гур ил хабар илди хИллакартачи баалли. Бирар къалли илгъуна бизера?

– Хебирар. ГИядулмажидла урши левниличила балути адамтазивад цалра мицГирли кали ахИен. Душмантира ил виштГаси кавшибси сай или Гур уб-чебХебикIар...

– Ва дила Амирбег, нушала урши левси хИейъни чили хИебалули? ХИу иличила пикриХевхъадив?

– Пикриухъунра, ашна, гъар секIал гъунчив левай пикридарира. Къакъа-марикIуд, ил масъалала хИекълизибра хИези иргъахъис... Дила гъанбик леб...

БерхИиличи хИулбира цИваили, Амирбег лехIкахъиб. Издагайли, сунес хабарра агарли, гИашриубли виштГасила андаличи назикти бай дариб. «Дила пакъир ХИямзат» ибти дугъбира илала михъирлизирад дурадержес хИядурлири. Гъаб-уб хИебагъурси нешдешла хИял илизиб чебиргъулри: дуклав гъяжварибси дурхИяла ванадешли ил хИял цахИнаб чархлизи гИинтIбирусиван сабри.

– Издагай, нушала махъила агълу чехИебиулагу? – хапли хъарбаиб Амирбегли, сенахИенну махъилизиб мурул-хъунул сабицун ахИенри: барх хИербирули лебтири Издагайла нешла халал рузи Бикаханумра, хъалибарг хИербарес багъандан сай гИяхИулали Амирбегличи узес вакIибси дукикъяна АмирхИяжира. Издагайла хала неш ребкИили, нешла рузи Бикаханум Баршамайлизирад илдачи гечриубсири. Гъала-гъала разихИериркули калунгу, Издагайла бегIтани къабулрикахъиб: илдас дубуртазир чула рурси сарицун риубли дигули ахИенри. Итира Бикаханум игъбарагар, алкIукад гИянцIли акIубси ва гИямру цайли деркIибси хъунул адам сарри. Илала я сари-регIти мер-муса, я селрацад яшав, лерти ахИенри. Илкъяйда пакъир рухънара караилри.

– АмирхИяжи даг ЦIурмигIя махъилизи тухумла бялгИяличи арякъун, сунела биштГаси хъалибаргра барх арбукиб. Узи-уршиличив ца жумягIцадхИи кавлас, викIи. Нешла рузи Бикаханум нушала маза-масличил дукир сари.

– Ца гИяхИдеш, махъилизиб илди къаршихИебикнилра. ВегIла хъулибси дигИандеш вегIлицун гъунчибушни гИяхИси саби.

– Амирбег, илди чархИебухъи кахИевлан. ИлхИели се буруси?

– Бикаханумла дахъал хИисаб-суал хИедирар, илини дикъу-иргъути агара, сунела хъули пяхъриркур.

– Нешла рузи къалли нушала адам сари. АмирхИяжихъалази се бурехИев?

– Селра хИебурехИе... Илди чарбухъунхИейс виштГаси нушачив хИейрар.

– Гур чина аркулри иш пакъир?

– Нуни ахИен, дила Издагай, хИуни сай ил аркуси.

– ЦацахИели хИела гъайра аргъес гъамадли ахИен.

– ХИергъуси се леба? ХИямзат циила гИяхИухъалли, илра хИура уркурличи адиахъили, хИела бегIтаци аркурая... Дудешла хъулир хИед дигуцадхИи ралтари. Нушала ЦIуриша махъила хИуркIбани чула шин урхъулизи гердарайчи, хабурти адамтала гИякъулизир сигли дергайчи...

– Пешкеш пикри хИебиалли?

– Мар-марли викIулра, янира беркИили, хИеб сагадиайчи илар хИеркади-рудая...

– Чинара хИела Издагай или хИези хъарбикIалли?

– Или бикІутази дила жаваб хІядурли бирар: виштІасилис раибси Издагай бегІтачи диркьаличи рахъилра или бурис. Дубурла гъава чекайсули ахІен... Илгъуна пикри хІергъути камли бирар.

– Масъала гъамадли ирзули леври, дила Амирбег? Гъалав ахІелкІуси виштІаси гъанна сен дакІуухъунси или хъарбаалли?

– Бааб: мурт-биалра нушалара виштІаси акІес гІягІнилигу?

– Вай, хІябилра урхІмешуахІенси баркьуди леб нушала? Чевверхи нушачивад, Къудратла вегІ Аллагъ?

– КъакъамарикІуд, дила ашна, гІямру деркІес чисалра гъамадли хІебирар... Гъамадли хІебурги, мас-мулкра лебдешра гІелар датурли, балагъла бекІализивад ГІябдулмажидлисра ахиратлизи арукъес. Нуша гъачамлис мицІирлира, мицІирли сай нушала ХІямзатра. Я илцад декІси анцІбукъ нушала унабурхІличи лагбяхъили ахІен...

– ХІердикІехІе...

Мурул-хъуна дурути гъамадли кахІедурхни багъеслири: ца гІяхІдеш, илдас чилра диргалаулхъусилра агни, Издагайла дуклав, бегІтала хабуртачи лехІихъусиван, ХІямзат рахаурлири. Дай заки баэс къалабаси ва махъила дублаб челябкъалаличила къакъабакІибти илдачи берхІи ванали хІербикІулри. «Диур гъанна хІушала дурути! Уршира арукили, хъярхъли пяхъдикирая дяхІцІилиу!» – бикІусигъуна сабри ил.

– Ваши, дила Амирбег, нушала уршилис буцІарагес асубирар, – иб Издагайли, цІубхІярличирад арилзули ва хъули аркъули.

«ХІела дяхІцІилиуб набра мер камХІебиэсгу или, илис гІелавад Амирбегра арякъун.

\* \* \*

Бикаханум къанни бархІехъ чаррухъун, маза-масра чялилизиди духІнакаили, архІяличивад чарухъунси Амирбегличил кам-гъамти яхши-хуш дариб, Баршамайлизирси рузили бархъибси савгъатунала таврара сасили, баркаллара багъахъурли, махъила юртличивад вецІал ганзлацад тядисиди сунела хъули аррякъун. Цундешличиди бурсикариубсиди ва гъархІели «я-я» карикІули бурусиди хІебикъусиди илис бахъла къушум хІейгахъиди.

ШайтІан чирагъла шявсиди шалалиур Издагай ХІямзатличил арарха-карархилри: илини дурхІяла дяхъиди сагали делтІунти хІяклагчил кІапІбариб, сайра вахес алаврухъун. Цаагиди иличил гъайрикІесра даимриуб: «Абас ват, хІу гІяхІулхъад. Шала пІякъдикайчиди дяхъиди буркъьбирар, бархІиди ахъайчиди хІулбиди шаладирар, гІур-гІур биалли, шан мазала мукъараван шалигъавли тясикІули, вава-къарла диркьакад дуцІулхъад, хІела диштІати бачІнира алавдарили, дила хъябра бурцид. Дудешла у ахъбуцесиди, алав шимала адамтани пахрубаресиди багъадурра ветаруд. Вай, хІу дила араваркъ! Гъанна усен, абас ват, усен дила мукъара, шадти муэрти чедаахъес хІед лайлара бучІас...»

Юх, Издагайли лайла хІебелчІун, гъалаб хІебалусиди, мурткІал хІебелчІунсиди сен-сен рирара илини лайла белчІес? Аммаки, дуклав ХІямзатра эшварили, илини сунела лякъир гІурра даимбариб.

Ужагъла мякълав уркурла хІулализи вархисси Амирбегли хьуна гьар-ур агарти лерил вяшатІала чедиулри, гъайра иргъулри. Ва ил разилири: «Издагайли виштІаси ХІямзат къабулварили сай. Ну къалли урухІусири, неш мазали чехІейсуси урхІла мукъараван, илинира къабулхІейру или. Илизир нешла диги чериргъули сари, цархІилван биалри, чІянкІли нешли дурхІялис дурути илди къугъати гъай хІедури. Дила ахІерси Издагай илгъуна риъни нуни итира балуси саби, гъеч ташмишхІейкІира ХІямзат илис дурхъаси ветарниличира...»

Дугила къанси манзил Издагайра ХІямзатра тахличиб гъанкІлизи мурхъ-бикибхІели, Амирбег хъулилад дуравхъун. Махъилизив ца сай ахІи вяшулхъуси агара виалра, вас-васъайчил алав-гъалав хІеризур, гъявси дугиличи лехІизур, гІур гъалли чялиличи гачбикІуси яхализи ацІиб. Лацлизирад чумал къаркъа дурасили, шалкІуб барх хисси бергараг ила дигІянбариб.

«Сайдуханна мутІрус я Издагайла я цалра цархІил адамла хІулбау бикес гІягІнили ахІен. Иличила гъачамлис чизилра гъанбушесра хІяжатдеш агара. ХІиллакарла ил бикъри дакІубарилихъар, илис танбихІ бирусидехІейхъур, набчи адамти бирххІеэсра асубитар. Талхъа уршили гъамадди ну вайулавирура, Халал ГІяяла къамлаван, чилра шакхІейкахъили, дила хъалибарглара къел-хІерзи дулъахъа. ХІялал-залалли хІериуси адамличи ряхІмуагарси дунъа саби, сунела вегІебш!» – пикриухъун ил.

Цуриша махъилизир селрацад барсдеш агарли бурхІни даимдиуб. Бикаханум дуки рашули. Издагай уршилизи рархили. Амирбег, уркурличидехІили диркъаличирад дубуртази даахъибти гІягІниахъалара, шими-махъурбази вачар-чакарла архІяби дурадуркІули...

Шуэсил бархІи, Цуриша махъи гІянручІла гъурша пардавлиуб лебай, Амирбегли иб:

– Ралкъай, ашна, дурадухъес замана баили саби.

– Жявли ахІенара? Уршила дяхъи гъачамлис сагъбиубли ахІен.

– Жявли ахІен, дила Издагай, гІур хІуша махъилизир калес асухІебирар. Сунела хъунул-дурхІяличил нушала хІянчизар АмирхІяжи чарулхъан, гІяхІял-шан нушачи хъураирар... Гъу, се бурехІев илдази? Нушаб сеннира мяхІкамли диъни вайси ахІен.

– Вай аллагъ, Амирбег, се буриша нуни бегІтази? Нешли къалли дила уркІи иргъу. Дудешли къабулваресара нушала ХІямзат?

– Дила пикрили, хІела дудешли нушала иргъу: нуни хъумуртули ахІенра иличил бетаурси ихтилат.

– Сегъуна ихтилат? Мурт?

– Ца баз гъалав илдачи хъуракайубхІели... Хъулибтира гъанкІлизи мурхъбикили, нушацун ихтилатдикІули калунхІели, цагІяхІил мустили гъав бакІахъибси ну илини гъаргала живарира ва иб: «ХІуни, Амирбег, дила Издагай ригІунри, туснакърарибсиван дубуртази дигІянрарири, я набзи гисси гъай мархІебариири...»

Наб илди дугъби лергІер децІагиб.

– Сен илкъяйда викІулри, хІурматла Сапарбег? – хъарбаира илизи.

– ХІуни Издагайлис талихІ гъабуцес хІейубри.

– Илгъуна гIуркъбяхъ бархъси ахIен, - викIулра.

– ГIуркъбяхъ хIебурес вирусу, эгер шурмазиб сабицун бакIибси галгала чIухIариван дила рурси цунни риалли? Я ну илгъуна талихIличи хIерси ахIенри. Илис сайри итхIели Издагай хIед гес къабулхIейкибсира... Чинаба хIушала дурхIни? Чинаба хIушала ва нушала къам даимбарести?

Гъайгъай, илхIели наб хIела дудешлизи буреси кахIелун, цIахра бизур, ну гIяйибла вегI виъни чебиахъули, бекI къухIкабуцира.

– Дудешла тIабигIят цацахIели нунира аргъес хIерираси. Гъаннара, урхIла виштIаси хIушала ветхIерар или, ил ибкъкахIейзалли?

– Дила пикрили, кахIелзан: анцIбукъ иргъу, хIела дудеш духуси ва дахъал далуси адамра сай. Итира гIямрулизиб бекIлибиубси виштIаси варкъни ахIен, ил айкъни саби, дила Издагай.

– Набра дигахъира илкъяйда биубли.

– Бирар, бирар, паргъатрии...

КIелра эмхIерухъ дабгибси уркура ЦIуриша махъилизибад дурабухъунхIели, илаб кавлуси мицIирдешла лишанван рухъна Бикаханумла хъулиб шайтIан чирагъла шявси шала чебиулри. Ахъ-гIяшбируси рухънала дяхIцIили ил липI-липIбикIахъулри.

Бикаханум савлила дехIибайчир сарри. Белики, илини Амирбегхъала архIя гъарбизахъес балгара баресну...

\* \* \*

*(Хъарахъуд бирар)*



# Проза



Хадижат ХІЯБІБОВА

## ДИГАЙ – ГІЯЖАИБСИ ЦІАКЪ

*(Хъарахъуд)*

– Ассаламу гІялайкум, Къайып-ази. ХІянчиличи хІешули гІямал бирусив, гъатІи?

– ИшбархІи хъарахълизи укъен, – иб Хаинутинни, гъимидухъесли.

– ПяхІли ветахъи хІулбала гъалавад, хІяжар-къурумсакъ! – Къайыпла гъимила тІал гъанналис бекІлизи ибкъбизурли лебалри. Се бирусил балули ахІенри. Сегъунти-дигара къиянти хІянчи дирули калун. ЦацахІели дугелира узули кавли, амма гъаннаван вамсурси ахІенри.

Хаинутин биалли, вявбарибси кецІаван, гІела хІерикІули, илавад къалабали вебшиб. Сунела лебдеш чарбарахъес кайзалли, сунес бетаруси балукъи, Къайып сунела гъайличи кайзур.

– Цудара бала дирцили хъалли, цІубхІедирар. Адамтира илдигъунти саби, – иб хъунуй мурулла гІясидеш кІундацахъес дигули. – Камси сабур бара, Къайыпбег, белики, гъар-се секІал чула мерличи кадизес?

– СецахІи сабур бирусив? Вирулрав ну уэс, дила гъалар хІяйван-къача язихъли? Дила хІулбала гъала Хаинутин виркули?

Къайыпбегли чула ургарти я Атази я ГІябдуллатІиплизи хІедагъахъур. Ил хІяжар хя багъандан дурхІни бетахъахъес дигули ахІенри. Законти чІумалири. Илис Хаинутин хІулбас шяв, гумлас занзи ветаур. Ца илцун виалри, кункли уахъи, гъанна лебилра Хаинутинхъали бетаурлири. Илдачивад гъарахъикнелизибцун берцуди чебиулри Къайыпли.

Гъар хІянчила маргъличиб илгъуна тяхІяр сабри. Ил тяхІяр ца Мажалислизибцун ахІенри. Гъар шилизиб агентуни, чекаби, тройкаби дузулри. ХІякимти бахъбикІулри. БукІуни бахъбаалли, маза буцІа кадуршу, бикІуливан, хІянчила даражара усалбикІулри.

Цедеш дилкъули сари. Илди далцІи бекІдарес гІягІнили сари. Хивира гъанна сари далцІес гІягІнити. Къайыпла илди гъайличи хІякимтани пикри бяхІчиули ахІенри. Ца дусли Къайып вамсур. Вамсахъур селра хІергъути, хІебалуту, багъес хІейгути хІякимтала шикъли.

Цаибил колхозла дус илцад гІяхІсили бетхІеур. Дахъал ризкъи хъучир уркалун. Дахъал хІяйван-къача, маза-мас урдикиб. ХІедалцІунти гІинцби дяхІила удир калун. Ахъушала, сирхІяла адамти уркрачил, пургъунтачил башули, луцІули, чус ардикулри. Уркири, унци керасили, урцуйс къиянбухъахъ-



ун. Янила някъла гъямачир урцул дихулри, ца бикъес. Имцатала хьулри дярГилри. Халкъла урКби ГЯсидешли дуцАрдилахъуб.

Халкъ абархиб. Чула ца-ца хЯйван лебтазира колхозлис бедая или кабизур. Хаинутинни урдикахъибти хЯйванти Къайыпбегли урдикахъиб или, органтази валли тЛалабирахъес бехИбихъиб. Се икУли хьалли, лехИхъуси аги. Чулира балулри анцБукъ селизиб сабрил, чи-биалра багъанаварес гЯгГ-нилири. Къайыпла гЯсидешла ахир аги. Декли дицИли гЯхИси доход лугути ванзурби хЛедеги уркалахъун. Сунени бетарахъуси сабухъла хЯбал бутГала ца бутЛалра бучес хЛебиуб. Илди лерилра чедиули, Къайыпбег уэс вирули ахИенри. Гъар замана сунела лебдеш чарбарахъес хьуликУлри. Ил барес дигусира илди дузахъес хЛебирни сабабли сабри. Хаинутинни илис се-биалра хЯдурбиурли. ТПама-гъама агарси паргъатси хьулиб дакУбиубли зявбикУ-си тИнтИван сайри ил. Къайыпбег гЯсиварес бикалри, сай декЛла ахьурури. Гъаман иличила гЯрзикУлри. Органтанира Къайыпбегхъали чула хЛерлиу кабихъилри. Бахъ бузерилизиб бархили чебиули, тЛашбизурлири.

Къайыпбегла хЯкимтачибси гъими бархИиличи бархИи цакъбикУлри, имцАбикУлри. Патух Къайыпбеглизи сабурбарахъес маслигЯтрикУлри, сецад сунела урКилизибра разиагардеш биалра. Лебилра халкъ ца дукИлизи бабгитиванри. Ил дукИ бихес къулайли бири, эгер лебилра ца тяхЯрли бузули биалри. Хьулиб дигЯнбиркули, бекИли хЯнчиличи хЛебашутира камли ахИенри. Илдала шикъли ламусличил бузути урКиагарбиурли.

Сагакъянчиби – исполкомтазибти, райкомтазибти, илдачибра ахъти сагати тяхИуртачибли адамти тЛашаэс, бузахъес, колхозуни тЛашдатес ва илди гъятИхИедиахъес пикрибикУлри. Шилизиб агитаторти, пропагандистуни башули халкъличил хЯнчи бирес кабииб. Халкъ дацИти гъайли балхулри. БакИибтачи лехАхъахъес дархъдатахъурли хЯнчира дояркаби, дукикъянаби, колхозникуни собраниебачи бикулри. Бахъалтани илдани дурути се сарил иргъулира ахИенри. Амма лехИхъахъулри. БегЛла гъала кабиибти дояркаби гъанкИлизи бикилри. Ца дояркали, рускаи, «Я Аллагъ» или, тПамадариб. Илбагъандан хЯкимтани тЛалабрирули, инжитдирарибсири.

– Ягъари, нуша дахъ жявли адизурлири, гъанкИ чебикиб. ГъанкИлизиб нуни гъарХИели «Я Аллагъ», ируси саби. Се леба, гъатИ, нуни барибси? – рикУлри рухъна доярка.

Халкълизи цахИнабси бузери, цахИнабси хъу, цахИнабси ферма, цахИнабси сабухъ гЯхИси, балбикибси биъни аргъахъес бузулри. Халкъ илдачи къаршили селра бикУли ахИенри. Амма илдази сецад гъай дурули хьалли, цахИнабси ибсилличи бурсибиес бирули ахИенри. Бурсидиес гЯгИнили саби ца бузериличира, ца сабухъличира. Сецад гъай дарилихъалли, даршдусмазиб чули бузахъуси тяхЯр бархъбатес гъамадли ахИенри

– Белики гУр-гУрлис гЯхИдеш биэс, – бикУлри бахъалгъунти. ХЛебиалри Къайыпбегла лебилра хъалибарг илкъяйда хЛебузи. Бузутани къиян кабихъили касибси сабухълизибад хЛебузутасра пай биркулри. Бузути адамтас илра гЯхИхИебизур. Чула гъаларла, гЯмрулизибад къяббердахъили, гУр гЯхИдеш бирар или агитаторти вявбикУли мухИллуби гъярдердахъалра, чилра вирхули ахИенри. ЦацадехИ шимала мурул адамтани, колхозличила гъайалри, някъби ханжултачи ардихулри, чебухъес хЯдурбикУлри. Мерла хЯкимтани ахътази, колхозуни детХеурти мераначирра колхозуни кадизурли дузахъулра или, балахъулри. Чула гъайлис къаршили, яра чус дигуси тяхЯрли гъай хИеибси

халкъла душмайзи халирулри. Илдачи налогуни чедирхьулри, лебдеш гужли кебисулри. Илди агарбарести бугътанги чедирхьулри. Чула пикрили, гьар мерлаб низам кабизурлири. Ахъли «хъехI» ибсира валтули ахIенри. Илгъуна къиянси замана гьар шилизиб чула дихантира мезлукъунира буили саби. Хъалибаргла бухIнаб балли чус къаршили ибси гъайлис къараулкабиилри.

Сунесра хабарагарли, илгъуна замана ГIябдуллатИипла бекI таманни къагъбарилри Мариятличи дихъибти дигайли. Сегъуна замана сабли хъалли, илди жагъгас ил замана бегIла жагасири, бегIла гIяхIсири, бегIла балбикисири. ГIядатунни чIумати сарлихъалли, кIелра дугели дуракабулхъи. Чуни убатурси бягIлила бахчализибси галгалиу кабиили, бахъхIи гъайкабикIи, хIябкубти цахIнадирхъи, урми чулалли дирахъи, яра саби урми бетари. Хъулирти дудешла гъайлизивад ГIябдуллатИип урухлири. Урухлири Мариятличил декIариркус или.

Залбегла урши ГIисабег шагъарлизивад лявкъухIели, Къайыпбегхъайчи хъуравиубли, Патухлизи Султанатлис асира или мургъила тIулека бедиб. ГIяхIлала дурхIни хъаллабиру имцIали бегIтани, чула гъалмагъдеш тухумдешличи шурдухъахъес. ИлхIели дурхIни разилил ахIенал бегIтани камли пикри бяхIчиюу. Залбегли биалли, уршила пикри гIеббуцили, сукни вякъунсири. Султанат мурул адамти лебси хъули камли сарри рашуси. ГIисабег Султанат чераэс вакIили хъалли, цацахIели ил чераэсра хIебирки. Гъанна биалли се-биалра багъана барили дураулулхъи, ил левси мерличи раши, амма илдани цализи цали гъайили ахIенри.

Къайыпбег, сай гьар шайчивад азадли, эркинни, сунес дигутани иркьули, я чилалра буйрукълиу хIейкили, я чилалра къадагъа-маймай хIедакъили, ванзаличив 48 дус хIериубси адам, гъанна чила саял буйрукълиув виънили дебали зигарикIахъулри. Дугели гъанкI бетахъилри.

Габаг ахъибхIели, галгуби шинни дирцIути сари икIули хъалли, Къайыпличи я бригадир, я председатель разихIебикиб.

– Се икIусири хIу? ДяхIи лебли галгуби шинни иркув? ХIед нушала хIянчи гъала букъяхъес хIейгулри, – ибсири председательлира.

– Нушаб буйрукъикIес хIури хIяким нурав? – гъай къантIдариб авлахъла бригадирлира. БалхIебикибси тяхIярли хIянчи бирути чебаалри, Къайып, уэс хIейрули, се-биалра гIеббури. ГIеббурни – гъариллис хIярхIяван сарри. Къайыпла гIясидеш имцIадикIулри. ГIясидешличил барх душмантира бахъбикIулри. Гъарилличил даршули хIерирули гIямру духули деркIибси Къайыпбег, гъанна мехIур къайда кайзурлири.

– Чула къиян ахIен къалли илдази бикибси, ил багъандан саби се-дигара бетааб бикIути, – икIулри гъариллизи Къайыпбег. ХIянчи хIебалнили гъар секIал дукъдулъахъули сари.

Гъар дурабухъунси гъай, низла кIаван, къизбикIулри.

Органгази Къайып тIалабирулри. Илис бургъулри, вьавбикIулри, урухирулри туснакъирури или. Ахирра «халкъла душман» или дугъабилзулри.

– Лерилра дила маза-масра, хIяйван-къачара хIушаб гили, нура дурхIнира хIушаб дузули лерти нуша «халкъла душманти» детарулра. Лерилра хIядурли гибти секIал зин-заядирути хIуша халкъла вакилти детарулрая, – икIулри Къайып. ИмцIали гъай-мез дирусси Хаинутин сайри.

– ХIебиркуси хялис лига бикалли, шила дура арбухили буга, бикIар, халкълизиб. Хаинутиннисра ил саби бетаруси, – икIулри Къайыпбег ва сунела секIал керасес ибси пикри бекIлизивад аркъули ахIенри.

Тяп кѠел хѠеркѠла урга кайкибсиван сайри. Чидил хѠеркѠлизивад дураухъ-ес ухъалра, архулри.

– Чина вархъаслира ишди Хаинутинхъали чехѠебиънаб гъмадли бирар. Илини сунела шанти Закирхъали, Такахъали, унра шимазибти сунела гѠяхѠ-ли Загъидхъали кулакбарили бархъаънира балулри. Илдала лерилра секѠал кераснира балулри. Сунелайчил дарх хѠяйван-къача илдалара гаша дубкѠули чедиулри. Някъбазирад далхули, хѠяршдирули, умуси мерличи кайули дихѠути хѠяйван-къача, маза-мас гъанна къиянси даражаличи дикахъниличи гъмили вицѠилри. Къайып замана-замана вашули хѠяйванти някъли хѠяршдирули. Илдала къисматличи хѠерикѠули, сецад сай чѠумаси мурул сайли хъалли, виси. ХѠейуб илгъуна хѠяйчир илди датес. Чардарахъиб. Илди чардарила дахъхѠи кахѠелун. 1936 ибил дуслизир зулмурти даимдиуб. Сегъунти тяхѠярла документуни акѠахъубал, Къайыпбеглис «халкъла вакилтани» къаршити документуни кункли хѠядурдариб. Къайыпли суненира балулри сунес илгъуна диван хѠядурбирни. Хъулир лертигъунти дурхъати секѠал урчачи чедихъили, Залбегхъайчи адаахъиб. ГѠур чардаресли, вягѠдара барили, гѠяхѠяйчи илди урдихъиб. Мургъи-арц биалли, хъабализи кадихъили, Залбегла хъа мякъла укадатур.

Залбегра, цархѠилти балутира, тухумтира илизи тиладибикѠулри, гъанна илгъуна замана бакѠили саби. Гъандуцес гѠягѠнили саби или, амма Къайыпли Хаинутинхъала дукелцѠи гъандуцес вирули ахѠенри.

– Ишди Хаинутинхъали чехѠебиънав ну жагъаннабла цѠализив виаслира авара агара. Илди хѠулбала гъала биркули, ну уэс вирули ахѠенра, – икѠулри Къайып.

«Халкъла душманти» саррая или бархѠехъ багъахъур, жягѠял савли «лишунай» дарили дархъиутирая или. БархѠехъличибад шаладикайчи, илди гъуйчи хѠядурбикѠулри.

Ишарти гъар галга, гъар къяли, гъар кѠапѠи илди архѠябукъяхъес гъала тѠаштиван сарри. Гъар-се секѠал хумардиублири. Зак балли хумарлири. Илдачи бяхѠчиси бяхѠ, сабира ца-ца мер галгуба кѠапѠбарибси, ца-ца мер чѠянкѠли чебиуси хумарли хѠербикѠулри ва гѠянцѠли чѠярбикѠулри:

– Се саби хѠушани бируси?! Бузерила адамти – илди саби нушала баракат. Адамти, лехѠдизирая. Ца хѠушаб гѠяхѠдешлис цархѠилти агарбарес мадузудая. ХѠушачиб гѠякълулизиб ахъти, бузерилизиб чихъти, уркѠбазиб жагати, баркъудлумазиб хѠялалти биъни багъандан бетмайхъахъидая! ТѠашаая хѠушала макру! Мер-мусала жагадеш илдазибад дигахъуси саби. БерхѠила нураназибси ванадеш илдани цѠакъбируси саби. Дунъяла гъавала умудеш – илдала уркѠбазибад башуси саби. Дугела паргъатси лехѠдеш – илдани балтахъуси саби. Илди агарлира абулхъан берхѠи, амма шявли, илдани берхѠила нураначил барх уркѠбала нуранира гѠяйкадиру, дунъяличиб жагадешра, малхѠямдешра, ванадешра, хѠялалдешра имцѠадиру.

Адамти, тѠашаая илди! ХѠуша пашмандирудая. Ну дахъал замунтазиб адамтачи хѠербикѠули бирусира. Инсаниятла тарих акѠайчи акѠубсира. Гъанна хѠушани инсаниятла тарихлизиб цѠудара дамгъа бирулрая. Адамти, замана лебай пикридухъеная.

Шиличи бяхѠчиси бяхѠла дугъабиз иргъулри чѠянкѠли жагатани: баркъудлумазибра, бузерилизибра, рухѠлизибра. Илдазиб ахѠенри гъанна ихтияр. Адамдешла чебла – къисматли вялчѠуси ахъуцили, сунела мерличи катни, – ил гъанна агарбирули саби. ВялчѠули сай уркѠбала дибягъдешли,

рухІла сьядешли, адамдешла ахмадешли. Илдала уркІбас кьулайлири, чучиб дигалли дагьриласал, дигалли бузериласал, дигалли кьуватласал цІакьти кабикахьалли. Чула чедибдеш сегьуна сабил иргьули ахІенри.

Цабара гьалав хІурматли алавуцибси адам, гьанна такьсирчи ветарули сай. Се такьсир лебли? ВатІан батахьес бургьес гІягІнибикалли, илдазибцад ВатІайчи дигира, ил батахьес цІакьра чузир хІедиур. ВатІайс яра чис-биалра кумекбарес – илдазирцад адабра ламусра чузир хІедиур.

Илдала някъба, майали, кьайгьна, цІакьли сархибси хьямбарили архулри. Халаси дягІ бухьи архулри. Авлахьличиб дягІбухьалли, назикси галга кабиркахьу. Кункти секІал арху. Ил тамашала дягІ сабри. Илини цІакьти архулри, хІячмазибад абердили архулри. Юх. Илини архутира кункти сабри. Ге, кункти. Бунагьунала.

Патухли анкІила ца кьап бицІиб. Илди декІардариб гьелис сарри. Саби бякьунси мерличир ризкьи цІидиахьес дигулри. АхтардибирухІели, ризкьила кьап чебаили, НКВД-ла ца чІяпІухьун, вьвчІярухьун:

– Хьулкни, ВатІа душманти, гьанна ризкьила кьапра бигІес пикрибаррав, хІяжарти?!

Кьайыпра иличи гьимиличил чевхьун:

– Нушани хІела бигІунси агара. Илди ризкьи нуни Кьубала ванзаличирад кадухибти сари. Ризкьи дарсдиралли, доход гІяхІси башуси саби. Илдани ишабра гІяхІси доход гибсири. Нуша аркьуси мерличирра илдигьунти ризкьи диахьес дигули касибти сари. ХІуша адамти саррав?

Иличи лехІихьутира камли сабри. Гьайла мягІна иргьуси биалли бекІлил аги.

Мурул гІевурцули, Патухлира чумал гьай заядариб:

– Ягьари, секІал бигІес пикри биалри, нушани декь кайсутиригу. Нушаб декь кьулайлири. Илдигьунти сарри хІушани ишдус дегІунти анкІи. Илдала бахь гІяхІси доход касибсири нушани ириъ. Ил сортла анкІи детхІехьахьес касибти сари. Илди анкІили Хайдакь мискинбиру или гьанбиркулив хІушаб?

Сецад ризкьила кьап батахьес гьай дурили хьалли, илди керасиб. Керасиб чули дакІахьибти ризкьи ва хьулкни или бургьра бургьули. Диур хІушани деркунти анкІила кьуцІри. Мухьилара мяхІярлара даталли разидиарая, – чевхьун бецІлагьуна куцличилси сагакьянчи. Илдас датур байхьала кьап мухьилара, байхьала кьап хІяжланкІилара.

– Ишдачил хІериъниличиб бекІа гьалаб саби. Адамти жанивартачи шурбухьи саби. Нушани сархибси, нуша дегІси секІал касахІелли, нуша хьулкни детарулра. Нуша дегІти секІал керисути саби хьулкни ахІен.

Тамашала сабри илдала бяхІяначибси белкІ. УркІби гьатІира язихьли цІумдикІулри.

Ге, бирути саби адамти жанивартачибра кьаркьти. УрхІла секІайчи гьаргьти. Илди адатани ванза, бузери, ризкьи – чуласун иргьулри. Ризкьи сагадикІахьес, ванза жагабикІахьес, бузери хІялалли биахьес я кьас, я цІакь, я хьул аги илдала. Марлира, илди жанивартачи имцІали мешулири. Жанивартира – дугІла. Патухла кьал бири илди адатачибра духуси. Адамтала гьай илини гІяхІил иргьулри, гьанна ишданиван ахІи.

Патухла илдачибси гьими бусягІят арбякьун ва Аллагьлизи ахьли рулгес карииб:

– Я, Аллагъ, уркѐци бара ишти хѐла лугърачи. Хѐни гѐхѐтира вайтира далдуша, Аллагъ.

– Нушаб сарив ил лугъри рикѐси? Хѐа-хѐа-хѐа! Саби лугъри батурли, «халкъла душмантѐ» нушаб лугъри рикѐулив иш?

– Нуша лерилра Аллагъла лугъри саррагу. Хѐу бусурман ахѐнрив, ил секѐлал хѐргъес? Хѐушаб се бетатурлив, Аллагъла инсанти? – Патухли сегъунти гъайли гъайрикѐсил балули ахѐнри.

– Илдази инсантала гъай аргъахъес вируси ахѐн, Патух. Лехѐахъи, имѐла гъай майрид, – гъаман сабурлизивад улхъуси Къайыпбег гъанна маслигѐтлизѐ ахъиб. Илини жявлѐил аргъилри, сецад ѐубси секѐайс ил ѐубси саби или кайзалра, саби лебилра учибикили ил хѐунтѐна бетарахъулри. Илхѐели байрахъра Хѐунтѐнари, сабира Хѐунтѐнабири.

Бегѐ гъалаб халкъ чугѐблибарес гѐгѐнили саби. Амма севан? Гуж-зулмули! Чѐанкѐли гуж-зулмули! Чучи къаршили гъайибсилѐчил хѐилѐчил дирар гъай. Бархъдеш чисалра гѐгѐнили ахѐн. Гѐгѐниси – саби се бикѐалра, илдира бикѐни. Саби сели биркъалра – чула бархъсилѐзи халбарни. Гъапулдеш – ил саби гъанна адам уцахъуси къиликъ. Гѐгѐнили ахѐн я хѐла дални, я хѐла бархъдеш, я хѐла адамдеш, я хѐла чевяхѐдеш, я хѐла бузери. Чѐанкѐли гъапулдеш. Гъапулдешли верцахъиб Мирзакъади, динна адамти бегѐ гъалаб убисули биалра. Гъарахъти мераначи укъесван ил я жагъли ахѐнри, илала я давла аги. Инжитирулри. Тѐашаиб акбар, шила мижитла мимбарличѐбад сунени бархѐи шуйна бучѐуси. Тѐашаиб къуръан дучѐни. Ахир замана бакѐили саби. Аллагъли дакѐудиахъубти гѐяламатуни сарри, бикѐулри. Илдала Гулжанатра калун, сенкѐун ил мискиннис сари шери рякъунси. Неш-дудеш жявлѐи бекѐили, Ибрагъим ѐуръавиубсири. Ибрагъимла бегѐтала лерти секѐлал узби-рузбани чувсарѐб. Виштѐаси Ибрагъим дудешла узини айкъурсири. Илра бузери дигуси, гѐахѐси, бурибси къамла сайри, амма сунела селра аги. Мискиндеш илис кумекдиуб. Халкъла душмантала сияхѐлизи кахѐейкиб.

Лебилра тухумтазибад, узи-уршилѐзибад, шантазибад декѐарбарѐли Къайыпхъали гъайбарѐб. Рисули Гулжанат бегѐтас гѐргъи ратрихъиб. Ибрагъимра иличил варх сайри. Ярга-яргали хъябруѐбашули декѐарбикиб. Ибрагъимли Гулжанат руѐили тѐашаиб. Гъарахъбикибхѐелира ѐаличи ѐа шурбирхъули, бисули калун. Патухли, Аллагъла къадуртазивад гѐлумизес вируси ахѐн, Аллагъла къадар саби или, субхѐянра бузахъули, мухѐли шивкѐивбикѐахъулри. Илала тѐама Аллагълизибри. Сунени дучѐути къуръа аятунани чула архѐа къулайси бетарахъусиванри. Илди кабибси дехла вагонна авалра муза сабигъунти хъалибаргуна дуѐилри. Къайыпхъайс бикибси муза дягѐ башуси сабри. Мурул адамти гъалабван кабиилри. Айбика Патухлара Султанатлара урга каратурлири. Дурхѐалис раибси Айбика мяхѐкамѐирули, иличила къайгѐилизибри лебилра хъалибарг. Гѐядуллаѐип Марѐятлизи ва илала нешлизи гѐахѐли каленая или дураухъунсири. Гъанна илдаѐила пѐкрилизи икиб. Илис Марѐят даимлис рѐтахъибсѐван бизур. Уркѐи ѐа гѐажаибли декѐбиуб ва гѐанѐли тѐамадарѐб, сен ратуррара Марѐят или. Чула уркалунти масличѐла, хѐйван-къачалиѐила, маза-масличѐла бекѐли пѐкруми дашули ахѐнри, сенкѐун илала гѐлаб калунси уркѐи сабри, сай гѐахѐулали Марѐятлис бедѐбси. Бѐдни мяштѐбирили ахѐнри. Разили бедѐб. Сѐпайда? Дѐла уркѐира барх арбухѐли, марѐира, Марѐят чис-биалра шери аркъяну? Юх, илини илгъуна хѐебиру. Марѐят ламартла ахѐн. Илини наб ламарт хѐеби-

ру. Гябдуллатип сунени сай паргъатирулри. Паргъатиэсра гьамадли ахенри. Чи селичила пикрииклулил, чули ахли балули ахенри, амма цала пикри итилли кьябхлеиб. Бархли арбякун, цалалра кьяклабад бараалра тIама дурахлебикиб. Кабибси мерличибад бахъхли вяшбухъес хлебирули калун.

Адамлис дебали кьяянни бирар вегла мер-мусаличивад декларикес, илавад деклариркухлеили, вегла хъали, хъа бяхри, бурх, чIябар – лерилра секIал дахъхли веглизи жидиклутиван дирар. Илди жидиклули лералцадхли, адам сагаси мерличив паргъатли хериеэ хейрар. Цацахлеили гIямру кадерхайчи, гIямру кадерхурхлеира жидиклар. Къайыпхъайзира саби аклубти, хербирули калунти мер-мусаличирти гьар секIал жидиклулри. Сецадхли калесара?

Къайып бегла гергъи сунела ахерси ВагIайчи, сай узули калунси ванзаличи херизур.

– Дила давлала ванза. Хед гIяхли саби. ХIу хIела мерличиб кавлулри. Хечирти кьугъни лехли чекайсулри. Даг нуша сарри хIела дегIти, ишбархли – цархIилти. Хед авара агарав? БакIиб хIечи дигалли хьямчиби, аклуб хIечи дигалли вершаби. Арбякун хIечибад хьямчибира, аркъян вершабира. ЖягIял хIела вегI цархIил виэс вирар. Илгъуна саби хIела кьисмат. ХIу хIела халкъла хIилира чуйнара иркири. Забла хIуркIбани гьаман ицули калунсири. Ванза. ХIечи, дила мяштIдулхъули сари, сенкIун хIу чилилра дугIкаэс бирули ахен. Гьармукабани ардики ишарад урчала илхъи, хIяйвантала хIункъри, мазала дурзамти, хIу биалли кавлулри. Илди пикрумани Къайыпбегла уркIила гъав барсбиахъуб. Илала бяхI пишбяхъибсиванри. Иличи хIеръибхлеили, хумарти пикруми агардирутиванри.

Ахирра Ата айзур, ита-иша кьунзухъун. УнзаличивяхI арякун, ахтардидариб. Улкъайлавад дура хIерикIескайиб. Ца шайчибад урхъула хъанцIдешри, мусисиртличи баайчи гIяйкабиубли. Итил шайчиб ахъдешри. Мякълабси ахъдеш гIелабяхI дуцIбухъалли, хъанцIдешлизи гIелабиркулри. Гьарахъти дубурти далли цаличи ца къарауйчи кадизуртиван тIашлири. Ата ита-иша вашнили лебтазилра аргъахъиб, сабира вяшбухъес бирни. Пикрумани илди бебIахъибтиванри. Рахливан Патухли «Аллагълизи шукру биаб» ирулри гIяшси тIамаличил. Бузерили белкунти илди адамти илцад паргъатли кабибили буэс бирар или чис гьанбиркусири? Кабиб бахъхли, бебIибтиван.

Гергъила бархли Патух черсараргъибсиван риуб. Сари чинар риалра, неш сарни аргъибсиван, беркайчила пикрирухъун. КьуцIра бицIибси кьап гьаргбариб. Патух уркIрухъун. Илди заядиублири. ДяргIяйчи тIашхIеили, дуцIарти кьуцIри дицIибти кьупразиб шянкIла гягI лебри. УркIи гьяжбиубсиван бизур. Бетаурси бурес хIерирули калун. Сунела хъалибаргличи хIериклули рисескарийиб. Ата нешла мякъла гьамиуб. ХъанцIдиубти кьуцIри чедаили, илра уркIухъун, амма селра хIеиб. Аргъиб сен нешла хIулби нургъба кIантIдиклутил. Чедирти чумал чурек дакIахъили дуббатур. Калунти кьуцIри хъанцIдиублири, деркесли ахенри. Чула гIямрулизир ил хъалибаргли бегI гьалар гаши чедаиб. Дегъла хIеркI чедиберхурли, гьачам илдала дегIнуби ардухитири. ИлхIелира илди гушбиубти ахенри. ГIяхIлани берцахъиб. Гьанна биалли, чум бархли ардякъи къацIла бутIа хIеберки, амма гьандурцулри. БегI гьалав Къайыпбег пашманиуб сунени барибсиличи. Хъалибарглис илгъуна кьяяндеш бакIибхIели, илдала гьалав сай гIяйибла вегI виъни – декIлири. Амма кьяркъси кьисматла цаибил имтихIянничи чилра зигархIевхъун. Гашиличил барх гьанкIра бемцIур. Халатачиб жагъти жявли

хЯлагарбиуб биалра, чумали гъандурцулри. ДягИлира къукъу-лямцИлира бирхъуси лусенван кабизурлири. Ца балагъли вецIал балагъ лерку бикIуси хIязлис буили ахIен.

ДягI булхъуси шайчи кариибси Султанат зягИиприкиб. Ил ишдус 16 дус сарри рируси. Вагонна гIямзилар руржуси Султанатличи кIелра узинира дудешлира чула чедирти палтар чердатурли, чекадушиб. ХIера, ца гъатIи гIядаб Къайыпла уркИилизи урги-дергаван атIун. Адам вегIлацун къайгъилизвив виалли, илис хIериз къиянни хIебирар. Гъарилла къайгъилизвив калунси Къайыплис илаб биубси къияндеш сунени бетаахъурсиванри. МуцIурличибад някъра каберкIили, «шукру биаб Аллагъилизи» или мурхъли децIикIулри. Сунес дигуси тяхIярли илди хIербариб: хамли, разили, битавли. Лерилра сунени дарибти цагъакIили детахъиб. Гъанна чула ихтияр чузиб ахIенри. Къашмачи тIашбизес ахъриагарбиубси хъалибарг Къиргъизияла бацIси, берхIила буцIардешли къаш кацIес хIейруси ванзаличи кабатур.

Тамашала ахирагарси диркъси авлахъ. Лерилра шалубачирад кадухъунти дугIбани гердирути гъумли ва гIянжила пухIли бицIибси диркъси авлахъ. Дерубти къар тIерхъубиван мер-мерла лайкадакIилри. Дубурлантала журуга къапIначи мешути къар. ДягIли, дурхIнани ругбируси журугаван, башахъулри, дуцIибкIахъулри, жургъбикIахъулри, гъабирхъулри. Ца шайчибад бухъунси дягIли итил шайчи дуцIдирулри, итил шайчибад бухъунсили ишадяхI гъадирхъулри. Ил дягIла гъазала ахир аги. Арцантала тIама камлири. Сели диркъути бацIси авлахъличир арцанти? БуцIардешли гъигъикIес балли къияннири. Ахир агарси авлахъличир я галгуби аги, я вацIурби аги, я хIуркIби аги, я дубурти аги. Лерри чIянкIили дянг авлахъра, авлахъличир журуга къапIнира. Гъарахъли хIерикIалли, зак чекабаибсиван хъанцIли сабри. Тамаша ахIену гъатIи, авлахъличир вацни далли аги? ЧIянкIили дягIла шятIла тIама сабри. ДягIра чинабад башулил багъесли ахIенри. Зак умули рурхIулри.


– Улас, иш къиян чебуркъес се такъсир барирара нушани? – ахирра лехIдеш буун Къайыпли. ГIур уркIи чIумабариб ва ахъли иб: – ГIяхI кIелван къияндеш бихIес хIейруси гъабза ахIен. Уршби, кIантIимайрудая, мутIигIмайдая!

Илар чумал барак лерри. Ца бараклизи Къайыпхъалира мерлабариб. Ил бараклизир гIурра чумал хъалибарг лерри. Гъарил хъалибарг чебяхIкахъибси чIянкIили декIарбирулри. Султанат циила гIяхIла шайчи ласрухъун. Цаличи итилла къайгънани, дигили бихIулри илди. Илкъайда къияйзиб, амма уркIби цадарили, дехIдихъиб илдала декIти гIязабтазирти гашила гIямру. ИлхIели илдала ахъри аги чус ца биштIаси, дярхъалра асес. Сегъуна-дигара хIянчи барес хIядурлири ил хъалибарг, бикIуливан, къашмачи кабизес. Хясалиуб берцIибси къацIла диштIати бутIни дуртIухIели, Патухли Айбикас имцIаливан луги. БегIлара халаси агри, декIдеш, гIязаб – ВатIайзибад гъарахъли биъни сабри.

Илдачи Хайдакълизибадти, Баршлибадти, Уркарахъибадти ва цархIилти мераначибадти адамти башулри. Баршлибад тухумти балли лебри. Къистамай имцIали берклуми дихулри. Къайыпли сунела гIяхIял Закир хъараиб. Къистаман рисескарииб:

– Нуша ятимдарира Закирли. Иша дакIибмад, зягIипикиб. Дебали къияндухъун нушаб. КIел базцад кали, гIур вебкIиб. Илис ишаб хIяб къадарбиуб.

*(Хъарахъуд – гIурла номерлизиб)*



# Поэзия



Тавсултан СЯГИДОВ

## ЧУДУЛА БИСА

*Масхарала поэма*

*Хурхъила интернатлис  
багъишлабирулра*

**Ч**удначил машгърти саб  
ВацIа-хIярлизиб мургук.  
Илдачи карцIли бирар  
Унраличибти бурдук.  
Сирагъунтли гъайличиб,  
Бухили Мугри чуду,  
Илдазибад ургуба  
Муртрил асили буру.  
ХIязлис ахIен Даргазиб  
ЖявхIейчибад буруси:  
«Дахъал гъайличиб чуду  
Сабиигу, марли, гIяхIси?»  
Канила кахIедиур,  
Хабурти камдирехIе,  
Мирзас нешли барибси  
Чуду гъайбулхъахъехIе:

– Шел дусалра диубти  
Дячи дахъал къябкъури,  
ТIем бакIахъес илдази  
Гъулира дархаили,  
Мукъарацад кIуркIурла  
Диъбира детихъили,  
Цуг дайла тIяп хункIгъуна  
Гидгари кабихъили,  
Мар анкIила бетIула  
Бабза камра барили,

Бизиси бетаахъес  
Наб балгара барили,  
Мирзала нешла бархIехъ  
Карила арбухира.  
Илар нушачи хIерли  
Саят-аба раргира.  
– Саят-аба, даг нуни  
Мирзас гъалмагъ раргира,  
Ил анцIбукъла хIурматлис  
Иш чудура барилра.  
ХIелайчиб гIяхIси кари  
Шилизиб гIур хIебалас.  
Иш жагали берцIахъес  
ХIериишира улас? –  
Гъарахъларад рехIрихъиб  
Мирзала неш Жувайрат.  
- ХIу ляркъни багъуррагу,  
Нуни жявлил, Жувайрат.  
ГIяхIси барили лерри,  
ХIу нушаб Аллагъли рат!  
Балгун сягIят уббухъаб  
ХIуни вачар барибси.  
Уршилис гъалмагъ раргни –  
Игъбар саб хIед баибси.

Каричи Саят-аба  
Сегъунал сар ралуси:



Дургъбала дусмазирра  
Каричири рурибси.  
Цуръа дурхъни илини  
Хъалтала чудна балхи.  
Хъяшнара, чули далци,  
Иличи низби дихи.  
Германила Гитлерла  
Пукъа цали бигубси,  
Чедибдешла бархилис  
Бариб байрам халаси.  
Мисинти сарли хъалли,  
Нуша сарри уржибти,  
Ил багъандан дургира  
Душман вячес диубти.  
Гъар хъулирад пис-писли  
Дучира чуднас бету.  
Уркурла хулагъуна  
Лебри, марли, ит чуду!  
Чудулис белгунсири  
Гъар къатлизибад дагъа.  
Хиви дячен дигуцад –  
Агарсири къадагъа.  
Лебил дурхънас даари  
Детихъира гидгури.  
«Чедибдеш!» белкунсири  
Хива чудула чеди.  
Ил берцибси каричи  
Саят-аба ахенрив?!  
Чудулис дарибти гап,  
Марли, хуни хергъирив?  
Колхозла пирсидатил  
Уцумила Хямидли,  
Ишбархъира гъанбиркур,  
Хевалис чянкли гили.

– Ну берцайчи кел хъунул,  
Карилаб кабиили,  
Шаладикайчи калун,  
Хабургани бугъули.  
Динда къайда къерхъиуб  
Дила чедибси гянкла.  
Имца батасри, чевкъи  
Белкес каричи гякла.

Кабихъили хунжлизи,  
Гелахъили къакъличи,  
Савли гъайбарира ну

Арбягла базарличи.  
Барх лябкъути хунжличи  
Цаагили сунтбикли,  
Чудули къагъбарили,  
Илди шутра кантбикли.  
Унра шимала халкъра  
Гъуйчиб имцабиклури.  
Чула вачурти дарес  
Лебилра хъулбиклури.  
Цали бицес аркулри  
Хябдусан жинсла бугъа,  
Цархилла дуклаб лебри  
Цаван хунтена дагъа.  
Къача-къял гъайдарилри  
Базарличи сирагъай,  
Дугени мяхамдарес  
Дигулри илис, гъайгъай.  
Гъаббашахъули къяца  
Митругъунти мукукрар,  
Гежа-къяйла хенкъличил  
Ватихъили сай мугран.  
«Варъагъуна буртла берг,  
Бирцусирив, баркабан?» –  
Гап-чяхликлули чеа  
Гамушла берг бурдекан.  
Дукала бицарицад  
Къакъличиб бухъмуйличил  
Ватихъилри ца цурглан  
Варх касиб уршиличил.  
Хябал гавлаг хивала  
Ца эмхела къакъличир,  
Сарира мурдали сар  
Ургабси гавлагличир!  
Урчиличив аркъуси  
Мургукла мешебей сай,  
Къябкъурала духбачил  
Даим базарличив сай.  
Ну паргъатли бусулра  
Къакъличиб Жувайратла.  
«Мирзани баресара  
Бархкъяби дила пайла?»  
Сирагъан гяхъял хъунул  
Герраиб Жувайратлис:  
Мякълав гъункъа виалли,  
Кункли бирар уркилис.  
– Камли рашуд къалли ху,  
Жавайрат, базарличи,

Мешусира ахІенри  
ХІу бекІлил мургукайчи.  
ГІяргІни нушалра кІеркъи,  
Дицес гидгури хили,  
ХІушала хьунри бирар  
Нушачира башули.  
– Базригай се хІебирцу,  
Сирагъан гІяхІял хьунул?  
ГІяяла базарличир  
Чераира шин дирцул!  
Бирцуси я исуси  
Дила селра агара.  
ХІурхъив сай дила Мирза.  
Иличи ратрихъилра.  
Дудешли ил учІахъес  
Гъарахъ хІерхъили ватур:  
ВецІал класс делчІахъес  
Интернатлизи катур.  
Ца халати супелтар  
Бидашла БяхІямад кІев,  
«Вархъая набчи, – викІи, –  
Урцисрану нуни гІев!»  
КІел жумягІли хьули  
ВакІхІекІили уьхІевъар.  
Баз кабикиб – агара  
Я иличибад хабар.  
Лебтасалра баари  
Иш хивала чудура,  
Хунжала итил шали  
Гагъатурра къябкъура.  
Сунес гъалмагъ раргнила  
Мирзас хабар архула.

Хунжлизиб саблихъалли,  
Нуни гъайла иргъулри,  
Базарла къадализиб  
МяхІшарла диван сабри.  
Нусби, варъни, бургани  
Бурхла удир дирцулри.  
ХІяйван-къачала базар  
Темирла гІяйниб сабри.  
Къасапчиба цақункли  
Маза-къяца лугъулри,  
Диъ асибсилес илда  
Чеди кесек иргъулри.  
Чягъир дирцул тугълизир  
«Дерхъаб!» – лара иргъулри,

Халдарес балбизурта  
Чягъирлара бужулри.  
Кепкайубси нясли ну  
Хунжлизиб чебаира,  
Илини дуриб гъайли  
Ну тамай уркІаира:  
«Нуни къантІли бурулра,  
Бица, рузи, иш чуду!  
Арц дигив? Арц лугулра!  
Диъ бигив? Каса урдур!  
Валлагърагу, чебаэс  
Чуду леб мукъарлизи!  
Я ил нуни хІебалтас  
Асахъес цархІиллизи!» –  
Супелти къяртІлукІули,  
Шутра сай кІантІикІули,  
Къяшли мер хІебурцули,  
Ил сай дапарикІули.  
«Бирцуси ахІен чуду!» –  
Жувайрат рикІахъули,  
ХІилхІи калунрагу ну  
Хасмушли хъямбирули.  
«Ца тІемалра баласну,  
Къябкъурала чудула!» –  
ХъямхІелкану ил набчи,  
Буцили дуб хунжала.  
ГъакІванрухъи, Жувайрат  
Хасмушличи къужрикун.  
Чягъирли велкъун тІагъа  
ШяцІаличи «байкун».  
Мякълаб къаршибикибти  
ИличибахІ хІербизур,  
Кумби дуцили, лебил  
ДукаркІули тІашбизур.  
«ХІед барибси хІебиэс,  
ХІу гамушла пІяцІна велкъ!  
ГІяржакъ дукаркІахъули,  
Дирулрив цурала делхъ?!»

Мирзала гелис асиб  
Жувайратли гулменди.  
Мирзасра тІалабариб  
Рангла балала динди.  
ХІери баили саби,  
Базар бемжурли лебал.  
Интернатла «цІуръаби»  
Агарагу чинабал.

Жувайратла хІулби сар  
ДурхІни баргес умцІули.  
КІел чебаиб илини  
Кисми хива дирцІули,  
Базар бархІикІун илди  
БегІти агарал башар,  
Сагати хабуртира  
Иргъули бирар ишар.  
Мирзала гІяхІна гьалмагъ –  
Бурдекан ГІяйсалази,  
Жувайрат чераили,  
Виубли сай ца рази.  
– Ягъари, ГІяйсалази,  
Чинава дила Мирза?  
Яра илис гІекІибтив  
АрбягІ базарла унза?  
– ХІези нуни бурасли,  
ХІела Мирза чагъли сай:  
Олимпиадаличив  
Сергокъалализив сай.  
Ил гІелавяхІ чарулхъан  
БархІехъ автобусличив.  
Чехъри лебли биалли,  
ХІергид гІяхІси гІур набчив.  
– Базалра хІекІибхІели,  
КъакъаракІира нура.  
ЗягІипикибу или,  
Иша музарухъунра.  
ДучІес дакІили гІергъи,  
ДучІена, дила дурхІни,  
ДугІли мадуркІидану  
Пергер гІямрула бурхІни.  
БархІи ахъайчи калес  
Дила гІямал агара,  
Мирза чехънигъуна саб  
ХІу наб къаршиикнира.  
Буха хІушаб чудура,  
ДутІая къябкъурира.  
Камдарая диубцад  
ИмцІати гъундурира.  
Киноличи дашахъес  
Шел къурушра лугулра.  
НахІа гІяхІли калаба,  
Ну хъули чаррулхъулра.

ХъуцІарличиб хунжличил  
Вамсурси ГІяйсалази,

ГъинтІикІули дурайкиб  
Интернатла юртлизи.  
Къараул ГІязизлира  
ШяцІасахъиб къакълизи.  
ГІяйса чили бедибси  
Аждагъала някълизи?!  
Хунжлизирти хивала  
ГІязизли вяхла аргъиб,  
АнцІдухъайс, дячи, деркес  
Хивала мехІ бикахъиб.  
ГІяибидхъала Шамилли,  
БяхІязихъала Шамхай  
Хивачи чябхъин бариб.  
Илда букара или,  
Хунжлаб руржулри нура.  
Мусахъала Чаракли  
УркІаира гъатІира:  
« Гъари, Шамил, хІеризи,  
Се хебал хІу хунжлизи.  
ГІяйсалази витахъес  
Буришав ГІязизлизи?!»  
– Къябкъурала чуду леб,  
Лебтасалра баари,  
Амма, Мирза агарли,  
ХІейрус нуни гес ари!  
– Чуду хІеирив хІуни?  
Нуни вайтІа аргъирав?  
Мирза чарухъайчи ну  
ХъуликІули уайрав! –  
Хунжи-алав гурдаван  
ЛасикІули сай Чарак.  
Интернатла юртлизив  
Ил сай уриб апарак –  
Дуги барибси бургар,  
Шакалра хІедикили,  
ЦІикІбиубли бульанну,  
БукехІе чедикили.  
– Хиви гІурра касая,  
Ну къаршили ахІенра.  
Чудуличил авара,  
Вари, дурхІни, датира.  
Мирзази бургІахъехІе  
Лебтасалра царугли, –  
Аждагъали шин къяйда,  
Буцили хунж сунези,  
Къярдаван кайзурли сай  
Бурдекан ГІяйсалази.

– Чудула къисмат арзес  
Чала буршехе, дурхѝни, –  
Гъалабихъиб Гѝязизли,  
Ургакъяна виубли.  
– Чудула вегѝра сайну,  
Мирзала пай балтехе.  
Гѝелаб калунси чуду  
Гъанна ишаб ибгехе, –  
Кисализиб дис баргес  
Хахамухъун Тавсултан,–  
Дила дис агарагу,  
Се биуба, байтарман?  
– Чуду халхѝбарили,  
Наб ишдуги гъанкѝ хѝякъян!  
Хѝуша дикѝулрав Мирза  
Ишбархѝи иша лявкъян?  
Автобус хѝебакѝалли,  
Гѝур илини се биру?  
Чуду къалли илини  
Сунечи жихѝебиру! –  
Чѝумали кайзур Чарак.

Лебилра гапбикѝулри  
Назибси тѝягѝямличи.  
Илди лягѝнатбикѝулри  
Ветахъибси Мирзачи.  
Дахъал жалани диуб,  
Пикриличи хѝебакѝиб.  
Набчи бакѝибси балагъ  
Игъбарлисван чеббикѝиб.  
Се биубал хѝебалас,  
Мирза хъули чархѝевхъун.  
Хунжачи бекѝ барили,  
Гѝяйсалази геравхъун.  
Мялгѝун Чаракли дигѝяй  
Къараулти кабатур.  
Дай дуги Гѝяйсалази  
Муриси гъанкѝли вертур.  
Ну бухѝнаи хъулкна хунж  
Азбарлизи дурасиб.  
Бакѝахъили бугал дис  
Шамхай дила жан асиб.

Гѝергъила бархѝи савли  
Бекѝлиубси гѝяна уб  
Гѝяйсалазини хапли  
Хункѝцад гидгали баргиб!

– Ягъари, Гѝяйсалази,  
Гѝяргѝя бумгни балира,  
Хѝуни баргиб гидгари  
Чудули баркъибара?  
Чили бала ит чуду  
Гидгари бетаурал?  
Яра чуду гидгарлис  
Барсбарес валкъаурил? –  
Интернатла дурхѝнани  
Савцахъиб Гѝяйсалази. –  
Бутѝнадбарили, чуду  
Беркахъадри нушази.  
Гъар секѝал иргъахъира  
Цадиубли Мирзази.  
– Дила пайялра бирки,  
Сен къабулхѝейкирара?  
Мирзала неш ракѝалли,  
Ил наб се рикѝесара? –  
Бареси хѝебалули,  
Цѝумухъун Гѝяйсалази.  
– Хѝед калунси ца саби,  
Бурулрану лехѝизи,  
Дуцѝухъенну шилизи,  
Барахъа ил нешлизи, –  
Чудула душман Чарак  
Викѝар Гѝяйсалазиси.  
– Ил барес хѝядурлира,  
Бурасли ца хѝушази.  
Чуду барес дячахъес  
Къябкъурира даргая,  
Хивачил диъ бидахъес  
Ца кѝуркѝурра белгъая.  
Чуду къалли бигѝунра,  
Хунжилра чардарая.  
Чуду бариб Жувайрат  
Нушаб камли рургъахъес  
Ца балгалра барая.

Ил бархѝи савли Мирза  
Къала хъяблав тѝашлири,  
Мургукивад каибси  
Узикъар гъамирулри:  
– Гъалмагъ ураркъибхѝели,  
Ишав сели виркъулри?  
Хѝела абаникѝун даг  
Хѝурхъи чуду бухилри.  
– Буркъа олимпиада

Селис гІягІнисири наб?  
Чуду балтав Чаракли?!  
Беркунара, давлагаб?

ХІери баиб замана  
Мирза ХІурхїи чарухъун.  
Чудула кьисмат багъес  
Чаракличи дуцІухъун.  
– Мирзахъай, хІела чуду  
ГІяйсалазизиб буру.  
Беркун ургар, ил хІуни  
Се адамал валадгу.  
ХункІцад къазла гидгари  
Чебиахъули леври.  
Ил адамличи хІуни  
Бирхауди бирхъидгу! –  
Гурда мез кахІедирхъув  
Мирзахъайзи Чаракли. –  
Балулрив наб барибси  
Гъалабван аллагъакли?  
– Вай, вай, слушай, бурагу,  
Марли, хІед се барибал...  
– ВетацІили ил мялгІуй  
Интернатла подвалла,  
Буцили уили сай  
ГІяра валкІа ГІязизла.  
БерцІес вализурхІели,  
Викили сай тІимкълизи.  
«Чаракла савгъат саби» –  
Или сай ГІязизлизи.  
ХІилхІи калунрагу ну  
ДугІиули шилизи.  
Чили саби бедибси  
Чуду ил мялгІунниси?

Илди гъайбикІахъули,  
Дурайкиб ГІяйсалази.

ХункІцад къазла гидгари  
Буцили сай някълизи.  
– Се гидгари саби ил?  
Бура хІуни нушази! –  
ГъинчІяхъили хъарбаиб  
Гъамиубли Мирзани.  
– ХІела чудули баркъиб  
Къазла гидгари саби,  
Нешли бархъиб чудула  
ХІед калунси пай саби.

Бусес кабихъунхІели,  
Лебтанилра аргъесли,  
Чаракли дурхІнази иб:  
– Мирзаницун ит чуду  
Ца жумягІли хІебуки.  
– СейкІусири, гъари, хІу?  
Илис ит базра бии! –  
ИмцІабариб Шамхалли.  
– Дуслис хІебаишира? –  
Суал бедиб Шамилли.  
– ГІямрулис баишигу... –  
ПисхІебалтав ШапигІли.  
Илдани дурутачи  
Мирза сай пишикІули.

Чумал бархІила гІергъи  
Интернатла заллизиб  
Чаракхъала къукъяли  
«Чудула бекІа» бикІул  
Трагедия кабихъиб.  
1965 ибил дус.

*РС.  
Сай алжайзи хъураваркъ,  
Мирза гъанна агара,  
Амма чудула хабар  
Буру халкъли чуйнара.*



# Нушачир гяхладли

Бийке КУЛУНЧАКОВА



## ЗАРИПАТ

(Хабар)

Зарипатли муруйс дугела хурег бамсриихъуси хъули хиб. Илаб кизла къалтинта кIапIбарибси халаси тах лебри. Урцуй ва къаркъала гали абикъес вируси печъра леб илаб. Тахла чедиб бяхIличиб къалтин саби. ГIямзилаб тIашси халаси къаниличир дергурти учебуш чедиули сари. Илаб гIур цархIил селра аги. Амма хъа бегIтани ил хъулиб бири гIяхIли къабулбирути. БархIехъуназиб лебилра хъалибаргра илаб цалабиркусири. Дугели биалли ил хъулиб мурулра хъунула, дурхIназилад виштIалгъунара бусутири.

Хъалибарглизиб урегал урши-рурси лебри, илбагъандан авал хъали лерси юртлизибра илдас къакъали сабри. Юртлизиб я хурег бирес кухни, я ванна кабихъибси хъали аги. Хурег жяняхIлизиб бирулри. Илаб газла печь сабри. Мякълаб газличилси балонра тIашлири. Хъа халалли кIухнилисра ванна-лисра хъулчи кабихъилри, амма тIашбатурли балкъаурли ахIенри. Илдала азбар гъарзаси сабри ва гIурра хъулрас мер лебри. ЧIянкIли арц сарри илдас хIедиути. Мурул совхозлизив трактористли узурли, узра ибхIели кIел-хIябал адамлигъуна хIянчи бирулри. БархI бузути иличи гъимбуркIули ахIенри, сенкIун илдани балулри илала хъалибарг халаси биъни. Севан узули хъалли Бекбердила арц дахъдиули ахIенри, берхIилиуб дяхIиван дацIили детихъулри. Илини мазала ва бугънала лугIи имцIабариб, илиникIун дугенилис багъа лугуси ахIенри. Илини тракторличил мицIираглис дурхъбази мура-ра цIулкъямра дихутири. Илдазирад сунесра даари кайсутири. Дугениличи къакъаикIес хIяжатбиркули ахIенри. Хъунула совхозлизир строительтала бригадализир бяхIяни ирканни рузусири. Халаси хIебиалра илинира гъар базлизиб алапа кайсулри. Илдала бригада хозрасчетличил бузусири, илбагъандан илала алапа окладличиб бузанталайчиб гIяхIцадла халасири. Амма илдала хъалибарглис арц диули ахIенри. Палтар асес булан хIилхIи сарри илди диути. Хурегра илдала гапла ахIенри. Мебель исули ахIенри. КIух-нилис балбуцибси бекIбарес бирули ахIенри. Чумал дус биублири белши таманхIебирули.

ГIергъиси замана мурул илгъуна агиличи къакъавикIулри, сунела бузери чина биркулил багъес къайгъилизиври. ЦархIилталара леб авал-шел дурхIя. ЦацадехI хъалибаргуназиб къалли институтуназиб бучIути дурхIни булан леб. Амма илдала яшав Бекбердихъалайчиб гIяхIцадла къулайли сабри. Илизи рузира лерри зигаррикIули. ХIела Зарипат хъалицалагъуна адам ахIен или. Бекберди къалли хъунул адамти цаличи ца гIярзбикIес уст-

ни саби или пикриикІулри. Сунела хьунузиб имцІати харжани дируси хасиятра илини хІясиббириули ахІенри. Гъанна биалли ил хьуна баркъудлумала чевкадра пикриикІулри. Илизи сай зигарикІули хІейаллира. Хьунуй иличи пикрира бяхІчаэс балули ахІенри, я шақрикІули ахІенри.

«Жағали хурег баресалра балули ахІенгу ишини», – кьумурлизир цаличи ца чеакунти хинкІи хІясибдарибхІели гъанбикиб муруйс.

Дугели букунхІели, Зарипатли разили багъахьур:

– Нуни базригайзибад жағаси кьалтин асира.

Бекберди урКухьун ва тІалабкарси тІамаличил хьарбаиб:

– Арц ванализирад адилтІулрив? Чинад дургуту хІуни арц?

– Чеблалис сасира кьалтин, – жавабкарси тІамаличил багъахьур Зарипатли. – майличир маза дялгІунхІели багъа бедлугас. Рурси шери редесли араили сари. Адамтала гьалар урузриэс хІейги. Багъла-багълали мас кабихьес чебиркур.

– Шахли бирар чебла чархІебарадли. Сецадлис саби асибси кьалтин?

– 800 кьурушлис.

Илцад халаси арцла лугІи бакьибхІели, Бекберди гъай хьумартурсигъуна хІяйчивикиб. ГІур гьур-гьурбикІуси тІамаличил хьарбаиб:

– Кьалтин ахІенси нушаб гІур селра хІяжатли хІебургар? Бала дялгІунхІели дикибти арцлис юрт балкъаахьес чебиркур. Рурси севан шери редлугуси, нушалакІун гъачамлис мадарла кухнилра агара биалли? Сен хІуни чизилра хьархІебаили илдигъунти халати харжани дирулри? ХІелакІун мякълав мурул лев. Хьарбаэс асухІебирусив?

– Вахь дебали кьакъамайкІуд! – тІяГІямагарси аги гъунчибушес ралризур хьунул. – Чеблалис саби асибси. БутІнадли багъа абиркахьис.

– ХІуни лезмили гьар секІал бекІдирид, илбагъандан сарра нуша гІяхІил хІердирути. Кьалтин чарбарес биалри гІяхІсири. Ге, рурси халараили сари. Институтлизир ручІули сари. Мас тІалаббаресра замана баили саби. КІухнилис хьали балкъаахьес чебиркур. ДурхІнас палтар-къяш асесра гІягІнилигу. Яни гъамбикІули саби, чумал гавлаг декълара тІалабдарес хІяжатбиркур. ХІедиути кьалли нушала дахьал лер. Арц мяхІкамдирес, имцІати харжани хІедирес гІягІнибиркур.

Разиагарті пикрума Бекбердила бекІ изесбяхІяхьиб. ЧІям-чІямикун ва усес кайхьун. Савли хІяйвавнтала дярхь деклизибад умубарес хІяжатли саби. Мазала дурхьбазира ваэс хІяжатбиркур. Бемжурси бархІи бирар.

Пергъила бархІира бархІехъла хурегла биэс цалабикиб. Дудеш къацІли укухІели, дурхІни хьули абицІули хІебири. Мурулра хьунула цали ца чебиути бархІехьуназибцун бири. Зарипат хІерейс хІянчиларад хьули чаррулхьи, чай дири, нусиличил къацІра буки. ДурхІналара хІерикун илгъуна бири.

ИшбархІи Зарипатли ручІуси рурсиличибад кагъар касиб. Алмансилавли чакма асес 150 кьуруш дархьахьес тиладибирулри. Цакъадар дургІетира асес виригу, амма илис ахьти къячІубачилти дигули руилри. Жагъилти мода хІясибли бегІбирес гъазализиб саби. «Марлирагу институтлизиб жағали бегІбириули бургар, цархІилтаци къясериули рургар. Нушалара ца рурси сари лерси. Ил вайтІа ратес асухІебирар. Амма арц чинарад кайсути? Лебилра базла алапа илис бархьес хІяжатли пергъи, муруйзибад пурбан касес чебиркур. Гьал яра шуцІали кьуруш мага диалри, муруйзира хІебагъахьурли

гъунчибушес вирусире илгъуна мурад. Рурсила дудешличил пикри цала-бяхъес хІяжатбиркур», – пикририкІулри ил, сенкІун мурул иличи итира дироти харжаначи разиагардеш далахъулри. ХІера, гъаннара иличи дугъаризес хІяжатли сабри.

Рурсила тиладиличила багъахъурхІели, Бекберди хъунуйчи къуризури хІеризур, амма илала тІама паргъатси сабри.

– Рурсира хІечи мешуси сари, илалара мехІе дусули сари. БелкІен хъулир арц агара или. Дуркъа чакмаличил рашаб.

– Сен рурсилис гІуркъбяхъуни дурури? ХІедкІун ил нуни цархІилличирад дуклар кебси ахІен, илизирти хІела хІи саригу. Нушани регІхІерахІелли, чили сари ил гІеррурцуси? ХІуни хІед дигуси бара, амма нуни рурсилис иш базла алапа бурхъис. ЦархІилти хІяжатдешунас арц ГІялишейлизирад чеблалис сайсис.

– Ралризигу ил барес, балад хІуни! ГІяшли ва чІумали буйрухъбариб муруй – ЛехІриси нуни бурусиличи. Муруйчил дарх ГІялишейли нушачир камти сари арц кайсути, сенкІун ну кІел ставкаличив узулра. Илдала кІел дурхІя шагъарлизиб бучІули саби. Нушала къалли ца сари. Илдани арц севан диахъули? ИлданикІун урхІилизирад чеблалис арц сайсули ахІен.

– Нуни севан багъишав илдас арц секъяйда диутил? Илдала дигІандеш бургар. Белики, илдала дахъал маза лерли диэс.

– Илдалара нушалацад сари кигъми лерти. Ну цацахІели илдаци гъавикІули вирус. Гъайла къантІа, рурсиличи белкІен арц хІедирар или, ил хІуни имцІати харжани дирахъес бурсимаририд. ХІела авара наб дурхъали кадилзули сари. Нуни гъанна лерилра харжаначи хІеруди базахъис. Чум дус виублира вамсниагарли узули, амма хъулиб баракат агара. ХІугъунти хъунри гъар бархІи итес гІягІнибиркур. Белики, илхІелилра духудииша, – къяркъли буриб муруй, васвасъайчил хъунуйчи хІерикІули, – секъяйда рирусири хІуни лебилра алапа рурсилис бархъес, нушалакІун гІурра шел дурхІя лебхІели? Къяркъала га агара, дурхІнала ванати палтар агара, хъулир декъ агара, чакар агара, яни биалли хІерли кахІебирар!

– ГІяхІси, гІяхІси, лукІас арц хІедирар или, – рикІар хъунул даршуриубли. Сари биалли пикририкІулри: «ХІези хъарбаасли, Алмансилава цІуръала даражаличи риркур. Чизирад-биалра чеблалис сайсис ва рурсилис сеннира арц дурхъис. Чеблала вегІ убкІуси ахІен, декІли зягІипси сай убукІуси».

ГІергъила бархІи савли ГІялишейлизирад 150 къуруш чеблалис сасиб ва телеграммаличил рурсилис дархъиб. ЖумягІла гІергъи алапа луга, амма ил касибмад ГІялишейли набзибад кебису. Ил икъалабарес мурталра хІядурси сари, амма дедибти заманаличир чардарилра дигахъу. Муруйра алапа хІебедалли, ил итмадан шакиркур. Зарипатли арц чеблалис сасили риъниличи. Се-биалра пикрибарес гІягІнили саби.

Хъунул адамли дагърилизиб умцІла дурабуркІулри, сунес чеблалис арц гес чили вирарал багъес дигули. Чумал адамлизи гъанналаурал дихадида-рибгу, илдазивад цалра къабулхІейкиб. Получка касибси бархІи ГІялишейлира чеблалис дедибти арц чардарахъиб. Зарипатла калунти 40 къурушцун сари. Чизирад-биалра къалабали гъатІира даршал къуруш чеблалис сасес чебиркур.

Мурул чарухъайчи ил унраличир хІеррриуси рухъна пенсионеркачи дугъаризур. УркІецІидухъи, илини ца базла гІергъи чардаресли даршал къу-



руш дедиб. БархЕхъ Зарипатли муруйзи 150 кѳуруш дедиб. 40 кѳуруш биалли дигЕандариб. Бекбердис гѳанбекиб хѳунуйс барибси чѳумаси критикали асарбирули саби или. Гѳаларван арц пухЕдирули ахЕен или.

БархЕхъ Зарипатли муруйзи сунечил рарх рузуси Токбийке шагѳарлизи аркѳули риѳниличила хабар бариб ва иличи малхЕямли имѳабариб:

– Белики, иличил рарх нура рукѳиша? ДурхЕнас чакмунира, хЕевнира, къапЕнира асиша... Наб алапа гиб. Даршал кѳуруш хЕунира имѳадаарадли, гѳар секЕал асес диур или гѳанбирѳули саби.

Бекберди мурхѳли пикриухѳун ва гЕур иб:

– Исутала нуни список бирис, сенкЕун хЕуни арц рурсилис харждирид, гЕур биалли хѳулкили дигЕун или набзи хабурта ругѳес рехЕрирхѳуд. Хѳум-мартид: макру дарадли, тЕаничил итури. Ма хЕед даршал кѳурушра.

Илини паргѳатли каили,асес хЕяжатти секЕа лугЕи белкЕун. Хѳунуйчилра пикри цалабирхѳулри. Ил гѳимрукЕили риѳни балули. Илини рурсиличира кагѳар белкЕун, нешлизирад арц тЕалабхЕедарахѳес, сенкЕун хѳулирра арц диули ахЕен. БелкЕун, ручЕес хЕейгули риадли, хѳули чаррухѳесра рируд, нешлис хѳалиѳала хЕянчилизиб кумекбирес.

Зарипат селра хЕеили архЕяли дурарухѳес хЕядурриуб. Ил унрачира араѳиб ва рурси зягЕиприкили сарли шагѳарлизи аркѳулра или буриб. Унра итмадан шакрикиб Зарипат кѳунба ругѳуси риѳниличи, амма рирхаурсила дариб.

Шагѳарлизи раибмад, иличи рурси дугѳаризур:

– Неш, наб сеѳад арц лугулри?

Зарипатли биалли селра хЕеиб, ва рурсилизи дудешли белкЕунси кагѳар бедиб.

– Абдал бекЕ, – гѳимрукЕили, гѳугѳрухѳун рурси. – ДурхЕнала хЕенкъ акЕахѳубли сай, хЕербарес дигули ахЕен. Нушачир арц мяхЕкамдарес гѳазализив сай. Узес хЕянчи агни саби...

Рурсили дурутачи неш булан тамашариуб.

– ХЕела нушачи уркЕецЕидулхѳули ахЕен. Сеѳад лерал нушала челукѳути. Дудешра нура дуги-хЕери хЕеили дузулра, амма арц диули ахЕен.

– Балулра, балулра, – жаваб бедиб рурсили разиагарли. – ХЕу селичи ракЕибсири.

– ДурхЕнас палтар асес дигулра. ЧЕянкЕули батес къалли асухЕебидар. ХЕед чакмалис дедибти арцлис нуни дурхЕнас гѳар секЕал асес риурсири.

Нешра рурсира шагѳарла къакѳакад кѳунзбикЕулри. Амма Амансулавли жагали бегЕбиубти жагѳил рурсби нешлизи чебиахѳулри. Илдачирти палтар-личи къяскарирули риѳниличила бурулри.

– Лябѳуси базлизир наб 200 кѳуруш дархѳа. Сагал дусли байрамлис сагати туфлибира ца гѳатЕи жагаси хЕевара асес дигулра, – рикЕар рурси нешлизи.

Рурсили лѳварибхЕели Зарипат, ванабарибхЕели мурчЕаливан кЕантЕириуб.

– ХЕерирусгу, дила рурси, – итмадан жаваб бедиб нешли. – ХЕела дудешли харжбидуси гѳарил кѳуруш хЕисаблизи кайсули сай. Ну гѳаннара чеблумаур сарра. Багѳалли, ил сейкЕара? УрухкЕулра...

– ЦархЕилтанира гѳанна чеблумау дирули саби, – умутчебси тЕамаличил иб рурсили ва хѳуцЕрумазирад неш кЕапЕруциб.

– 200 кѳуруш даргес рируд, неш. ГЕур селра тЕалабхЕебирис. Байрамли-

чи секъяйда дурарулхъусира? Лебилра жагали бегІбиубли саби, ца ну сарра ишгъуна...

– Чизирад сасиша? Маза дялГяйчи чеблалис геси ахълри, чеблалра бирира. Чили луга наб арц? – сунези сари ахъли гъайрикІулри Зарипат.

– Неш, нушала ши халаси саби. Хед чеблалис арц геси айхъур. Лебтазирадалра къалли хІуни чеблалис арц касили хІерургуд. КъакъамарикІуд, – неш паргъатрарес алавракІиб гІямултар рурси.

Хъули чаррулхъухІели, Зарипатли рарх шагъарлизи ракІибси Токбийкези хъарбаиб:

– Рурсилис сецад арц дедири?

– Даршал къуруш дедирагу, дайхъала чардариб. Стипендияра гиб, дила лер или буриб. Дила рурси харжрикІусигъунара ахІен. УрхІла рурсба палтарлисцун дахъл арц харждирули саби, чула бегІтачи уркІецибирули ахІен, – рикІар ралликъяна.

Зарипатлис илини дурути гІяхІхІедизур. Амма сунези сари пикрирухъун: «Секъяйдали къиркъир сарил? АрцкІун илала дахъл лер, амма гъарил кепекличир руржули сари. Адамтазирад урузхІекІуси риалри, илиникІун рурси садакъачиван ралти. Дила Амансулавличи булан къяскарирули рургар илала рурси. Сеннира нуни рурсилис лябкъуси базлизир 200 къуруш дурхъис.

Хъули чаррухъунхІели, Зарипатли шагъарличила хабурти дуриб, гІур рурсиличила бурес рехІрихъиб:

– Севан давлачехІе бетаурлирил шагъар, гъар секІал терри: тукентазир гІявадеш, кІантІи нуси, диъ, бурт терри. Диъ викІуду? Хед дигуси жура-ла. Гъар бархІи зярхІси асес виар. Нушани ишаб кигъа белгъунхІели базла бухІнаб гъачам-кІийна саби чебиуси. Набра дигахъира шагъарлизир хІерриэс! – шутра тІутІурикІулри хІяшкълизирикибси Зарипат. Муруй ил гъайриклехъес ралтулри.

– Нушала рурси язихъризур, цархІилти жагали бегІбиубти рурсби чебаибхІели. ЦархІилтала ургар ил цІуръагъуна сарри. Илини нушазирад сен арц тІалабдирутил багъурра гъанна...

– Ил муруйчи хІерризур ва, дурути итмадан тамандиуб. Бекбердила, вачавархІидешли, бяхІ цІударбиублири, хІулби дурадухъесли халадаилри.

– Гъанна нуни чебиулра чили чи саял гІякълуличи викахъибси, – тІамадариб илини. – Эллелей, хІу гъарли-марли мехІур адам руилри, гъала-гъала хІу ряркъес гІягІнисире, гІур – дурхІни. Рашен хІела рурсиличи шагъарлизи! Итаб хІедра мер бургар. ХІу рикІути масаникІун арцлис сари лугути. Арц кадерхурхІели, итар хІу духурируд, сенкІун хІед итар чилилра чеблалис арц хІелуга. Гъанбиркуру, рурсили школа таманбарихІели, нуни хІу иличил рарх шагъарлизи рархъили? Цадахъл арцра гира итхІели хІушаб. Рурсилис палтарра хІед се-сарилра асили, арц тамандиахъубли чаррухъунсире. Гъанбиркуру? ИлхІейчибад байхъала дус саби бикибси. ХІу рикІулри: «Рурси чІянкІули сари!» Се диубара хІуни итхІели илис асибти палтар? Илди хІушала уюнти гІурра даимдирути диалли, рурси нуни сагал дуслу байрамлис гІергъи ручІахъес хІералтас!

Бекбердили унза зямхъдариб ва хъуливад дуравхъун. Зарипат тамай уркІкарухъири: «Иш гъари чили-саял набчи гъирварибсигъуна сайгу. Ишини ну рергес асубираргу. Се балагъ саби набчи бакІибси? Гъарил кепек багъандан хъулир къалмакъар думжули саригу. Илис ну сунела арцлис хІеррирули сари

или гъанбиркули бургар. Нура рузулрагу... Ну деклар кършисирав гяхил херрирес?! Абдал бек! Лебилра гыми набчиб чебахъес вализурли сай. Че- биахъис хези нуни! Лехкахъасли, ну ругарагу иш аждагъали. Мар-марли чумати кълмакър дирис. Дяхълли се бариша? Ритасра рирус кършидеш дарес, лехкахъили херуус», – чумали каризес къасбариб хъунуй.

Хъулирти къуллукъунира бекдарили, ил муруйзи се рикларал, илизи се дурул пикририкълри.

Дурхъни бусаун. Дай дуги баилри, амма мурул хъули чарулхъули ахенри. Рамсурси Зарипат мурул чарухъайчи гъандуцес хериубли, русес карихъун.

Бекберди шалашикъдиубхели сайри хъули ваклибси, илхелира чяйла- ра хебержили, тракторличил арякъун. Зарипатла хянчиличиб абзур бархли гъав аги. Илизибси муруйчи гыми гъачамличиб гъачам имцлабикълри. Хери, гергъи хянчиличиб хабар тинтбиуб шилизибси тукейзир талхяна ва пигълуми дирцуули сари или. Хянчира дархъатурли, барх бузути хъунул адамти тукейзибхял дуцбухъун. Зарипат лебтасалра гьалар сарри, кисализиб арцла кепекалра агаркъира.

– Хердикъеная тукейзи даибхели Зарипатли нушазирад чеблалис арц талабдиру, – риклар гъалишей, дукарряхили. Барх лебтира лебилра дукар- бяхлиб, сенкълун байхъала сягъат гьалар Зарипат арц хедиъниличила хъутур- рикълри. Арц хедиънилис гъайибтира муруйчи чедуршулри.

Тукейзир биалли гъанткъла талхяна дирцулри. Бахъ жагадизурли, илди чедаибхели, Зарипатлара хулби дурадиркулри. Зарипатли сунес бегла жага- си чяйла сервисра 20 мурхъти къямра, хрусталла 6 рюмкара дикахъиб.

– Декларли кадихъа, дила ахерси, дуцли рякъи арц лерхисну, – риклар ил тукенчизи ца авара агарли. Тукейзирад дурарухъунмад илала беклизиб тгъамагарси суал лямцбухъун: «Арц чизирад сайсути? Илди чинар дур- гуту? Ил ташризур, пикрирухъун. Гур шила дублар херрируси ца хъунул адамличи дуцрухъун.

– Рерцахъаба! Къалабали хяжатдикили сари 100 къуруш дарга. Кълхнила хълчлис уркъли хили сари, арц муруйзир сари. Ташхейис, къалабали чар- дирис. Муруйчил дархъасра рирус. Кумекбара. Хъунул адамли, дахъл гъай хедарили, Зарипатлис арц дедиб.

Гур ил тукейзирхял дуцрухъун. Илала гъигъ батбухъун сунени чердиклиб- ти талхяна сунела някъбази дикибхелицун сабри. Ил тукейзиб лебалти су- нела балликъянабачи булан пахруличил херризур. Илди биали тамашабиу- блири Зарипат илцад хъярхъли чеблалис арц даргес бажардирикниличи.

Зарипатли чеблалис талхяна асни муруйзибад дигъанбарес къасхлеба- риб. Бархехъ Бекберди хъунуйчил сай гьалав гъайухъун:

– Чедаахъа хълни асибти уркъли!

Хъунуй гъала-гъала се бирусил балули ахенри. Гур илис муруйчи гъм- руклибхели дурес хядурдарибти дугъби гъандикиб ва къяркъли рехризес ралризур:

– Чи сайри хези илкъяйда виклуси? Рурсилис талхянара асира, нушаб къумрира. Дила арц кършихедикиб. Ил багъандан тукенчис дедес 150 къ- урушла чебла барира. Сен хлу кепекуни дуйган ветаурсири? Хечил варх адам херисе вирар? Клана чебяхъа! – гъачамличир гъачам цакърикълри жиндралариубси Зарипат.

Бекберди иличи декси ганзличил гъамиуб:

– Чедаахъа хІуни асибти!

Хъунуй илизи чедаахъес талхІяналичилси картонна ящик цархІил хъулибад дурасиб. Бекбердини ящик кункли бекІла чеди ахъбуциб ва кІелра някъли ил виругІев чІябарличи игъуб. Дячунти тІалхІянала зянкъярли лебилра хъулибти уркІаиб. Лебилра ила музабухъун. Зарипат илхІели тамай багъриуб ва цІали тІутІудикІути хІулбачил муруйчиряхІ ретухъун. Муруй ил шайчиряхІ виругІев къужрариб, ил хъа гІямзиларяхІ арцур. ИлхІели Зарипат дячунти тІалхІянала бургІлумачи ганзрухъун ва илала къяшмази дяхъурби диуб. Дебали гъакІриубдешли ил бекІгъярли лацлизи чегиб ва, вайти тІама-ра дураили, чІябарличи герризур.

Уршби нешлис кумекбарес бетухъун. Мурул биалли дай хъулив тІашли-ри ва ахъли вявикІулри:

– ХІу унрас 100 къурушла чеблалиурри, Раймас – 50 къурушла, Исламлис – 50, Казбеклис – 70, Аминас – 150, Зугърас – 100 къурушла... нуни лебилра балра хІебалас. Наб адамта паргъатдеш лугули ахІен! Адамтала бургачи арцла заб дирули ахІен къалли! ХІу судлизи редесли риублири. Ириъ бала дялгІунхІели, нуни хІези 300 къуруш гира, чеблумас деда ва гІур чеблума мадирид или. ЖягІял нуни лебилра тухум бурчис ва илдачил пикри цала-бяхъили гІергъи, се бирисал бирис. Дила гІур гъандуцес цІакъани агара. Вамсурлира!

Зарипат рахъхІи рисули калун. ДурхІназивад цали вякъи Зарипатла хъайчирси риштІал рузи киб. Илини дячунти тІалхІянала бургІлума дучиб. Чяй дариб. ГІур ил Зарипатла мякъла карииб.

– ХІу рархъли ахІенри. Пикрикарухъен. Илини хІезибад дурхІни булан кебасес асубирар. ХІед рарсриэс хІяжатбиркур, дурхІнала нешличи дахъал хъардиркути лерти сари. ХІед вайбиубли набра дигули ахІенра, – рикІар Зарипатлизи ил.

– ХІуни дурибти дархъти сари. Чеблума гъай-мезра набра детІили сари, – симкърикІескарииб Зарипат.

*Шурбатурси Т. СЯГИДОВ*



# Диштлати хабурти

Жанбулат  
МЯХИЯММАДОВ



## ТІЯГІЯМЛА.... ТАНБИХІ

Шантала къачни, умхІала хІенкъ яргали дуки дикуси замана сабри. ИтхІели, бутІацугдешла гъуникад ганздикІухІели, гъаннаван хІяйван-къача дугІхІедурхахъину, дегІнуби заяхІедарахъес дукикъянали жагали гІяйдикІахъи. Дукикъянавареси ахІехъилри, адамти яргали дуки баши.

ИмцІаливан кІел мицІираг лерсилес ца бархІила ярга кабизахъурли бири. Ца мицІираг багъандан ца бархІи дуки укъядлири, кІел ярга ахъибтази халдири. Низам-къяйдаличи хІерудира бузахъусири...

Шантала хІенкъла ца бархІила ярга ахъес БяхІяммадхъайчи хъарбикиб. Октябрь базла бехІбихъуд бурес хІейэсли ванашири. Дукикъянаби дудеш БяхІяммад ва урши Салман сабри. Салман итхІели шел дусцун сайри виубси. Чус анцІхІебукъахъесра бузериличи бурсибиахъесра дудешуна дурхІни вацІализи, дузани, дуки чучил барх бікуси гІядат бири. Илдани Уллучай хІеркІла къадала дуба-карчІализибяхІ букъесли пикрибариб: мицІираглис эркинти къарра лер, шинни дужахъес—мякълаб хІеркІра.

ЧумчІи бикІуси мерларад мицІираг катхІел деркІили, гІинизла рагъ таманбируйхІиб илдани гъуни къялуба ва занзба гъабариб. Илабад катхІел Карбансарайличи бикайчи гъуни гъаргли саби. БархІехълис мицІираг чардухъалли, илди учидикайчи гъалав тІашизурси, хайдакълан викІуливан, дуклуш левхІейалра, дебакабарибси къакъаси мерлар кІаламдикІули тІашдилзан. ГІур дакъа баибхІейс гъала дуб чула ихтиярлизи беда ва шилизидяхІ дашахъен.

ХІерила замана баиб. МицІираг, бикІуливан, кунби цІябдихъубли, паргъатдиублири. Гъуни-гъуйчир, катругуназир хъябшсадикІутира лерри.

– ХІеркІличи дазес аркъехІев? – хъулухъун Салман, дудешла дяхІлизи дирхалаличил хІерикІули ва бухъмуй бергес алавбухъунси житалаван хІулби лямцІдикІахъули.

– Шин дяргІили дургар къалли, адала, умули чедиули хъалли.

Марлира, гІяшли сурбухъунси берхІила удир гІядатли хІебиубли ряхІятли батбихъибси дубурла хІеркІла шин ряб-рябли ухулри ва вихла тІамаличил чузи жидикІутиванри. Гявгявтикад дакІибти илди ишар, диркъбикличир, бамсриахъесван багъладиублири.

– ДахъхІи хІедуэхІе къалли, ваши.

– Ваши, хЛебиалли. Къачнира делкъи сари, дяхИцилиу кадихъи дуар. ДурхИнани барибси кIавлар куртIдулхъехIе, гIур...

ВацIала ургабад кабердибси дякличибад илди хIеркIличи убяхIахъиб. БегIбатурли, шинниси кабухъун. Дудеш кIавлизив куртIухъун. Урши дублав шиннизив пяхъярикIулри.

– Гъаригу, дудеш, хIуван куртIикIес дигулрану, нура бурсивараба.

– ХIекъли гIяхIил вариши, дила мукъара. Илцад дигули гIергъи, ваши иша, мякъла.

Дудешли урши, вайлизивад уцили, шинниси чIикъитIахъун ва катхIел да-шуги шиннизир къяшми пяхъярдикIахъес хъарбариб. Илкъяйда абархили, илдани къачни-умхIачила хъумкартур. Сецад замана шалгIеббухъунал, ахир-ра чучи хIерти авкъяшантаци къалабабикиб. Гъуйчи дурабухъи хIербикIалли – лерилра мицIираг катхIел, Карбан-сарайла шайчидяхI, ардякъи.

– ХIу ишав, мяхIяулла галгала удив кайили уэн. Милигиадли, иш шишала-рад шинра держа. Нуни, дуцIли вякъи, къачни гIеладахI чардирис. ГIяхIси?

– ГIяхIси, дудеш.

БяхIяммад, тIерхъара касили, катхIел ватихъиб. Гъунчир ца-цали, кIи-кIили къачни, умхIи къаршидиркулри. Дахъалгъунти биалли, азаддеш бикили, катхIел ардякъири. ДуцIикIули илини Декла гIиникъ ахъиб. Гъеч гъала дуб агара. «Марли, чили-биалра, чердахъили, деркIибу? ДигIуну? Шантази вьвдеш дирутив? Се бируси?» – къяшмасван илала бекIлисра паргъатдеш аги. Тутав къада ахъиб, Буркъа Карбансарай ахъиб. ТIашти шурмаувад викили, дуцIли сай. Дяхънисала гуми чебиъна гъамиубли хIерикIалли, хIеркIличир шинни дужили, хIяйванти лагдяхI чардулхъули. Агъ, хIушала вегIебш! Сецад гъуни ахъилил! ХIебиалли, мер-муса ункъли далуги кIидусантани цадусантира чучил дарх хIеркIличидяхI ардукили сари.

ДеркIили, урши ватурси мерличи ваалли, ил агара. Баягъи галгалиуб шинни бицIибси баклашкара агара. Гъу, сейуба урши? Ишав уэс чесибсиригу.

– Ва Салман! Ва Салман! – гъеч уршила жаваб агара. Илини бикъуси – шурмазиб гIеб-гIебагъурли чарбулхъуси сунела тIама сабри.

ХIенкъ ил мерлаб бархъбатурли, чули дебабарибси ГIинизла рагъла мякълабси мерличи дуцIли ваиб. Агара урши. Гъуни гъабарибти къялубира чилра къяхъхIейкибтиван лерал. «ВяхI, – пикриикIули сай БяхIяммад, – белики, Салман наб гIергъи ватихъили, чеввалкIун ургар. Гъунила удирти шурмачивад кайкибу?» Майали кIантIикIули, урши ватурси мерла чариуб. Уди, чеди хIеръиб. ЖиикIесииб. Юх, гIяхIдеш агара. «Белики, занзбала уди-вад хъусикIули дуравхъи, шилизи арякъун ургар», – хапли пикри къутIбухъун бекIлизиб. ГIурра лаг дуцI. Гъунчир къаршидиркути умхIи-къачнас тIерхъали диркахъули, виргули, майали чяхIикIули ил дуцIли сай. Баягъи гъабарибси мерлар къел лерал ахътардибаралли, дуки катхIел лябкъухIели гъунчиб баргибси ва михъирла кисала кабихъибси хив. Хъусли ветулхъухIели кабикили буили саби. ГIинзи башуги хъунрази Ширван хъябларад тIамадарили, урши шилизи чарухъни багъурли, илала уркIи цакъадар ряхIят-биуб.

Декла гIинкъи сагадан чариуб. Багъла-багълали мицIираг учидирхъули, хъулидахI гъайдирули сай. МицIирагра дазу агарли, чер-чердердили шили-зидяхI азгъинни аркъули сари. Гъабиз лебси мер ахъили, ца къача хIеркIли-

чибяхІ дучІхебулхъану. Гъалаб саби, гелав—БяхІяммад. ХІеркІличи баибмад гевваили, шинни бужахъесра хІебатурли, къача хъулибяхІ беркІиб. Ил замана кумекличи ляркъуси ва сунези жирикІуси гІулухъа рузила гІама аргъиб. Инжитиубси, къанни музарухъи или вачавархибси илала «жагъаннаб» ибси жавабли илра пяхІли ретахъахъиб. Вамсурли, хІялагариубли сенсен ваибал, шила дублабси гІинизла музаличи ваиб. ГІелаб секІал калунара или, къадалабяхІ хІеръалли, къадалаб дягара сабра ца эмхе сирмугла вацІализибяхІ мурхъбиркули. «Юх, вацІализиб дуги беркІахъес сеннира хІебалтари, нажас», – вачавяхъиб БяхІяммад ва гІурра гІелавяхІ чариуб.

Унраличив хІерируси Тагъир-ацила дугІрухъ хІебиэсу ил, мурталра гІелаб кавлуси? Мурдайэсра буцес хІейубси эмхелис гІергъиикили БяхІяммад шилизи ваибхІели, таманни цІяббуублири. ИлхІели илала чархлизиб мицІирси мер кали ахІен или гъанбикеслири.

### «ГЪЕШТТИ ШИН СВЕЖИЙ АККУ»

Муслимлара Халирбагъиннара хъулри цаличирад ца тййдили диалра, хъуми унраличир дири, ца халали ахІенси хІярзилали сарри илди деклардирути. Шилизирад цакъадар гъарахъли, «Башила хъуми» бикІуси укарлар мерладиублири. БусягІят кІилинра пайткаили сари: ца шилизивад диркъала мерличи арякъи, итил – хІейраниубли. Нешли сунела михъирличивси уршилсван, илдани хъу-къадалис къуллукъбируси заманара лебри.

Гъар дус, сабухъуни дучили гІергъи, лябкъуси дуслис хъулчи хІядурбирули, хъуми далци, дек калкъули, чегІявадири. Хъуми-алавти хІяруби, муралис дердес багъандан, галгуби-къадуби бардали урдирхъи, хъатгъунти диалра дердести мерани биллабачил гъяркадири. Къялуби, укъа-къус дучили, цІали иги. ГІебшнила заманара гъала хІебла заманара илгъуна къуллукъличил гІердурцни гІядатли бетаурлири.

Ца дусли гІебшнила заманара Халирбагъинни гІядатла хІянчи дурадеркІиб. МилигиубхІели держес духибти шинна байхъубиубси баклашка хивла галгала удиб дяхІцІилиу дигІянбариб. ХІебла манзил, ремонтла хІянчи сагадарибхІели, Муслимра Халирбагъинра цазаманлизиб хІянчила дурабухъи уббухъун. БуцІарси берхІилиув узули вамсурхІели, Муслимли хъарбаили сай:

– Держес шин агарав?

ЦархІилтас масхара-айлахъ «гъалабихъес» уста Муслимличи мешуси бирулра или, Халирбагъинни хивла галгалиур баклашкализир калунти шин гъадуцили сай.

Муслимли илди иштяхІличил держили сай ва, мухІли ушкули, дурабикахъили сай:

– Гъештти къалли свежий акку.

### ХІЯБАЛ КЪУРУШ

Пединститутла хІябъибил курслизир дучІухІели, кІарахъан ХІяжиев МяхІяммадра, лезги ХІяжиев Загудинра, табасаранлан ГІусманов Агъакеримра, нура общежитиелизир ца хъулир уржили хІердирулри. ХІери баайчи вузлизир лекцияби, семинарла занятияеби, хІери гІергъи, къацІлира дуки, кам-гъамси бамсрира ахъили, читальный заллизир яра хъайгІир дучІни. Багъуди касес ахІи, цархІил гъира хІебири.

Юх, къунбаугъула. Физкультураличил ва спортличил гьалмагъдикилри. Ну азадли мушулбашнила секциялизи вашулри. Загудиннис футбол дигахъи. МяхИяммадлис (сен-саррил нуша илис ХИяжи диклутири, ХИяжи культурист виъни арагЛеб филфаклизивра валусири) гимнастика кИиибил факультетли бетаурлири. Загудинни «къянкъуби диркъдиресра» санигIят кайсулри, амма, боксер сайра или, гъачамалра къалмакъарла сиптакар ветхIеур.

Нуша МяхИячкъалализир Олег Кошевойла уличилси къакъализир хIердирулри. Механизацияла школаличи, Октябрьла революцияла уличилси каналличи гъамлири. Савли жявли адизурли, Тимирязевла къакъакад дикли, каналла дубла дурадулхъутири ва, яни-хIеб хIеили дуцIдиклутири. ДуцIдикIес дехIдихъибти ХИяжира нура сарри. Общежитиела гIела шайчиб, ерсла тIайчил бархбасахъи, турник барили гIергъи, нуша гIердурцанти бахъбаиб, къукъялизи хIятта рурсби булан цалабикиб. Янила замана душлиуб дяр-гIибти шиннизи бетицIес илданира урехи хIебали. Савли къалаба-къагъли чайла бержили гIергъи – институтлизи дуцI. Хъурали яра автобусличир. Шагъарла автобуса багъара шел кепек бири, амма студентлис кепекунира мяхIкамдирес чевкъулри.

Биалра, 28 къурушла стипендия баз кабикайчи биулри. Гъамадли биулри хIейкIусгу, гIямал бетарулри. Каникултачирад чардулхъухIели, гъайгъай, хъайгIирад беръубси диъ, картошка, цархIилти продуктуни дихули дирира. Институтла столоваялизи, дургIеси биалра, рахлира хIедашира. Савликун имцIаливан чийлизибад цалабикилри. Дугелис каш, итил-ишил хIядурбирули дирехIери – гъарил этажличир кухнябира лерри. ХIерейс делкъайчи дукес дежурство хIясибли беркала хIядурбусири.

ХъумхIертуси ит бархIи ашханала дежурный ну сайри. Март базла ахирлис нушала цахIнабси кассализир калунти хIябал къурушри. Сумкара кассили, Дербентская ва Гагаринна уличилси къакъурби цаладиркуси гIямзилаб продуктунала «Спутник» бикIуси тукен бири. Нуша имцIаливан ила дашехIери. Нуша «дяр-гIибти чайла» студентуни диъниличи тукенчибира шакбикIули бииши. КъацI, макаронти, маргарин, байхъала кило чакарла асира ва общежитиелизибяхI гъуни буцира.

Гъуйчиб сен-сабрил някъ кисала арбякъун, кагъаргъуна секIайчи гачбикиб. БуцIарагисиван дурабилтIулрагу—баягъи хIябал къурушла кагъар хIебиэсу! Агъ, хIела вегIебш! Се барилра гъари нуни? ХIукуматла мас бигIирагу. Чи сайра ну? Дай хIерела хъулки уилрагу. Институтлизиб, хъай-гIиб багъалли, се бикIара? Сен-сен ну адантала дяхIла хIерикIусира? Адам сайрав, гъатIи, ну?.. Азир суал уркIилизир лукъесдииб. Лебил дунгъяла халкъ набчи тIягIямагарли, гъимиличил хIербикIутиванри. Бахъ цахбизурли, майализи викира.

Чариубли, кассирличи гъамиубра.

– ГIяйибта маркъуд, арц гес хъумкартурлира, – викIулра.

– ХIуни арц гиб ургар или гъанбикиб наб, – ряхIятли иб илини.

## «ЮГЛИЗИ» ГЪУЙЧИВ

Армавирла вокзаллизив поездличивад кацIибси Руслайс Лазаревский районнизибси «Юг» санаторийлизи ваэс гIягIнилири. Бамсриахъес, бикIуливан, алжанала гIямзила ил бегI гъалав сайри аркъуси. Сайцун. ГIе, иличил



ихтилат буртеси яра гъуни гѣббуреси чилра аги. Путевкализибси адрес – илра баилри. Сай хІябцІанну хІябра дус виублири. Илди дусмачи ваибси инсан някъ буцили архІяли викусив? Путевкализиб гъанбушибси мерличи виъни-хІейъниличила илалара сегъуналра шишим аги. Отпуск бара бехІ-бирхъули. Арц лерри. ЦархІил се хІяжатли жагъил адамлис!

Палтар-къяш, цархІилти хІяпур-чяпур кадихъибси сумкара хъуцІарличи-бад жибжиркабатурли, автобус тІашиуси мерла аркъуси илис гъести гІям-рула кІел мурул адам бяхІчили лябкъули цугбикиб. Шулумухъес дигусири-гу, илдазивад цали тІамадариб:

– Отпускник сайрив, ахІенрив? ХІела автобус бакІес замана лебал. Нушачил уртахъдеш хІедириду? КІел лерра, ца гъатІира гІягІнили сай.

– Мерла адапти дургудая? Чум сягІят лерала?

– КІел сягІятличир имцІали лерал. Гѣбшнила аргълизив хІерликайили, вяргІесра асубитар. ВяргІес гъаряхълилад вакІибси ахІенри къалли хІу. Гъу, зулму бирули ахІенра. ХІед дигуси бара.

Руслан гушиублири. Поездла купелизив лявкъухІели, къантІси манзилла остановкаличиб къалаба-къагъли чІямбарес асибси «напакъа» каберхурлири ва санаторийлизи ваайчи гушдешлис мукІурхІекІес къасбарилри. ХІера къаслизивад гІелумизес чебиркули саби: «ЦархІилван ишди пинцІукъунасу ну урухиуб или гъанбиркур».

– Гъамли туken бургар. Даширая, се тебал хІердилзехІе.

Бурес хІейэсли разибиубти сагати юлдашуначил ил тянишиуб. Тукей-зирад деркести, бержеси асиб. Галгалиубси скамейкаличиб илдачил барх къутІбариб, укун ва, баркаллара багъахъурли, автобуса остановкаличи къалабаикиб.

Чумал минутла гІергъи ила кІел хъунул адам ва ца мурул адам гъамбиуб. Илдада гъай, масхурти хІясибли саби-ургаб гІяхІил тянишли биъниличи шакикеслири. «Курортла агълу хІебиалли?», – гъанбикиб Руслайс, сенкІун адапти тІашбилзахъес барибси биштІаси хъа бяхІличи бетяхъибси мартшруткабала расписаниеличи илди урга-ургади хІербилзулри. ГІяхІли тянишбиуб. КІелра хъунул адам – ца гІяшси, итил ахъ-ахъси – Ростовла областъла чиди-сабрил станицализибад бакІилри. ГІяшсила гъай ахълири, саркъилри, мурул адамличи ил жура-журала суалтачил зумали дугъарилзулри. Алексейла жавабтачи (гІе, мурул адамлис Алексей бикІулри), дяхІла хІеррикІули, пишрирхъурли, жавабтазиб пишяхъеси селра агаркъи. Алексей Оренбургла областълизивад вакІилри. БиштІаси ца шагъарлизив «къалабаси кумекла» шоферли узулри. «Рурсби», шикъ-къутІ хІясибли жагътачи мешубиркули хъалли, пенсияла гІямруличи баилри.

– Белики, такси бурцехІе, санаторийлизи хІедаили лерай тяхІудяхъес асубитар, – хІерликайэс анцІбукъунси Руслан ванзаличи чекахІейусиванри.

– Нуша чиналра къалабадикІули ахІенра. СабурбирехІе, – хІялай дарибти арцли пухІхІебикІес урусунани бала.

Ахирра байхъу-бицІибси автобус гъамбиуб. Сагати пассажирта акъути мерани дуциб. Улкъайлавад дуравяхІ хІерикІуси дубурлан жагаси тІабигІятли таманни ясируцилри Цудара урхъула дубла гъалли чекадаибти, дерхъибти галгубани итар ва ишар къаршидиркути санаторийти, пансионатуни, бамсриихъути юртани гІебшнили мургъила ранглизи гІеладушилри. ХІянчиличила, гІелаб калунси хъалибаргличила, ши-шантачила пикруми чина-сарил кІундацІилри.

– Санаторий «Юг», – ахирра тмадариб шоферли, тормозуначи кыш гинибирули.

Пассажирти кабациб. Къирли буцибси дяккад аркьути илдас бегI гьаб гъунибаибси цаибил юрт санаторийла гостиница сабли уббухъун. Ила бухIнабухъун. Унзала гьалар уталичи кариибси хъунул адамли документи ахтардидариб. Юртла халарегIилли биалли гIяхIял хъунри корпусунази арбукахъиб. Мурул адамтази, мерани акъудухъайчи, санаторийла гостиницализиб мерлабиахъес маслигIятбариб. ГIяхIлас ца хъайгIир мерани чедаахъиб. Заманала гостиницализиб тIашбизурти, тянишли ахIенти хъунул адамтачил Алексей итмадан гъайлизиахъиб. Илдигъунти архIяби илис гIядатли детауртигъунтири. УрегцIали дуслa гIямруличи гъамиубси илини Машкабачил бусягIятал цадехI гъай дургулри. Ядала галгаван ахъси, заманаличи мешули вегIиубси, жагъдешла лишанти детхIехъахъибси ил бусягIятал «лагерьла» агълула хIеранани витIикIулри.

Мякълабси номерлизир тIашризурси, Саратовла областъла Балашово шагъарлизирад ракибси Мария бархIехъ къумурличи жирарибхIели, Руслa тамашавиънила ахир аги. ХIерагу, «роман» бигъес, хъайчикайэс багъандан, бялихъ буцесцадалра кыян кабихъес хIяжатхIебиркули балан. Цаибил дугил Руслан бамсриихъантала «терапияличи» вяхIагиб. ИлкIун корпуслизив сайгъуна жагъил адамличил хIерис къадарбиахъес улгулри. ХIера хIед ухъна, жагъилти хъумартахъеси!

ГIергъила бархIи савли илди цIуба къаркъализибад тIашбатурси корпусла цаибил дерхIличи, ца номерлизи мерлабариб. Бамсриихъантала гIядатла гIямру дехIдихъиб.

## ЦАИБТИ ТЯНИШДЕШ

Савли ашханализи айцIуси Руслaйс гьалар рашуси жагъил хъунул адам хIулбаурикиб. «Ишичил тянишиасри диргалахIебулхъи», – гъанбикиб илис, жут-жутли къацIлабис батбихъибти къурдашуначи дигIян-гIяшли къасирули. Сецад тамашавиубал ил, баягъи хъунул адам сунела столла гIела каррибхIели.

– Наб Ольга бикIар, Оля, – сунела у буриб сагаси ралликъянанни.

– Руслан, – някъ гъабуцес хъулухъунгу, ламусли илгъуна баркъуди къабулбирахъули ахIенри. Илала дурабадра, дубурлан уршили адабла къиликъуни, адуцала чихъли къиматладири. РяхIчили кариибси рурсили гъамдешлашал кацIибси цаибил ганзра цаибил яргалис баилри.

Ольга чумал бархIи гьалар Калугализирад ракилри. «Гигант» бикIуси пирхикIунала фабрикализир операторли рузулри. ГIяхIил рузуси илис профсоюзла организацияли юглизиб, урхъула дублаб бамсриахъахъес, арадеш къулайбиахъес гIяхIсягIят багъахъурлири. Руслaйс илизиб ашкарбиубси цархIил хасдеш – къацIларис гъал минут даилри. Сунела фабрикализирван хIерейсла перерывла замана къалабали руки дурахIерухъунну, сагаси тянишли беркала бекIбарайчи рукиб. ГIур илди цахIнаб дурабухъун ва процедураби дарахъес къалабабикиб.

Массаж, ингаляция, шинна ва цархIилти процедураби дарахъили гIергъи Русланра Оляра, вьгIдалабиъни хIясибли, мегъла белсунси ганзухъличибад кабацIили, урхъула дубкад къунзбухъун. Ноябрь базла ахирличи хIерхIей-

ли, гъава ваналири. БерхИи дуцІрумлизибван къацІбикІули ахІенригу, чархла биркІантазиб хІяйбикІулри. Дабри чердатурли, ругерти гъумличил хІязта-диркъуси дубкад цайкъяшмачил багълали ганзрикІуси Оляла хабарличи Руслан лехІахълри. Илди сабицун ахІенри. ЦабехІ бамсриихъанти, кункси гъава гъигъбирули, скамейкабачи кабиилри. ЦабехІ итабяхІ – ишабяхІ мугълатагарси къунзлизибри. Лебри урхъулизиб куртІбикІутира.

– Халали ахІенси шилизирад нуша шагъарлизи гечдиубтири, –рикІулри Оля. – Нуша – мурулра нура сарри. Хъайчикадиила цачумал баз диркулри. Яшав белшес Калуга чеббикІира. Володяни крановщикла къантІси манзилла курсани делчІун ва халаси стройкаличив узес вехІихъиб. Ну, пирхикІунала «Гигант» фабрикализи карерхурра. Буцибси хъайгІир хІердирулри. Селра камси аги. Гъар секІал гъаларри. ХІукуматла стройкабачиб бузути ялчнас квартира бикахъес гъамадлирину, Володяни сагаси санигІят руркъулри. Хъалица учидяхъяйчи, нуша биштІати акІахъес гъалакдикІули ахІенри. ХІябци ца бархІи кранна кабинализи айцІуси Володя, мегъла ганзухъличив тясухъи, кайкиб. Ил верцахъес тухтуртира цІакъагртили уббухъун. Итала гІергъи вецІну кІира дус диркули сари, – мурхъли гъигъбушиб Оляни. – Нушала фабрикали, баркалла биаб руководстволис, ца хъайчилси квартира гиб. ХІера илкъяйда, челябкълаличи хІерли хІеррирулра.

Руслайра сунечила баянти дуриб. Шилизив ил культурала Юртла директорли узулри. КІел уршила дудеш ветатурлири. Хъунул медицинала хІянчизарри. Муруйзи бамсриахъахъес, гъайгъай, гІелумризурли ахІенри.

## УРГАИКИБСИ АЛЕКСЕЙ

Ил замана Алексейра анцІбукъахъи гъанкІакйкІули ахІенри. Ростовлантачила хъумкартурли, северла гІянтІикІачил шиниша гІяваличив «ГІяйкайублири» БархІехъ сунечи се хІерлирил илини, гъайгъай, балули ахІенри.

БархІехъ, къацІла вахт арбьякъи гІергъи, унзализи къутІдяхъили, номерлизи Варвара Васильевна, баягъи гІяшси тамаша, рухІнарухъун. Иш яргалис илала дяхІличиб пишъайс мер аги. ЦІудара гъагулван рамкъурлири. Алексей хъарихъунси койкала дубличи гугриибси илини сегъуна уюн гъалабирхъул багъес гъамадли ахІенри.

– Чи сари хІуни черрикІибси? Се саби хІуни илизиб баргибси? Я дяхІ-сипат агара, я куц-келпат! ХІерикІен иша набчи! Чебаа дила фигура, –илини райлиу някъби ардухиб, – ХІед се гъанбиркули, ну дявиласи атташечил гъамли рирусири...

– Ну...Нуни..., – Алексей селра бурес бажардииркули ахІенри.

Илала тирхъдеш чедаили, Варвара черухъун. ДяхІличи, кІунтІбачи байрикІесрииб. Бикъурси жунабван хІунтІена помадала мугъур хІятта наволочкаличиб калун.

Руслан чарухъунхІели, илди кІелра кІидехІ ранглизиб рурхІулри: ца – хІунтІена, итил – цІуба.

– Сеннира хІу дила ветаруд! – хямкдарибти унза итил шайчирад къапІдиуб.

Юх, Варвара Васильевна Алексейла бизидешла тІеманази карурхули ахІенри. Илини я Варвара Васильевна, я илала язихъси уртахъ Наида Степановна гІур хъа унабурхІличи гъамхІебариб. Варя ва Надя бетаурти гъести

хьунрани биалли Руслайзибад селра дигІянабирули ахІенри. Алексейла «гелитачила» илдани хІедалути ва хІедурути хІедири.

Чумал бархІила гІергъи Руслай кІелра гьалмагъ рурси Варя ва Надя гьести гІямрула кІел адамличил чебаиб. Столоваялизібад дурабухъи, илдани урхъула дублабхІ гъуни буцилри. Шляпаби чедиибти муйли дургъбала ветерантаци мешулири: кІилалра михъиртачир ордентала планкаби лерри.

Сарицун цугрикибхІели, Варвара Васильевнази Руслай гъачам хъарбаиб:  
– Гъу, сена хІушала аги-хІял? Гъарбилзулив?

– Лерли руили сари ца къуймур, тІутІван рицІа-рикъурси. Жагъдешли багърарибси ва цундешли къакъарарибси, – жавабла мерлаб хабар бехІбихъиб казачкани. – ГІямрула тІягІям бучес ил ца гъуйчи дураулхъули руили сари. КІел дякъ декІардиркуси хІябкъяйличиб катІунси уркъуйзи белкІи буили саби: «Алгъай шайчи вякъунси каршу, балуй шайчи вякъунсили талихІ бургу». Исбагъи цаибил бархІи талихІ баргес рякъи сари – пашманни чарриубли сари. ГІергъила бархІи цархІил дякъкад ратрихъили сари. ГІядабси къисмат чеббикІибси илис гъункъя къаршиикили сай ва гІянтІикІани бекІа гъалаб чебаъниличи гІяжаибубли сай. «Даг итил дякъкад рякъунра. Итгъуна талихІличиб бекІа гъалаб саби», – рикІули сари хъунул адам. Нушабра илгъуна талихІ къадарбиубли саби. УрхІли каруш Марияли лерилра хъуланни дарбадягъиндариб.

## ЦА УММАЙ

Русланра Оляра гъанна цахІнаб ахІи чебаэс хІейри.

Бамсриихъутала кункти гъайли илдас мурул-хъунул бихъилри. Мурул-хъунул чина биэса, Оляни някъ чебетаахъесра сабаб лугули ахІенри. ХІерели медкнижкабачил, пакетуначил тухтуртала кабинетунази къалабати зягІипти гІеркъати бархІехъуназиб итаб ва ишаб чебиухІели, «Илкъяйда хури, житни дирар вяшдикІути», – рикІулри ил.

Пурсат бикибхІели, илди чуйнара вацІализи бякъун, тІабигІятличиб дигнабиркъи. ЦархІилтачил бархІ автобусличиб Сочилизи баиб, машгърти мераначил тянишбиуб. Илабти халкъван, автобуса шофер булан масхарачи сайли увухъун. Ца халаси юртла мякълабад шалгІеббулхъухІели, ил викІар: «Бузуси киласа саби. Бамсриихъутала халати бунагъуни ицахъес икъалабируси саби».

Гъачам биштІаси гамилечи абиили, Киселевла лусенничи шадиб бякъун. Шурмала хъинжаначи пурс къяцниван тІашбизурли, декІарли ва къукъяличил цахІнар суратуни касахъиб.

БурхІни шахІейкили, муэрлизирван къалабали шалгІердулхъулри. Русла смена таманбиэс чумал бархІи лерай, Ольга хъайгІи ралкъаур. Дарсур адресунира делкІи, вокзаллизи гъунирратес вякъунси Руслайс чІянкІли поездличи арирухІели Оляни ляжилизи байдариб. Русла уркІи бархІ арбухисиван, поезд, рельсаби цахІнадиркуйхІиб къутІбикІули арбякъун.

Берк-бержлизи, азадти хъунрачил хІяз-хІузлизи архибси Алексейли Русла къакъадеш иргъули ахІенри. ГъанкІ беткахъилри. Ца дугира гъаваличи дуравхъунси илис унраличибси хъайгІив хІерируси жагъил Витя гъаргалав къаршиикиб. Бержилри ва висулри. Висулри ва чІярикІулри: «Ругер, чаррара дила Наташа!» Илала ралликъяна Наташа катерличир Новосибир-

склизи сунела вегли аррукили руилри. Русла варгла гязабти нургъбанира кункхедирахъи.

Ахирра шилизи чарухъунхели, Калугализибад баклибси, дархибти хатли белкунси кагъар иличи херлири. Илаб Оляни сари хабарагарли зяги-прикниличила, биштатас посылка бурхъниличила къантли белкири.

...Калугала больницала хирургияла отделенгиела палатализи Макарова Ольгачи ацахъес тиладибарихели, медсестра Русла някълизибси гинтла вавнала халаличи – къанти глебшнила савгъат! – херризур ва пашманни бек къухбуциб.

### «ВАЧРУКЪЯ»

– Урши гярмиялизивад чарулхъули сай. Хуни балулри. Ши-шанти, узи-урши учибиркур. Сен-сен дяшалаируси? Гяргяла гидгарила хурдаси хайнигаличил илдас гъуниваэс къасу? Се адам сайри ху? Гяли гярмилизи аркъухели-деклар хуни се барри? Урхмешуахенси буркъа багъана абуцили, хела гъамтази нешер кигъа беркахъунри. Бекси сабаличила дубхехъири. Шайтан шакхлебикахъили, дигян-гяшли Гяли гъуниватурри. Харжани дарирри – хайри хлебаклиб... – гъар барли мугълатагарли хъутуррикуси хабчабли Халикъ, расли мигла хъитаван, рурчулри.

– Ягъари илдала кепекуначи хъарсирав ну? Цали вецал къуруш луга, цали... Илдира урки гергили, – Халикъ мар-марли кайзурлири.

– Къурушличи къуруш кабуруцули, даршани детарути сари. Цархилтаци хериклен. Дурге-дургети «самопалтани» бурги къагъдара, лугуси саса – башахъен. Илгуна саби гядат.

– Глеббердаб саби, илгуна гядат. Гядат барес къакъаиклусив, уршиличила пикрииклусив? Урки шишимтани клибайбирули саби, ху...Гядат, гядат... Чарухъунхели... Илхели ватухъес, къяшми гъардатурли кайэс асубирар...

Мурул-хъуна ургар илдигъунти гъай детаурла, ге, клел дус ардякъири, ва уршила хурматлис лякъути узи-уршилис сеннира гъарзали гъуниваэс гягнлири.

Ца игъбар: ит дус хивла галгуби гяхил дерхъиб. Вегла икъала агарли баклибси, глабигятли пешкешбарибси давла бучесцун сабри калунси. Ахирра-ахир вецал-вечну шура гавлаг къякъурала учидикиб. Дуч къалли дучиб, дицес...Веглебш, дицес гъамадли буили ахен. Вегли балуси, тухум бетаурси санигят бузахъес се саби? Вачар... Халикъ вачарличивад гъарахъири. Мурул адам вачурта виркъес вирару? Дуразла тели буцили, ху бацни, гъургъа къаркъала лац белшни – декларси къуллукъ. Вачар, Халикъла гъанбик хясибли, хъунул адамла, някъла къуват камсила хянчири. Рынок-базарла экономикали биалли гякълуличиб ва някъла цакъличил бируси хянчилис ахир кабихъиб. «Аса» ва «бица» беглара бажарла клел някъ детаурли сари. Амма хиви...Хиви чалхъаличил галгаличирад уряхидикахъес, дучес, гавлаглизир эмхела къакъличир яра мах-махли хъули хес, берхилиур гъудурдирули деръахъес – къиян ахену ил! Деръубла хиви порошокличил дирцесра чевкъулигу. Лямцидиклули диалли, диблуканталайчир дурхъали ису. Базарла агълу гур багъаличира херхлебиклар. Чис хейгахъу нягуб? Хиви гянкбазирад деклардарили, делкъунтиван дибгяндарили, жершиличил дархаили барибси чекалкъли ахену дьбла хингла тиягям лебкуси!

Се биру, ил тІягІям-лазатлизивад вегІлис гІелумизес чебиркули саби. Арцли бекІ буляхъули. КІел дус чехІеибси урши халакаири, дебшлавииуб-ли, гьарли-марси мурул адам ветаурли чарулхъули виалли, къумур-къям, гІергъиси шалбар бицилира, халкъсун балкъаахъес чебсигу. ХІукуматла хІянчилиси цагІяхІси къиян-хІекъ сабиркуси биалри, изала-зугІяла хІедири. Хиви... Чула дарман буь! Илди сен-сен дирцути? Илдачил вачарлизи архи-ли чеалли, балу-бирхути се бикІара? Хьунуйсра мура къакъадешла пикру-мала авара аги. Шилизирад Уркарахъи умхІачир урегал гавлаг хили, валла-гъ, СирхІязи ваши рикІулри.

Мар саби, СирхІяла дубуртазир хиви хІедашар. Бизиси хурегла къадри биалли илаб гІяхІил бала. Амма сен-сен ила виуси? Чичи хьураируси? Ма-шинаалра някълиуб леб биалли, вадалай саби. Агъ, вегІебш, арц урца де-таайчи базли кайсути даршал къурушла алапаличибра шагълагъуна яшав белшес вирулри...

– УрузкІулра, уртахъ ГІяхІмад, – викІар Халикъ тяниши шоферлизи, –амма гІямал агара. Чумал гавлаг хивала Уркухъла шила дубла даахъа. Лаг-вяхІ укъес къас саби.

– Автостанцияла мякъла транспортличи хІерликайадри, гьамадли хІеби-рив?

– ГАИ-ла постла мякълабад бикили, КубачибяхІ башути «мурдаби» бахъ-ал бирар. ХІу вахъ къалабали хІейадли...

Хивала «хунжачил» халкълизи чеахъес цахбилзули, Халикълис гьа-рахъ-гьарахъли тІашизес дигулри. Цазаманализир сунела сунечира гьими дургъулри: «Байтарман, иши урузкІес дигІунти, керасибти, хьямдарибти хІе-диэсгу. Жан хъябла дигъи къяли-къяйчи айцІули галгаличирад кадикахъибти ахІену? Селис урузкІусира, дунъяла халкъ «аса-бицализиб» гьуни-гьуйчиб биалли? Агъ, пайдаагар, пайдаагар. Ишгъуна хасият бирару адамла?»

Тяниши шофер шалгІевулхъалри дигІяниркули кали, чумал сягІятла гІергъи ахирра Халикъ хухучил варх дехла автомашинала къакъличив ва-гъариуб. ВалхІелуси шоферла машина чина-аркъули биалра, декІардеш аги, чІянкІли тяништи мер-мусаличивад гьарахъикес хІяракатлизиври. «ГІя-прахъу», Кубачи ахъиб. ШяхІбаннамахъила хъяблаб гІяхІя «айгъирли» ба-гълабариб. Туке мякълаб, гаишникла урехи агарихІиб, архІяликъянаби «со-образитьбарес» хьулбухъун.

– Нушачил варх хІура кацІи, – бикІар ламус-хатирлис, хІурмат-къимат-лис гьалабикес гьалакти чумал сирхІян.

АрхІяликъянаби туке бухІнаб ванабиуб, тянишбиуб. «Къалай-къалай-биуб» Халикъла бекІ цакъадар шалахъбиуб, бара гьалабван къяраибсигъуна лезми сунела мерла бакІиб.

– ГІяхІял кІевхІейалли, гІяхІли детарехІе. Дархъли набчи аркъехІе, – викІар ШяхІбаннизибад КъярбачІимахъилизи почта хес вакІибси СягІид, шишала хІулбира явлухъли суркдирули. – ГІяхІял хІешуси юрт, юлдаш, ниъ хІелуган къялван, пайдаагар бирар. ХІела къуллукъра къяйкла манзиллис бекІбирехІе. ЖягІял «маршруткаличир» чардулхъадая.

Иш яргалис къаршидеш дарес хабчаблис мер аги. МялгІун, гьарил би-ру-буриси ташмишъайу буршуси ил ахІенрив? Гьанна сенрил мукІурли лехІахъилри. Муйлачил жалбяхъес бикалли, хьунрас саби бекІла къа-дар ахъбиубтиван гьанарули бургар. Гьанна? Гьанна хІулбала хІер булан

барсбиубсиванри, ванабиубсиванри. Сен-сен биалра, дигІянали гьар-  
дакІахъибти диги-хІерилисра баркалла викІалли ахІену.

СягІид сунела гъайла адам сайли увухъун. Хъунри тянишбариб. Пиж  
бикъурли, шанг чебизахъур, бикІуливан, тулахъгъуна диъра абушили.  
Къакъа ургали хІерируси унра Къади живариб. Къади ХІябибуллаевич му-  
гІяллимри. Илала хъунул Минай – Халикъла халал узила уртахъ ХІяби-  
буллагъла рузикъар. Къумурличиб гъав ахъбиуб, илдала балу-бирханта-  
ла, цахІнабти тянишунала авид гъатІира гьарзабиуб. Марлира, бегІ гъалаб къ-  
аршибикибти дубурлантани гІяхІти гІяхІялдеш дариб. Чинабалра белкІхІе-  
белкІунси дубурлантала ил закон, валлагърагу, дурхъадеш-чебяхІдеш саби.  
Ишаб кам-хъяшти секІайчи хІерхІебикІар. ГъайбикІутиван вяшра бикІар.  
ХІера ца дубурлан Таркамазив сунела гІяхІяйчи хъурайубли сай. Кагъар-  
ла кІапІиван букІулли къацІ балъи, хияр-помидор дибгІяндарили, итил-и-  
шил кабихъили, стол балкъаахъурли саби. Столла дубличи някъби, мухІли  
ушкахъес салфеткабира цІуцІатурли сари. Заманала гІеркъадешли илди  
гІур дубуртазиб къаршибикибхІели, нушала МяхІяммадли, белгъи тІутІван  
цІерхъси бацІ маза, делхъунти диъбани къумур бицІахъили саби.

КъацІ-къацІики, «Някъби чина ушкути?» – ита-иша хІеризурли сай  
гІяхІял.

– Укен, уртахъ, някъби шалбарлизи душкесра вируд, – викІули сай  
МяхІяммад.

Ге, кам-гъамти секІлачи хІерхІебикІути, хІурматлис сахаватти саби ду-  
бурланти. Наб къалли гъанбиркур, дубуртази чедивяхІ айцІуцад, дубурлан-  
деш, хІурмат-къимат, адаб-хІяя, яхІ-ламус гъатІира ахъдикІули сари или.

...ГІергъила бархІи савли СягІидла хъунул Хамисра, Минайра, Халикъла  
Салиматра КъярбачІимахъила къакъурбази дурабухъун. Мурул адамти гъа-  
ла-гъала къацІлабиуб. ГІур гІергъити хабуртачи лехІахъес шила гумайлизи  
батбихъиб. Пела гІебшнила аргъри. Биалра, махъикунтли уртахъти мицІи-  
раглис гъачамлис янилис дугени кадихъили ахІенри: СирхІяла дубуртазир  
къар къанни дилкъули дирар. ХІера ил бархІи колхозникуни убза-къякъли-  
чил, къялкъначил «ярагълабиубли», авлахъла урдаличи букъес хІядурбиу-  
блири. Илгъуна баркъудила ца шайчив калес асубирару? Хивира хура дер-  
габ сари!

БархІехъ билхъаличив вамсурли Халикъ гІяхІяйчи чарухъунхІели, илини  
сунела хуху гІяхІяйчир урхІераргиб. Гьарбизурси вачарли разирикахъибси  
Салимат гІярмилизивад ишбархІи-жягІял чарулхъуси уршилис хІядурдеш  
барес сунела шилизи къалабарикилри.

## КЪАЧА

– Даширая, дурхІни, ишдуги Байгинатла хинкІ хІясиббарес нушачи ар-  
къехІе. ХІябал нешер кигъа делгъи хер. Янилис диъла запас бируси замана  
баили саби. Ишдуги биалли пукри дирар. Хуху зангърикІули лерри. Юлда-  
шунира кахъес тиладибариб, – някъби суркдирули, дугъайзур ХІябиб юл-  
дашуначи.

Юлдашуни – ХІябобра, АсхІябра, ГІяхІмадра – районна архитектурализиб бузулри. Ца кабинетлизиб. Чули сабичиб илди районна халкъли гІяхІил балулри. Шимазиб илдала хІурмат бири – дубурлантани хІялалдеш мурталра черяхІли чедиу. Даг командировкаличибад чарбухъунти илдани, кабахІили кагъурти дирцахъули, хІерейс къацІлабиэс балли пурсат хІебаргилри. Пукрачила хабарли, гъайгъай, беркайчи иштяхІ бакІахъиб. Пакра паклизи халбарес хІейрар, хиви дячи, жерши битили барибси чекалкъли бикІуливан, луй сахІебукалли.

ХІянчила замана ахирра ахирличи бикиб. Гъалмагъуни гъуйчи дурабухъес хІядурбиуб. Шофер Халикъли «Уазик» бузесаиб ва авалра юлдаш бизиси хинкІличи къалабабикиб.

Чинарила ши райцентрлизибад вецІал километрлацад гъарахълири. Гъар бархІи савли ХІябиб, Зиберхала шилизивад викили, маршруткаличив хІянчиличи вашулри. ХІера «Уазикли» Зиберха ахъиб. Шила дублаб, ургубала ургабад кабердибси гъуни буресцад гъарзали ахІенри. Биалра, гІебшнила хІябци аргълизив мяхІкамли вашес чевкъулри, сенкІун «хІулрумар» хаба-рагарли хІухІбухъес асубири.

Рахли гъалаб бархІехъла гъуршдешлизиб цІудара къаралди чебианбиуб. Гъамбиалли – гІебшнила тухъти къарли белкъи, дай гъуйчи кабахъи клалам-бикІуси къача. Машинтала тІама-гъамаличи бурсикабиубли биши гъатІи, ил азгъинни абизур, зуз-чІикъбитІун ва хІейгу-хІейгули хъула хІярзиличи-бахІ гъайбиуб.

– Гъанна мицІираг хІенкълизира кайули ахІен. Чула арилиррти илдани бархІиахъниличил хъайгІи чардулхъниличилара хъумкартурли саби, – викІар АсхІяб, хъяшначиван разиагардеш балахъули.

– Ге, хъу-къада далцули ахІен, делгІули ахІен. Хъубзарала бузерила хІурмат бетакъили саби. МицІираглисра демократияли чуду-хинкІ хили сари, – илала гъай ришхантличил гІердуцибси ГІяхІмад пишяхъиб.

– ЧеимцІаси азаддешли авараагардешра лерхули сари, – философлигъуна пикри дурасиб ХІябибли...

Байгинатхъали гІяхІлачи хІерлири. Белхъунси диъ шанглабад дурабитІи, ХІябибли, хъа вегІ сайливан, пукри ва хинкІи адушахъиб. Ца вецІал-вецІуну шура минутла гІергъи хинкІ хІядурлири. Столличи кабахъибси хурег аш-биахъес ХІябибли итил хъайгІирад клел шиша гІярякъилара хиб. Ихтилат-бикІули букун, бужиб. Шофер Халикълисра, чарбулхъуси гъуйчив дугила замана гаишник къаршихІеркур или, даршал граммла пай чебетаахъиб. Ур-кІигІяхІбиубли, хъа вегІлисра илала хабчаблисра баркаллара багъахъурли, чарбухъес къасбариб. ХІябиб кулпетла мякълаб дуги беркІес хъайгІив калун, цархІилти «товарищунани», аркъянайла хупІра барили, кавлутала някъби дуциб.

ГІяхІси гъавличил чарбулхъули Зиберхала хъаршила мякъла баибХели, дугели сягІят II диркулри. ХІербикІалли – баягъи тянишси мерлаб къача. Иш яргалис машинала шалаличи ил ласбирхъули ахІенри. ВиштІалгъуна АсхІябли машина тІашаахъиб, гъалли къачаличи гъамиуб. Юх, ил шикъ-булхъули ахІенри.



– Гъари хЛушара кадацирая, ишис се-биалра биубли саби, –дугъайзур ил бархкъябачи.

Марлира, къачала ахирла бархИи гъамбикЛулри. Амма мурхъли гъигъ-бикЛули лебалри. Се биру? Къачала жайчира ажайчира тудяхъили, чула гъуни илдани даимбарес бири. Амма жягЯл савли зиберхалантли бебКили баргалли, се иру? «Чила-сабрил машина къанни бархЕхъ чарбулхъули лебри, къячбикахъиб бургар. ГЯхЛлани бержили бурги. Къанч держаб чули. ХЕрагу, сегъуна зарал барилл! Чи сабрира илди? Гъари унрашантлизиад сурав айсеХе. Чи сабрил белгибиреХе. Органтази балахъеХе. Чузи неш, рузи гъанбиркахъу. Агъ, мялгЛунти!..»

ГЯхИмадли къача хахамбариб, тямхъярбариб, гъеч абилзули аХенри. Белгъес пикрибарибгу – цалалра кисалаб къисбикЛуси бирару! Къаркъаличи хъяб чекабаахъили, къаркъали къакъари чеббяхъесра вирусиригу, шантази-вад чизи-биалра багъахъес гЯгИнилири.

– Гъари хЛу дислигИив къяйцЛухъен, – викЛар ГЯхИмад АсхИяблизи, –къачала гъигъ къябудниличи шакдикахЕлли, се-биалра биреХе.

АсхИяб гъарахъли аХенси шилизи къалабаикиб. Гъаргалаб шала ухутала къапулизи къутДяхъиб – жаваб агара. ЦархИилла хъа улкъайлабад чебихуси шала чебаили, вьвъиб, къапулизи къутДяхъиб – шалара балли бишун. «У адхЕйхъули жибикЛути чи сабил аллагъли багъаб», – бикЛули бурги къачагъунала таваккал манзиллизиад мяхКашдеш бирути хъа бегИти. ВяИ, се биру? ИлхЕли илис санэпидстанцияла тухтурли узуси зуберхалан Мажид гъаникиб. Муртрил ва се сабабли сайрил гъалав ил илала хъайгИи вякъунсири. Юрт чинаб сабил балулри. Мажидхъала къапу гъаргли даргиб. КИибил дерхИличи аЦили, унза дитКакИиб, илдира гЕхЕкИили урдухъун. ЖаняхИлизив кроватьличи кайхъи Мажид усулри. Чис-саррил гЕргъити хабурти дурули, рангла телевизорра бузули лебалри. Юртлизив цархИил адам аги. АсхИябли Мажид чеваргъахъиб, тяхИяр-къяйдаличила аргъахъиб.

– Шаднир дургЕли дирцути гЯрякъиличила аргъили, машиналичир чумал ящик хира. Уршила мекъличи хИядурдикЛулра. Кулпет исантагИиб къяйцЛи саби. АрхИя бетаурли шилизи шоферличил чардухъунХели, кам-гъамси хупБарес чебуркъиб. Усаунра. БусягИят дисличи хЕръирис, –авараухъун Мажид.

Камси заманала гЕргъи илди къачала мякълабри. Игъбар каберхурси авкъяшан хЕбебКили лебалри.БекЛяхъес илис гЯммузган дисли кумекбариб.

– Ишкъяйда ишаб лайкабакИили батес асуХебирар. Гъари шила мижитла малла Къурбайзи балахъеХе, – сунечи гЯйиб къячХебикахъес Мажидли гЯмал баргиб.

Ил къачара малла Къурба убХебулхъану!

– Юх, иш анцЛубукъ ишкъяйда бацЛи батурли асуХебирар. Даширая набчи, чебирцЛяхъеХе, – гъавверхур Мажид, гъадуцибти някъби хЕдурцули.

Памятник-алавси майдайчиб юртличи бяхИчили машина гЛашаили, гЯхИли хъайгИи абацИиб. Хозяйка архИяличи аррякъи хъалли, бикЛуливан, къям-кЛуцул дарх ардухили аХенри. Белхъунси диъ, помидор, хиял ва,

гъайгъайра, «шараб-шин»... Бержеси биалри, Пяжяр Гябдулла викуливан, вана-ванаси бехицарира мазала нусила къидикъра даибтири. Дуку-дужути муридикъули хьалли, гяхглас чархъебухъес гямал аги.

Аркъуси гъуйчи дураэс багъандан, машина памятникла удибад Гелум-гъарли башахъес гягъинилири. Держли ванаварили, мяхкамдеш дехъахъибси Халикъли, гела-гъала херхейкули, газличи гинибариб, ва разиси «компания» катругси бяхлаб багъарбиуб. Гелум-гъабли аркъуси «Узик» баягъи бяхларад удидяхи гердатурти къаркъубани ташаиб. Гелум-чили-сабрил илаб юрт барес къасбарилри. Юртлис пайдаладарайчи къаркъуби бекъяхъ инсантала цархил мурадлис багаладиуб; илди лерхедиалри, къаркъубачиб хилхи ташхъебилзину, машина къадалаб багъарбири. Урухъизра бажардихъебикибти урхил селра хергъули кабациб. Тамашабиънила гелала аги. Бурги, держла кант хъебержибтиван, хъархъли мусдиуб. Гякълу саркъиб. Чеди диркъличи машина дурабитес багъандан, трактор ва мегъла гъая гягъинилири. Шилизисби трактор кес Мажидра Халикъра илала вегъличи музабухъун. Сепайда, тракторист сунела «далгаличил» Икъала шилизи арякъири. Газа-къелхъе дусесаъни ахъенси цархил берцуди аги. Майали кантбикули, гъазали бубкули, сунела хулрумачиб машина диркъличи дураибхели, урхъначирад бара шала шикъдирулри.

Хераягу, хъавецли буцибси къачали Байгинатла бизиси хинки къанкъубазибад лябкъяхъули хилхи калун.



# Очерк


Патимат  
ВЯХИДОВА

## АДАБ – ХІЯЯ УМУСИ

*Очерк*

Сегъуна вируси пергер адам: мурул адам виаб сай, хъунул адам риаб сари? Нуни счунечила макъала луклуси адаб- хІяя умуси, лебтачилра ралгунси, тѳп мургъи- шинван умути рухІла регІ пергер хъунул адам сари. Сунес ахІенну, цархІилти багъандан хІеррирусигъуна сари, алавчарти гІямрулизир кадиркути анцІбукъуначи ил паргъатли хІеррикІес рирули ахІен, урхІла децІра илини сунелаван къабулбирули сари. Лерилра гІямру адамтала арадешлис къарауйчи каризурли дуркІухІели ризсра асубирар ил илгъунали ретаурси. Гъай Дахадаевла районна Трисанчила шилизирадси ва дахъал дусмазир МяхІячкъалализибси кІиибил номерла дурхІнала поликлиникализир халалгъуна медсестрали рузуси коммунист ГІяйшат Къурбановна Бибалаевачила сари.

ГІяйшат Къурбановнала асилти гІямру ишбархІила жагъилтас ГІибратли диэс дирар. Дубурла гъарахъси шилизир акІубси рурсили МяхІячкъалализиб медучилище 1964 ибил дуслизиб таманбарисире. 1985 ибил дуслизиб биали илини ЧебяхІси даражала партийная Школара таманбариб. Партияла МяхІячкъала шагъарла Ленинский районна комитетли абхъибси «Жагъил коммунист» бикІуси школализир дурсри кадирхъули калун. 1984 ибил дусличирад дурхІнала поликлиникализир халалгъуна медсестрали рузули сари. «СССР-ла арадеш балтахънила отличник» сари, Дагъистан Республикала рурибси медицинала хІянчизарра сари. РахъхІила хІянчизарли мяхІкамли дихІути хІурматла грамотаби гъандушес багъандан арагІеб журналла бяхІ хІяжатбиркур.



Куц-бекИлизирад чераэс гЯдатла дубурлан хьунул адам сари. Амма илла хIулбази хIеризалли, малхIямдешли ва адамтачи дигили бицIибси арагIеб дунья хIясиббарес вирули сай. Илини деркIибти гIямрулис гьамадтири викIес хIейрар, амма ил гьаннара гIямруличи уркIичерли сари, чедаибти кь-иян-жапали ил я рухIлизир, я хIял-гIабигIятлизир чурххIериахьуб. Ил адамдеш ва адамтазирти адаб-хIяя хIясибдирес ва ахьли кьиматла дирес жявлил бурсириубси сари.

Ванаси дев бегIлара цIакьси дарман саби бикIаргу, бархьси буили саби. Гьанна бюджетла учреждениели сабси поликлиникализиб бахьхIи барх бузули калунти гьалмагьунани ГIяйшат Кьурбановна сегьуна адам сарил набзи дахьал тамашала хабурти дуриб. Нуни ГIяйшат гьатIира гIяхIил ралуси риалра, барх бузутани ва зягIипти биштIатала нешанани дурутачи лехIихь-улра ва пахрубирулра ишбархIи, иш манзиллизиб илдигьунти гапличи лайикьти адамти лебхIели. Сунезир халати адамдеш лерси бекI медсестрала кабинет мурталра гьаргли бирар, илизи ацIибси гьариллис ил разили гьунириули сари. Иличи декIар-декIарти мурадуначил ва кьуллукьуначил дугьабилзули бирар адамти. Ил рузуси поликлиникаличил бекIлил дарххIеда-сунти кьуллукьуначил булан. ХIера, илизи цали тиладибирули саби урши дурхIнала анхьлизи мерлаварес икьалабарахьес. ЦархIилли зягIипси урши больницализи каркьахьес... ГIямрулизиб илгьунти насихIятчиби камли бирар кьаршибиркути.

Кьиян-жапализир касибти чIумати дебш ГIяйшат Кьурбановнас лерилра гIямрулизир багаладирули сари.

Дахадаевла районна Трисанчила ши жявхIейчибад пергер ванза бузахь-антачил ва мицIираг адилкьантачил машгьурси бирусире. Пергер хьалибарглизир акIубси ва халараибси сари ГIяйшат Кьурбановнара.

-Нушала хьалибарглизир урчIемал дурхIя лерри. Дила дудеш Кьарбан ва неш Кьистаман сахаватти уркIибала бегIти адамти сабри. Илди гIяхIялде-шлисра бурибти сабри. БегIтала халаси хозяйство лебри ва лерилра савли-личирад бархIи ахьайчи дузутири. Дургьбала жапата дусмазиб дила шантани гашазибад чумилра адам берцахьиб. Дудеш гIабигIятли халаси гIякьлу бедибси пасихIси адам сайри. Ил нушази мурталра махикIусири Совет хIу-куматлис мурталра мартили дихьес. «Гьанналагьуна хIукумат бизэс бируси ахIен», – викIусири ил. ИшбархIира нуни чебиулра, секьяйдали адамти гьанна ит хIукумат гьятIаибти нясанас лягIнатбикIулил. Челякьлалли нушази гIурра чуйнара чебиахьу, совет хIукумат сегьуна сабрил. Ил батахьес хIедиубти нуша лерилра гIяйибла дегIтира. Фашистунази ВатIан батахьес биуб нушала бегIтани, нушани биалли нясанази ил бицахьес батурра. ХIердизирая ишбархIи нуша сегьуна даражаличи детикилрал. Заводуни ва фабрикаби гIашли сари. Илди гIур дузес хIедирар, сенIкIун дуркьдиубли, заядиубли, делтIи сари. Чилилра хIейрар илди мицIирдарес. Кьакьурби кункти автомашинаба дицIили сари, амма илда нуша кьацIли хIедалхара. Адамти рухIла шайчиб секьяйдали хьярхьли кутурбирулил чебиухIели, дила нургьби дурадиркули сари. Мижитуну лушули сари, адамти хIяжли башули саби, амма адамтазирти адамдеш, ряхIму-уркIецIи, адаб-хIяя детихьули сари. ИшбархIи бахьалгьунтани кьурушлис икрамибирули саби. Нушазир биалли нешла ниьличил дарх ВатIайчи диги адилкьутири.

ИшбархIи бахьли ВатIан се сабилра балули ахIен. Бахьлис ил убайсира бетаурли саби.

Нуни дила хIулба чебаира бузерили адам секьяйда машгьурирахьулрил. Бузерила адам пачалихьла черяхIти кьуллукьуначив вагьаризэсра вирулри. Гьанна биалли... Давлачевсини сегьуналра анцIбукьлизиб мискин адамла

дец иргъуси ахIен. Дунъя кабизурла илкъяйдали буибси саби,- бурули сари ГIайшатли.

Рархъли рикIули сари ГIайшат. «Велкъунсини гушсиличила хъумурту»,- бурули бирар халкълизиб...

ГIайшатла бегIти бузера адамти сабри. Ит жапаси заманара илдала берхъибси хъалибарг гушбируси ахIенри. БегIти колхозлизибра бузутири, чулира маза-къяца, хIайван-къача адилкъутири. ИшбархIира Трисанчила шилизиб ГIайшатла дудеш Къурбай барибси гIиниз лебал.

ГIайшат Къурбановнани хIулби чедирхъули сари, ва илала дагърилизира ардякъунти гIямрула суратуни кинолизирван мицIирдирули сари. Сунела зилантачил ил дубурла шила гъярца къакъурбикад дуцIрухъи сари. ХIулби ухули сари, ляжуби хIунтIендиубли сари, рухIлизибра халаси разидеш саби. Дубурлан рурсила дахъал хъулани лерри ва илди детурхниличи рирхулри. Амма нушала пикрумира къасанира цадехI дирар, къисмат биалли нуша бекIлил хIерли ахIенси барили баткабирхъур. Илгъуна бетаур ГIайшатлисура.

Сунела гIурла мурул илис дурхIяли вирухIейчивад гъаниркур. Жагъилти хъайчикабирухIели МяхIяммад I9 дус виублири, ГIайшат – I7.

– Нушани гIямрулизир дахъал къиян-жапа чедаира, амма лерилра илди цIумхIедикIули чекасира. Хъалибарг сегъуна бирарал муруйзибадцун ахIенну, хъунуйзибадра дигахъуси саби. Асубирар илизибад гъатIира имцIали дигахъуси биэсура. Нушани гъандуцес диубра цалис ца дигухIели, цали итил къайгъили алавдурцухIели, – бурули сари ГIайшатли. – Дила МяхIяммад дебали духуси, гIякълу бугаси, юлдашдешлис марси вири. ДурхIни акIубхIелира илини ну гъарра шайчирад гIеррурцусири, мурталра наб икъалаирусире.

УркIи-дулекIли къабулварибси, хъалибарглис, узби-рузбас, тухумлис, шантас къакъбяхъес шанда баругъуна сунела МяхIяммадличила дебали децIрикIули сари ГIайшат, иличила мякълав агарсиличилаван гъайрикIесра гIядабли саби илис. Чуйнара гъанбушиб илини сунела МяхIяммад декIли зягIипхIели, илала мякълаб камхIебирути мура узби, хаслира Муртазали, сунечи гъарил секIал чекасили, узис гъарра шайчибад кумекбарибси...

ГIайшат Къурбановнани медучилище белчIун. Ил мединститутлизи карерхес ва тухтур ретаэс хъулрикIусири, амма хъалибарг абикъес хIяжатлири. ИтхIели МяхIяммадра учIулри. Илини ДГУ-ла филологияла факультет таманбариб.

Медучилище таманбарибхIели, ГIайшат гъала-гъала унраличибси Зубанчила шилизир рузули калун. Калун ил рузули Журмучила ФАП-лизирра. Ил итхIели цазаманализир шилизир фельдшерра сарри тухтурра. ЦацахIели илис сунечи дебали халати жавабкардеш чейсес чевкъусири, сенкIун мякълав цархIил тухтур аги, илини Аллагъла кумекличил чумра адамла гIямру дерцахъиб. Жагъти гIямруличирал ГIайшатли гIямрула къяркъти университетуни тамандариб. Илис тавакалличи ретульхъес булан чевкъути анцIбукъуни дирутири. Шилизибти хъунул адамта илала халаси хIурмат бири. Къияндешуназирад уруххIекIуси ва сахаватси уркIила регI сархIели рурги ил илкъяйда ригахъусира.

Дусми дуцIли ардашулри. ВецIал дус калун ил Трисанчила ФАП-лизир рузули. ДурхIнира халакабиулри. ИтхIели сайри МяхIяммад белчIуди даим-



барахъес Астрахань шагъарлизибси милицияла школализи вархьибси. Илини криминалистла санигIят бяркъур. ГIяхIси фотографра ветаур.

– ИтхIели ну рузули ахIенри. Лерилра цIакъани дархIнас дедлугулри. Дила пикрили, итди дусми сарри дила гIямрулизир бегIлара талихIчерти. Нуша жагъли сарри. ХIябал дурхIя абилкъулри. МяхIяммадли наб гъар секIайзиб кумекбирулри. Нуша ца агарли итил дуэс хIедирути кIел бутIаван сарри. ТалихIчерли хIердирулри. Дубурланти цархIилтази саби дигути биъни чебаахъес гъазализиб хIебирар. Мякълаб хIербирути унруби булан «цаличи ца балбикибти саби илди кIелра» бикIутири нушаб, – гъанбиркахъули сари ГIяйшат Къурбановнани.

Адамличи гIяхIра вайра дарх-дарх дашар бикIар. Илдира дугира хIерираван, душла авалра манзилтиван адамла гIямрулизир дарсдикIули дирар. Ара-сагъси, цIакъси, мурталра сакIубси МяхIяммад вахъхIи хIерирар или гъанбикеси мурул адам сайри. Амма декIси изай ил дигIянали ясируциб. Мурул гIязабтазив чейухIели, ГIяйшатлис дугили гъанкI башули ахIенри. МяхIяммад гIямрулизивад арукънили ГIяйшатличи дебали декIси асар бариб. Илини рикеси мер балули ахIенри. Ца гIяхIси – ил уршили ва рурсба гIерруциб. Мура гIелабтанира ил сарицун хIератур.

ГIяйшат Къурбановнани сунела ардякъунти дусми гIурра гъандиркахъули сари... Ил дебали цIакъси сарри. Илгъунали рирусири ил мурталра. Амма яхI-ламусла, давлачерти рухIла вегI, гъарли-марси дубурлан гъабза, шандан къяйда чIумаси, чизивадалра уруххIекIуси ва бархъдешгIевли кайзурси, уркIилис къабулси мурул гIямрулизивад арукънили ил дебали рарсрияхъуб. МяхIяммадличила гъай детаурхIели, илала хIулбазибси лямцI билшусигъуна саби, гъайрикIесра булан иштяхI бетихъули саби.

УркIи цIумбикIути бурхIназиб сунела гIямрула вархкъя МяхIяммадлис багъишлабарибси поэма-децI бучIухIели, хIулбазирад нургъби чяхIдулхъули сари. Поэма журнал бучIантасра гъалабирхъула. поэмализирад ца-чумал тугъ гъандуршула:

**ХIела къугъаси уркIи  
Къаркъала гъангуслиуб,  
Вирусу ну русаэс  
Бамба-базла бурушлар?!**

**ХIяли-арцла биркIанти  
Цудара гIянжиллизир,**

**Вирусу паргъатриэс  
Дунъяла гIягIнубазир?!..**

**Шахли бигуб дубурван  
Лералра хIеррирули,  
ХIу чузив чейусиван  
ДурхIначи хIеррикIули...**

ГIяйшатлис жавабла къуллукъуни булан гъаладирхъули калун. Илини марксизмла-ленинизмала университет хIунтIена дипломличил таманбариб. Поликлиникализибси партийная организациялис бекIдеш дирули калун. ТабигIятли илис дугати дагъри дедилри. Адамтала ургар ралкарикисира сарри. Илбагъандан чинабалра илис рузаес гъамадли сабри.

ИшбархIи Дагъистайзиб халкъла арадеш балтахъни вайтIа ахIен. Арбякъунси даршдушла урчIемцIали ибти дусмазиб биалли арадеш балтахъни къукъубачи бикахъилри: медицинала учреждениеби къяпIкадирулри, илди ахърила бегIта приватизироватьдирулри, кIинайс илдала бяхIчибиз барсбарес къасличил. Камсири медицинала хIянчизарлис лугуси алапара. Ил ишбархIира камси саби ва бируси хIянчиличи бекIлил лайикъси ахIен.

Ит бархьибси ва хъям-къацI демжурси манзиллизиб ил рузуси поликлиникалисра къяпIбирнила урехи акIуб. Ил вегIдешлизи буцес дигути лебри. Коллективла цахIнабси собраниеличиб ГIяйшат Къурбановнани иб:

– Коллектив поликлиника къяпбарахъес къабулхЕбиркур. Нуша къабулхЕдиркехЕ вегЕдешла кабизуни ила мерладарахъес.

Гяжаибти «дургъби» демжуртири итхЕли. Урехи чебиахъути булан лебри. МутИгЕхЕрируси медсестрачи гъар тяхЕярли гъяж бирусири. Амма ил кЕантИриахъес хЕбиуб.

– ИтхЕли нушаб поликлиника батахъес бетхЕлар бикЕути бахъал лебри,- бурули сари Гяйшат Къурбановнани.- Амма нуша ил батахъес бажардидикира. Уржибдеш дакЕударибхЕли сарри ил сархибдеш биохъес диубти.

Бибалаевхъали лебилра илдигъунти саби. Илдани чула мурадуначир жамигЕятла мурталра гъалар чедиу. Гяйшат Къурбановна рамсурли гяжизриубли, вайси гъавличил хъули чаррулхъусири. Амма ил мутИгЕрарес хЕбиуб.

– Наб гъанна нушачир кадизурти аги-къяйда бекЕлил гЕягЕдилзули ахЕн. Чум дус биубли гЕямрула шуртЕри къулайдирар бикЕули? Се саби нушала къулайбиубси? Ца давлачевварес багъандан даршал мискинбиэс гЕягЕнити саби. Иличила хЕбалуси леву? Амма нушази къумба бугъес даимбиубли саби. Адамтазиб гъанна жягЕяйчи умут бетохъили саби. Бахъал адапти бубкЕули саби. Бахъли давла хъям-къацЕличил саби бурчуси. Адамти хЕулбала гъалаб рухЕла шайчиб пасадбирули саби. Арц дарес багъандан сегъунти-дигара гЕямултачи бетулхъули саби.

– Ну рирхуси адам сарра. Амма, бусурманти сарра бикЕули цацабехЕ адапти уряхЕти баркъудлумази ихъули чебиухЕли, дила уркЕи къакъабикЕули саби. Динчиби политикализи булан гъудурбикЕули саби... Миллатчидешла билхЕлализи къужкадирулра. Наб бегЕлара децЕигуси нушала адаптани саби бегЕси миллатла культура хъумуртухЕли саби. Нушани нушала хала бегЕтачибад нушачи баибси культура мяхЕкамбарес гЕягЕнибиркур. ИлхЕлицун цархЕилти халкъанани нушала хЕурмат биру. Нуша дахъал динанар, дахъал миллатуни лерси улкализир хЕрдирулра. Азирти дусмазир диубти даршули узбиван хЕрдиэс, гъаннала гЕргъира дирехЕ. ЧЕянкЕли диргалабулхъутас гъабиз кабизахъес чебиркур. ГЕягЕил хЕрдиэс багъандан сабухъчерли дузес хЕяжатбиркур. ГЕямруличи гъав биэсти тяхЕяр-къяйда кадизахъалли, нушала улка къалабали гъалабахЕл башес бирар,- бурули сари илини.

Тамашала дубурлан хъунул адам сари Гяйшат Къурбановна. Илис улкала къисмат сунела къисматли бетатурли саби. Илини челябкъла улкализиб хЕрбирути сунела дурхЕнала ва илдачибад акЕубтала къисматуназиб чебиули сари. Илала урши Идрисли ДГУ-ла исторический факультет таманбариб. Рурси Эльмира шагъарла администрациялизир къуллукъчи сари. Алена – Трисанчила урга даражала школала завуч сари. Гяйшат Къурбановнала дурхЕначибад акЕубтира леб вецЕал. Илдазибад имцЕатигъунти халабаили саби ва гЕямрула гъуйчи дурабухъи саби. Илди лебилра ВагЕайчи дигили бицЕибти адапти саби. Хала нешли илдас илгъуна бяркъ бедлугули сари.

Берхъибси хъалибарг лебси хала неш ретаурли хъалли, Гяйшат Къурбановна паргъатли кариэс хъулрикЕули ахЕн. Ил гъаннара адаптас къуллукъличи каризури сари. Адам лебтасалра гЕягЕсили виэс вируси ахЕн, вайси бирусила мякълавад ил чехЕибсила дарили баткабирхъутазирад ахЕн Гяйшат Къурбановна. Ил барх бузутачи тЕалабкарсира сари, сунечи сари къяйдали. Илала халали ахЕнси квартирализир гъар секЕал чула мерличир сари. Илала мякълаб ил сари къайгъили адавруцибти сунела уркЕилис гъамти адапти саби.

Ну Гяйшатличил чуйнара къарширикира, дахъал секЕайчила гъайдикЕули куалунра. Ил секъяйдали духуси, пасихЕси адам сарил наб гъатЕира гЕягЕил якъинбиуб. Илала рухЕла дунъя гъарли-марси шягЕирлаван поэзия-

ли булан бицџили саби. Илини назмурти лукџули сари, литература дучџули сари. Сунела бегџти кџяйда, Мяхџаммадла бегџтира ряхџму-уркџецџила бегџти, адамтачил балгунти бирутири. Илдигџунти гџяхџти кџиликџуни бегџтачирад дурхџначи диути сари ва даимдирути сари.

Даргала пагџмучерси поэт хџямшиман Хамис Маллаевани Гџяйшатли делкџунти назмурти делчџун ва ахџли кџиматла дариб. Гџатџира лукџахџес маслигџятбариб. Жявлил кадяхџес гџягџнисири рикџули калун. Илини сари Гџяйшатлис багџишлабарили белкџунзи назмулизир ишдигџунти тугџи лер:

**Мякџлаб хџербирутас хџу  
Сихџрула дарман сарри,  
Тухтур риџни багџандан  
Хџу адамтас ригулри.**

**Хџела назмурти дучџес  
Ну даим иштяхџлира,**

**Илда ну гџямруличи  
Уркџичерра рирулра.**

**Хџечи Аллагџ разивџи,  
Илгџуна ретаџнилис,  
Хџукџун шямван ухулри  
Алавчарти гџяламлис.**

Хџера секџяйда лукџулил Гџяйшат Кџурбановначи бархџибси кагџарлизи илала гџяхџси ралликџяна Айзанат Пашаевани:

**Гџяйшат Кџурбановназир  
Лер ванадеш ва шала,  
Кџьяндикаб – кџякџбяхџри  
Хџу мургалра нушала.**

**Милигиубсилис хџу  
Дяргџиб шинна гажинри,  
Урши-рурсила дурхџнас  
Алжанала анхџ сарри.**

Гџяйшат Кџурбановна рикџуливан, адамлис жагаси виџс ахџенну чебси, мургалра адамли виџс ва адамли калес саби. Нушазирти нукџсандешуни заманаличи чедуршни бархџси ахџен. Вайти замунтазибра адамти гџяхџтили калес бирути саби. Гџяхџти замунти ляркџниличи рирхули сари пергер дарган хџунул адам Бибалала Гџяйшат.

Жявхџейчибад дубуртазиб бурули бирар, хџябкџапџилизиб авкџапџи баргибси адам талихџчевси ветарар или. Хџела шишимти-дардани кџундицџниличи ва талихџ лугуси авкџапџи бургниличи рирхулра, дила ахџерси Гџяйшат!

*Суратуназиб: Гџяйшат сунела мурул Мяхџаммадличил (жагџхџели касибси саби), Гџяйшат Бибалаева;*





# Критика

ХІяпиз  
НУРМЯХІЯММАДОВ



## РАСУЛ БЯХІЯММАДОВЛА ПРОЗА

Расул Бяхіяммадовла цайбил повесть – «Адамдешла умцла» – учительла кыянси хІянчиличила саби. Авторлис ил тема гІяхІил тянишси саби – санигІят хІясибли педагог сайхІели.

Университет таманбарибмад, Батир Сагамахыла 8 дусла школала директор вариб. Классуназивад кыунзухъунхІели уркІи бамкыур: чІябарла уркыли дячири, дисба дурсибтиван партаби, гІямрардиубти столти, кыяшми дячунти чумал ута, букІуси хъалч. Ил палакатдеш писательли дурусли сипатбарили сай увла директор Муслимла авараагардеш чедаахъес багъандан Батир цайбти бурхІназивал школала куц кыулайбирахънилизи ахъиб.

Авторли сагаси директор бажардила адамван чебиахъули сай. Батирла хІер дазуагарли лайдакІибти чебаъла ваяхІличи бархъбизур. Илди низамличи душахъес учительтачи хъарбариб. Батир халахІерхуси руководитель сай. МугІялимтала уркІбачи гІяхІлашал асарбарес балуси. Нукъсандешуни агардарес хІяжатли биъни малхІямли аргъахъиб.

Батир бирхауди бирхъуси инсан сай – алавчартира тят сайван гъаргтичи биэсли. Масала, жягІял дарсличи лехІахъес аркыялли, ишхІели мугІяллимтази бури. Ил тяхІяр багаласили убулхъулри – учительтани директор гІяхІил кыабулирнила шайчиб.

Батир Булатович пагъмучевси методистван гъаргиуб. ГІяммала дарсла анализ дурусли бариб ва лерилра жагъалти гъандушиб, учитель вачахІерхахъес насихІятра бурили ХІяйдарла дарсличирра даари нукъсандешуни дакІудухъун. МугІяллимта чула даражлуми дуб-дубли иргъулри ва, гыми-кыяслис мер хІебалтули, сагаси директорлис баркалла балахъулри.

Батирли гІяхІти бархбасуни кадизахъур колхозличилра. Илис гъалавси директор виалли колхозличи кыакъгъавли кайзурсири сабухъ бурчухІели, кумекхІебирули. Илбагъандан, ашкарлигу колхозла хІякимтира акилри. Увла директорли ца хІекъдеш хІергъули уилри: кумекла кІел шали лерти диъни – вегІли бирусира, вегІлис бирусира.

Сагаси директорли, сай бекІли виубли, дурхІнала кІел бригада акІахъуб ва колхозла тІутІи луцІнилизи лайикъси пай кабихъиб. БелчІудила баз билалра, Батирли имкан баргиб шантала кыян заяли архІябукъяхъес, ил манзилла духІнар уркалунти дурсри чедирцІахъес тяхІярра баргили. Баягъи

икъала колхозла правлениели лайикъли къиматлабариб: школала художественная самодеятельностьлис жагати палтар асиб.

Писательли Батирла гуйчир гъалабизунира чедаахъили сари: хасси багъуди агарси учитель Гяммала, гъалавла директор Муслимла Гярзаби. Амма Батир илдачивад чедииркули сай – бузерила духуси бетуцличил. Илгъуна виэс гЯгГнили сай коллективла кайзурси бекI.

Школа белчIудиличиблицун таманбируси ахIен – эстетикалашалти гЯмрура лерти сари, далай-делхъла искусство ва драматический кружокуни. Илдани дурхIнала пагъмурти белгидиру ва гъаладяхI арку. Ил хIекъдеш мурхъли иргъурли директорли. Школализиб художественная самодеятельностьла хIянчи гЯхIси даражаличиб тIашбатур. Шантас ил гЯхIбизур. Спектакльлизир бутIакъяндеш дариб директорлира. Илгъуна анцIбукъ школализиб гъалаб бируси ахIенри.

Расул БяхIяммадовла творчестволизиб учительла темали баари мер бурцули саби. Илис багъишлабарили саби «Жавгъар» повестьра. Жагъил учительницаличила саби ил – санигIятлис мардешличила ва бузери бархъли тIашбатес къайгъиличила, хIялалдешличила, бирхаудиличила.

Жавгъар Валихановна Дубри шила 8 дуслас школализир рузес разирикиб: университетла хIунтIена диплом касибси педагог – райцентрлизибад бегIла гъарахъси шилизи ракиб. Писательли ил халаси дигиличил сипатрирули сай. Жавгъар сунела хIянчилис цахIнарли харжриэс хIядурли сари: тIалабкарси ва къайгъичерси. БегIлара гъалар ил ряхIягиб белчIудилизиб гIелакабухъунти дурхIнас имцIякъ дурсри дирес хIяжатли биъниличи. ЛукIесбучIес хIебалутира баари лебли уббухъун. Четвертъла ахирлизир Жавгъарли лайикъти къиматуни кадатур – 20 дурхIялизибад 5-лис «Килаби». Классунала руководителти бачабархиб. Амма хIякъикъат ЖавгъаргIеблири.

Жавгъар сунела мер балуси ва адамдеш тамай саркъибси учительница сари. Къиянтазирад уруххIекIуси илини хIера сегъуна жаваб лугулил сунечи хIебирхутас – бегI гъалаб школала директор Къиримхан Шайховичлис: «Школализирад гъархIерулхъас. Ара-сагъти дурхIни гЯхIил бучIес бирути биъни хIушаб ашкарбарили гIергъи аркъяс». Жавгъарли директорличил иргъахънила хIянчи даимбирули сари: «Дила яхI-ламусличи декIти дугъба къяйкъмакIуд – илди датахъес дилара ярагъ лерти сарину». Жагъил учительница сунени кадалтути къиматунас жавабкардеш дихуси духучан сари. ДурхIнала багъудлума ахтардидарахъес гъиррикIули сари – хIякъикъат тяп саби лебсиван, ашкарбиахъес. Жавгъар Валихановна жалличи ретикиб: «Лерилра классуназир ахтардила хIянчурби дурадеркIни тиладибирулра. ИлхIели якъинбирар, бучIанти севан бажардибиркулил. Илдачил чили сегъуна хIянчи бирулил».

Жавгъар бархъдешлизирад тамай хъархIерси мугIяллим сари – хIекъси пикрилизирад гIелумхIерилзуси. Сунела къалпла авара детхIедурхниличи шакикибси директор малхIямли иличи дугъаилзули сай: «ХIед вайдеш дигуси ишав чилра агара. ЦархIилтиван рузен – «ей» хIейкIус, «жей» хIейкIус». Учителъницани гIуркъубяхъличил жаваб хъячIиули сари – суал бухIналли: «ЦархIилтиван – секIал хIебалутасра «хIяблаби» кадалтули?! БегIтира пачалихъра биргIябургули?! Юх, Къиримхан Шайхович, набзирад илгъуна учительница хIеририд!»

Писательли буруливан, Къиримхан Шайхович, сунечилацун пикриикIу-

си «къуртма» сайри: сунес гІяхІил биалли, цархІилтала авараагарси – я дурхІнала багъудиличила, я учительтала бекІахъудиличила пикрихІейКуси! ХІялалси къайгъичерси жагъил мугІяллим илис «изала» ретаур. Илис гъалаб школализиб илгъуна анцІбукъ биубси ахІенри. – мугІяллимти директорлис мутІигІти бири.

Расул БяхІяммадовли лишанбирули сай дуб-дубли черсаргъути учительтала, шила хІякимтала ва райОНО-ла дагъриличи, хІятта цацабехІтани, масала, райОНО-ла инспектор Цашаловли, балкІдеш гІеббурцули биалра: директорла шайзибад чус сабиркуси гІяхІдеш багъандан. ХІякъикъат баракатла шухІярилизи багъла-багълали шурбирули саби: школала профкомла председателъ РайхІянат РяхІимовна, райОНО-ла заведующий МяхІяммад ГІялиевич ва цархІилти жавабла хІянчизарти аги барсбиахъес гІягІнили саби ибси пикриличи бакІиб. Илгъуна къас акІни – Жавгъарла чедибдеш сабри.

Политикала повестьла жураличи хаскабирули саби «Зиланти» бикІуси произведениера. КІел хъалибаргла къиматуни гІямрула бетуцуначирли чедаахъили сари. АцІбукъуни кадиркули сари дубурла шилизир. Революция бетурхуси ва илис гІергъиси манзиллизир.

Октябръла революцияличила гъанна се-дигара дурули сари: вайтира гІяхІтира. Амма хІякъикъат хІясиббаралли, социализмализир гІяхІти шалуби дахъалри. Илгъуна мягІналичи ибкъилзули сай Расул БяхІяммадов. Революциялис гъаларти дубурлантала гІямру къарцинтиван чедаахъили сари. Иличи нуша дирхарахъулра Арсла хъалибаргла яшавла даражали. Ил дубурлай лебил мискиндеш бедили УзунхІяжизирад хъуми асиб. Баягъи вачар бетерхур тарих гъузгъалдиласи манзиллизиб. ХІера се рикІулил хъунул Зулайхат мурул Арслайзи: «Ягъари, сагаси хІукуматли хъуми керисули бикІулигу. ХІед хІяжатлирив УзунхІяжизирад хъуми асес?»

Повестьла сюжет каргъурли саби унраличирти кІел хъалибаргла къиматунала хъулчиличиб – яшавла даражаличиб ва пикрумала бетуцличиб. Хъалибаргунала бурги саби Арслан ва УзунхІяжи. Амма илдала гІямрула бетуцуни декІарти сари. Цаибил хІялалдешла гъуйчив сай, кІиибил – хІярамдешла. Макруж УзунхІяжили революциялизивад кахиубли, сунела лерилра хъуми дициб.

Гъаланачи мяштІла игитунни бекІбирехІе. Илдазивад цаибил сай минала хъубзар Арслан. ГІядатла ил дубурлан бахъли гапируси инсан сай, пергер зяхІматчира. АнцІбукъуни кадиркули сари Усидейла шилизир.

Революциялис гъаларти дубурлантала гІямру бирхауди бихъесли сипатдарили сари. Повестьлизиб «ЦукІа» ибси дев леб. Гъаннала бахъал дарганта ил аргъибси хІебургар. Авторли буруливан, «цукІа» гІядатла ахІенси цІа саби. Урцуйзира куркбазира халаси цІа билкъа, бемжализи куркбира сагали чедилкъа. Илдачи беръубси гъябжа кабирхъу – гІянжила бекІара барили бекІа игахъу. Пур – цукІала берхІе-хІунтІена палда хъумачи тІинтІидиру. ЦукІа билкъули бирар хъумас дек агартани. Арсланра цукІа билкъутазиwad ца сай. Илала дагърилизиб барсдешра акІуб сагаси журала советский хІукуматличи цахІнабли умут бихъиб.

Арслан тІабигІятлизивра баркъудилизивра баракатла адам сай. Халкъли иличи халаси игъдибар бихъиб – МФ-ла заведующийвариб. Ниъла гъарил

кІантличи дурусли чекайзур: чизилра селра бигІяхъес хІебалти. Дахъал сархибдешуни диахъуб. ГІур сай гІяхІулали фашистуначи кършили ургъес арякъун.

Къяш агарли чарухъун. Писательли Арслан халаси яхІла гъабза сайливан гъалаихъили сай. Арслан кІиибил адам сай дургъбазивад чарухъунси. Иличил шанта халаси гъунибаъни дурабуркІули саби, нушалатани сархути гъунартачи шантази пахрубирахъули. Шантас тамашабизур Паулюс ясируцнилизир Арслай бутІакъяндеш дарниличила хабар.

ГІур Арслан колхозла председателъла къуллукъличи гъалаирхъули сай. Сагаси Іяхим ванзала хІяхъикъат гІяхІил балуси зяхІматчиван сипатирули сай. Амма ил къачагъ ветаурси сунела унра УзунІяхжини кавшиб.

Авторли УзунІяхжи гІясикар ва тамяхІкар инсан сайлин чеваахъили сай. хъалибарглизивра къяркъси сай. Илис децІкабиулри унра Арслайс авал урши акІубхІели сунес хІябал рурсицун акІубли (цалра урши агарли). Илбагъандан хъунуйчил даим къалмакъарлизиври – гъатІи рурси раркъалли декІарикес урехи балахъулри. Ва хапли УзунІяхжис гъарбизур – урши акІуб. Башир бихъиб.

УзунІяхжи къяркъси дудеш сайливан гъалаилзули сай Баширла дурхІядешлис азаддеш лугули ахІен – вайси гъавализивад ва гІурилти бехІемцІуназивад сахъли мяхІкамирули. Амма ца анцІбукъли УзунІяхжис децІагахъиб. Хъулив чилра агархІели, виштІаси Башир зилан Сабурличи вакІиб: кІелра лац лушнила хІязлизи ахъиб. Амма хІяхъикъат бижгур. Сабурли ахъбуцибси къякъ хатІаличил Баширла бекІличи чегиб, хІи кадухъун. Ил анцІбукъли аги гъатІира вайбариб. Баширла рузини Сабурла вяхІлизи пІяцІасахъиб. УзунІяхжинира Сабурла лихІи битІакІиб.

УзунІяхжи колхозла складчик сайри. ХъунтикІес ил гІяхІси мер сабри. УзунІяхжи ишгъуна пикриличил хІерирули сай. «Колхозла секІал бигІи хъалли, бунагъ хІебиур».

УзунІяхжила къисматлизиб гъанагарси ласбулхъли бетаур дергълизи вархъес повестка бакІни. Ил багъахънили складчи тамай гъалаксаахъур. УзунІяхжилиб ишгъуна пикри лямцІбухъун. «Кунби демдаб хІушала рахли архІевкасли». Къачагъ ветаэс къасбариб.

Писательли УзунІяхжила хІегъси уркІи гъаргбирули сай. Гъуниватесшила дубла ракибси хъунуйчи хъарбариб: «Рахъ пухІхІерикІули хъулибси мас мяхІкамбара. Чумал дус дукес курлихІибси баракат биур. Варъа яра нерх дицадалли, ризкъила ца дех лугули саби. Кур итхІяйзиб кІапІбирен, дура шимазиб ахІенси вачар мабирид».

УзунІяхжини къачагъла гъуни чеббикІиб. Дергълизи арукънила хабар аберадахъили, УзунІяхжи ламартла гъуйчи кайзур. УзунІяхжи мяхІкамси къачагъ сай. «ГІярмиялизи укаслира дявлизи къалли укес хІебирар» ибси пикри бекІ бархІил лебсири илизиб. Районна центрлизи аркъухІели, гъавухъесра вири. Амма къачагъла у хІейгулри – шантани уркъубирхъу или. Илала къас цархІил сабри: дергъла майдайчивад кІунвацІасли къел-хІерзи агарли ветахъиб или шилизи балахъу.

ГІярмиялизи «арякъунси» складчи шилизи дигІянали чарухъун. Дурхъиб абуркъибси курлихІив дигІяникилри. ИлигІиб умцІулри законна шайчирти органи. Илдала гъайла пукъаливсини гІяхІил иргъулри. Писательли УзунІяхжила хаиндеш ашкардирули сай: «Хъунуй вершадеш хІедаралли, ну къалли хІергура. Рахли уцасли, бегІ гъалаб илис иргъис».

Милицияла хІянчизарта УзунхІяжила курлихІирад нурхба, нусба ва варъали дицІибти чармуни адитІун. Юртлизирад дурасибти къалтинтала, цІуб арцла ва цархІилти матяхІла бекІа бариб. Ила килри къачагъла кулпестра. ГІянручІлис УзунхІяжили юрт бархъбатур.

Автор къачагъла хІял-тІабигІятличи тІалабкарли чекайзурли сай. УзунхІяжи дугякъван дугели ахІенси дурахІелхъалра, хІерели инкъурбазивад алавчарти мер-мусаличи хІерикІулри сунес урехи лебал ахтардибурулри. Илизиб хІятта хъунуйчира бирхауди бетяхъиб: «Мер багъалли, белики уцахъиша?» бусягІятал цархІил пикри хъячІбикиб: «ВацІализив хІериурула викІус ва ургубализив къаршииркус».

Сунелацун къисматличила пикриикІуси хасмуш сай УзунхІяжи. Хъунул Къзабани илис гъладирхъути бусравти дебали мягІничерти сари – сай багъандан кулпет гІязабхІеберкІахъести. Сепайда, мурул къабулиркули ахІен. УзунхІяжила гъай мисаллис леркулра тят дуриливан «Дила жан илдас (милицабас) къурбандарес дигулрив? Наб саби къукъмусбиркур: Дагъиста къапуглизи къутІбикІули саби – бахъІиагарли абицІур!»

Амма къачагъла ил мурад бетхІеберхур. Истребительный отрядла начальник Даудовли УзунхІяжи урцу. Ил баркъудилизиб пай лебси саби Сабурлара. Къачагъуни бурцахъес ил серхурси кумекчи сайри.

Сабурла дурхІядеш малхІямли делкІи сари – учІан мяштІиэсли. Урегал дус виубхІейчивад ил бегІтас кумекчи сайри: дубурличирад шилизи унци кес, дегличир унци гъайдарес, хІерила гІергъи унци дуки ардикес. Сабурли зилантачил гъалмагъдеш гІяхІил уржахъес бали, бегІгъалабси яргализир – унра Баширличил. Ил секІайчи Баширла бегІти къаршили хъалли (уршилис къадагъа кабилзахъули), пурсат бикибхІели, Башир Сабурличи гъалакикІули сай. Бараван гІулухъадешлизи ухІнаверхурси Сабур къачагъуначи къаршили ургъули сай – уркІила жи хІясибли. УзунхІяжила хІярхІя илис чейгур – къяшлизивад вирхъу.

Сабурлара Баширлара образунни – заманала умцла хІясибли – кІел бутІаличи делхъули сари: дурхІядешла ва дикъурти жагъдешла.

Дагъиста шила хозяйства институтла студент ветаурси Сабурли Бузерила ХІунтІена Байрахъла орден бихули сай. Общежитиелизив хІерирули тяниширули сай УзунхІяжила рурси Аминатличил. Сабур илдала хъули лявкъян. Ил Аминатличи гІяшикъли сай. Сабур Къзабачилра къаршиикиб.

Повесть таманбирули саби бекІлил гъанагарси анцІбукъличил. Строительствота бригадирли шофер суктуирулри, машиналичиб бекІа архулри или – хІянчи бархъбатурли. Ахирлизиб якъинбиуб, баягъи бригадир УзунхІяжила урши Башир виъни. Гъанна сайри Сабурли ил вагъурси. Сабур штатлизив ахІенси милицияла хІянчизар сайли увухъун, удостоверение чебаахъиб. Жаназачебси машина башахъес Сабурли буйрухъбариб. Шайчи кабихъили, Баширли бигІунси шихъла тІакъара лебри. Сабурли Баширлис милициялизи ватихъахъес буйрухъбариб.

Произведениелизиб Сабурлара Аминатлара дигайличила бара гъанбушили саби: гІур селра бурили ахІен. Авторли илкъяйда лайикъли чебаили сай Сабурли Башир пужварни биалли хІекъси баркъуди саби. Илизибад ишгъуна гІяшир кайсули саби: хасмушлис мурталра гъарбилзуси ахІен.

Расул БяхІяммадов, творчества бекІсигъуна хасдеш хІясибли аналитический писатель сай. Ил хасдеш ишкъяйда иргъуси саби: авторли анцІбукъу-

ни сипатдирулицун ахӀенну илди кадирикнила сабабтира гьаргдирули сай. Ил шайчиб халаси мах бихули саби «Къяббердибси гьуни» повестьли.

Селичилав ил? Советский улкала экономикалис гьалабизуни детаурти уюнтачила чулира улка пашбехъниличи бетикахъибти! Даргала ва Дагъиста литературализиб ил манзилличи цахӀнабли хаскабиубси произведение агара или гьанбиркули саби наб. Повестьлизиб аргъесли бурили саби, сен пашбехъубсирил дунъяличиб бегӀлара халаси пачалихъли сабси Советунала Союз. Ил бетаънилис духӀнарти гьаликӀуни гӀяхӀцадла имцӀалири, дурартиван ахӀи. Илдазибад цаибил экономика къалпла хьулчиличиб белшни (каникӀун биргӀябиргес вирус ахӀен!)

Повесть бехӀбирхъули саби партияла райкомла цаибил секретарьла кабинетлизиб бетурхуси анцӀбукъличибад. Ил хасбарили саби «Октябрь» совхозлизиб акӀубси къиянси агилис. Цаибил секретарь Мирзахан Увайсовичла кабинетлизи тӀалаббарили саби директор Юсупра, парткомла секретарь Мурадла совхозлизи кадурхути шимала советунала председателти ГӀярнира..... ХӀялимира.

Цаибилли арзес гӀягӀниси суал гӀячихъбариб «ХӀуша тӀалабдарнила мурад ишгъуна саби – пачалихълис ниъ дирцнила шайчибси план таманбирнилис урехи акӀубли саби, хӀушала ниъ камли сари». ИкӀди гъай ургалли районнис гьуни чебиахъути хӀякимтала бузерила ва яшавла даражлуми ашкардирули сари.

АкӀубси агила хӀячми тамай гьаргдариб Юсупли. Цаибил нукьсандеш ишгъуна саби: ниъ картӀес флягаби диули ахӀен, илди асахъес банкли документунира къулбасхӀедирули сари.

«СабабтагӀир хӀемцӀули, план таманбарая. УргӀебси анцӀбукълизиб хӀушала суал цархӀил тяхӀярли ирзехӀе» – чӀярухъун цаибил секретарь. Писательла шайзибад иличи гӀяйиб цӀиркӀли гьанарули саби – цаибил секретарь вяв-чӀярикӀес гӀягӀниси ахӀенну, хӀякъикъат мурхъли аргъахъес хӀяжатлири.

ГӀур цаибилли айзахъур Баракат шила бекӀ Пашаев ХӀялим. ХӀялимли багъахъур, халкълизирад гьар бархӀи 500 литр ниъла исниличила. Райкомла халавегӀли илхӀяйзибал гӀяйиббариб – планна лугӀира гьанбушили: «600 центнер хӀяжатти сари – гьар къяйчи 100 лиртр хӀясибли».

Ярга баиб Дибгак шила бекӀ Муслимов ГӀярипличи. Илини багъахъур 300 къял лерниличила, гьар бархӀи 600 литр ниъла дурчниличила. 300 центнерла план имцӀали таманбарниличилара. Илди баянтани Мирзахан Увайсович разивариб.

БегӀла гӀергъиси гъай бедиб парткомла секретарь Адамов Мурадлизи. Сагаси къуллукъличи вакӀес гьалав учительли ва школала директорли узули калунсири. Сай вегӀси пикри бархъаначи буруси инсан сай Мурад. Ил къиликъ писательли чебяхӀли къабулбирули сай.

Повестьла бекӀ игит сай парткомла секретарь Мурад Адамович. Илис гьаланачи хӀякъикъат аргъес къиянбулхъулри – алавчарли авараагардеш сари – хӀякимталара ялчналара. Мурадли къасбариб аги багъес, гӀур хӀяжатти тяхӀурти далдуцес. Ца бархӀи илини хӀябалра фермала дояркаби ва дукикъянаби цалабяхъиб. Совхозла жавабла хӀянчизартазибад директор ахӀи чилра аги. Бузерилизирти нукьсандешуни гьандушиб рахъхӀила доярка ЦӀибацли. Ниъ дахъдаахъили премия сархес багъандан, шин дархиули сари. Илдас сегъуналра танбихӀ агара. ЦӀибацли ишгъуна суал тӀашбатур:

«Рарх рузуси дояркачила ну гІярзрикІес гІягІнисив? Ишдус гьар 100 кьайчи сархибти 77-цун кьача сари – сенкІун дахьал кьули аркІли калун». ЦІибацла гІурилти гьайлизибад якьинбиуб дояркала алапа камбиьни, шабагьатличилара хьумкартни. РахьхІила дояркали халаси кьабулагардеш багьахьур специалистунала кисмазиб кепекла зарал хІебиьниличила – илдас села аварав, хІякьикьат сегьуна кабизаллира кьули демгаб – мадемгаб, ниь дахьал диаб – камти диаб. Илдала алапара сархибдешуназибад хьархІерсили биахьес гІягІнибиркур.

ЦархІил доярка харчризур. Илини дурутира дархьтири. Ил ишкьайда рехІрихьиб: «Дахьал ниь дирзая дикІулрая хІуша. Кьулани гибти ахІенти дирзес дирутирав нушани?» Доярка терсли даимриуб. Бархьдеш бурни писательли чебяхІли чебиули сай. Ил ибкьли саруркІули саби Салиматла гьайлизибад «Рацион» бикІуси даража лебниличила гьанбушиб амма кьулас ил агара. 6-7 баз кьули далхули сари балчалицун. Демгуртасалра бемхІари агара, ярмаличила жьавлил хьумкартурлира, мураара камли сари. Салиматли уркьбяхьуни ибкьбули сари: «ХІебиалли кьули дурайулра, кепси адамван, гьакІаркадикІахьули. ДебкІес детикибти кьулани ниь лугав?»

Игитунала хІер гьарил нукьсандешличи чебетули саби – писательли илдигьунти гьалабихьили сай «Итилра бура, Салимат» – мякьлабти жагьил дояркаби гІяшли хьарбикІесбяхІиб. Илдала гьайлизибад якьинбируливан палакатдешунала сияхІ гІеркьабиублири. ЦІум бекІахьудила шуртІрачила сабри. Дояркабас букІри ицес мер агарли уббухьун, газетаби – журналтанира гьуни хьумкартур, радиоличилара гьанбуршуси варгес хІейрули сай. Парткомла секретарьли дояркабала шикаятуни книжкализи делкІун. Ца гьатІи доярка гьайрухьун. УрцІадиубти дярхь-гІяяличила зигарьала каруркІулри: кьачни каэс мер агара, хьулчри дукІулри, чІябурти чукълумардиублири. Ил аги багьандан Мурадли Юсуплис гІуркьбяхьиб. Аги барсбиахьес хІяжатли биьниличила лебтанилра аргьиб ва нукьсандешуначила бурибтас баркалла багьахьур.

«ГІядатла зяхІматчиби хІялалси бузериличи муштартили биэс хІебирар, хІякимти хьунтІбикІули биалли, – илгьуна хІекьси пикриличи инкирхьули сай Расул БяхІяммадов. ИкІ пикри иртІули саби чумал дус райПО-лизив узули калунси шоферла гьайлизибад. Дербентла вачарла базарличирад илини 100 кьалтин лерхулри, районна зяхІматчибас дицахьес дедибти. Гьуйчив ил райкомла «Волгали» тІашаиб. Иличивад цаибил секретарь кацІиб, бегІлара жагати ва дурхьати 10 кьалтин черкасахьили, сунела машиналичи кадилахьиб. Ил анцІбцукь цахбарихІели, сайра райПО-ла председателъра хІянчиличибад акьубатур.

МягІналасал дигуцад цІакьси бутІа саби Мурадли хІукуматличила буруси. Парткомла секретарьли Зулпукьарра МутІалимра танбихІлабариб. Ил хІукмула хьулчиличибли Мурад Адамовичлара Мирзахан Увайсовичлара ургала бижгур. Секретарьли далилти дикули сай, парткомла секретарьла хІукмуртачи кьаршити: «Нушала кьас, танбихІбирни ахІенну хатІахІебарахьес кумекбирни саби. Зулпукьар районнизив гьавкьа мицІираг адилкьан сай, «ХІурматла Лишан» орден бихуси. Мурад сай вегІси пикри лебси коммунистан вагьарулхьули сай: цаибил секретарьлис гІуркьубяхь хьячІаиб – «Орден бихусиличи кункси тІалаб, хІебихусиличи – халаси диэс гІягІни-ти ахІен или. Парткомла секретарь Адамов Мурадлис райкомла шайзибад

выговор багъахъур. Коммунистуну МутАлим ва Зулпукъар биалли – гІяйиб бурили батур.

Номенклатурализи кабурхути (иш хІякъикъатлизиб райкомлизи) адамтала ургаб бегІлара мяштІла образ саби хІябъибил секретарь Чупановала. ГІяхІгъабза хъунул адам сари ил, бархъдеш нана хІулбази чябхъяхъили бурес я уруххІекІуси я урузхІекІуси. Илини Зулпукъар бугътанчи сайливан ватІун, Мурад гІевуцили.

Брежневла манзилличибад бехІбихъили, коммунист партия урцІабиуб, хъунт-хъямла аварализи тамай мурхъбикни багъандан. Политический ил жагъил повестьлизиб гІяхІил саркъили саби: улкала халатигъунти коммунистуну бурибти хъулкни бетаур, инсаплизиб хІяжарбиуб. Ил даражалис гІячихъси бикъри саби хІялалси адам Мурад ахъти къуллукъунгачибти коммунист хІякимта къас-къасли вячІни

Расул БяхІяммадов – даргала халаси прозаик сай. Ишаб «халаси» ибси белгидеш авторли делкІунти жузала къадарличи хасбируси ахІенну, илдала мягІничебдешличи чебетиуси саби. Писательлис (чи виаллира) къимат кабатес гІягІнибиркур – бегІла гъалаб – ахъдуцибти масъултала къадричебдеш хІясибли (художестволашалси къатра баягъи даражаличил уржили биэс гІягІнили биалра) амма художественный хІякъикъат сецадла саркъили биалра, темала къадричебдеш агара биалли, бухІнабуц давлачебли хІебиалли, мягІна бугадешли хІертІалли, мезла жагадешличиблицун литература къадричебсили биэс хІебирар. Расул БяхІяммадовли ил секІал гІяхІил аргъили сай: манзилла тІимхъличи чекайзурли лукІули!





# Очерк

Ражаб МЯХИЯММАДОВ

## ХИЕХЪИБТИ ДИГАЙ

1959 ибил дуслизиб Сергокъалала педучилище  
таманаибти дила зилантас

Дигай! Левсив дунъяличив илдала тИмкълизи хЕйкибси адам! Левси ви-алли, ил бегІлара талихІагарси сай. Дигайли сари адамла дуклума ляркъяхъ-ути, дигайли сай инсан урКичевириси, гьунартачи гьуцІириси...

ИтхІели нуша, дубурла шимазирад даКІибти гІулухъаби, ДешлахІярла эркинси ванзаличиб Дагъиста багъудлумала гъели белгІуси педучилищели-зир дучІулри. Дагъистайзиб Совет хІукумат кабизахъурли гІергъи ишаб, ДешлахІярла ца музаличиб, памятник тІашбатурсири. Ил мерличиб азаддеш ва бархъдеш багъандан пунтбиубти Самурский полкла бургъантани кабу-шибтири. Баягъи ил памятникла мякълаб сабри нуша дучІуси педучили-щела кІидерхІла юртра. ИтхІели нушала яшав мискинси сабри, гъаннала жагъилталаван, дурхъати палтар хІедири, нушазибад бахъла дудешуни дяв-тазиб алхири, калунталара даража гапла хІебири. Амма багъудиличи гъира, багъудлума касес нушала гъарилла къайгъни лерри. Илди гІердурцутири нушала пергер учительтанира.

Сецад къиянти шуртІразир нуша хІердирулихъалли, жагадеш хІясибхІе-дарили кахІевлулри. Жагаси бири ДешлахІяр. Илала къакъурби жагадиру-ли дири даргала шимазибад бакІибти гІянтІикІа рурсбанира. Алавси жага-дешра барх бучІути педучилищела азбар вавнани майданван жагабарибти уршби ва рурсби чебиухІели, нушани мискиндеш хъумуртири.

Нушазибад цацабехІла гелешмешуни лебри, лебри хъайчикабиибтира, амма бахъалгъунтала урКІби умцІулри цайли цаси раргес. Илдигъунтани чула урКІби гъаргдируси мерли чеббирКІусири баягъи чедиб гъанбушибси памятник. Ил памятникла гъалаб чумилра гІулухъани дурхъаси хъя бариб – дигайлис марли калес, чалис ца дунъяличиб хъарихъли бетаэс, цахІнаб талихІла хъали белшес.

Ге, ванадеш даКІубирар урКІилизиб ит пергер замана гъанбикалли. БархІехъла замана, дурсри хІядурдарили гІергъи нуша общежитиелизир их-тилатдикІутири – дулчІунти жузачила, чедаибти кинобачила, ДешляхІярли-зир кадиркути анцІбукъуначила, нушала учительтачила, челябкълаличила. Училище тамануиси дуслизир нушала ихтилатуни имцІаливан дигайличила дири.

– ХІуша се дикІадалира, дигай лерти ахІен. Илди поэтунани пикрида-рибти сари, чула назмурти делкІес, – викІар гъачам ахъушан Амирхан. Ил нушачивра чумал дусла халал сайри, гІярмиялизиб къуллукъбарили чарухъ-унси. ЦацахІели илис нуша «къантІа солдат» дикІира. Сайра алаша вири,

ихтилагчи сайри. ИлхЕли нушачил варх учІуси къянасирагъан ГІяхІмад ургавхъун:

– ХІебиалли, Ромео-Жульеттара, Тагъирра Зугърара поэтунани пикрибарибтив?

ИтхЕли нушани балуливан, ГІяхІмад нушачил рарх рурчІуси урус рурсиличи гІяшикѝиублири.

Нуша ГІяхІмадла гъайли датдухъахъунра ва дукардяхІяхъира.

– Юх, Амирхан, – багълали дурабатур ванашикан Мустапани, – дигай лерти сари, амма илди гъарилла цаван цІумхІедикІар.

ИлхЕли лехІкахъибси мургукан Идрис айзур (илра нушачив халасири, гІярмия беркІили чарухъунсири, нушала староста сайри) ва чебатур:

– Дигай агарти гІямру – гІямру ахІен!

– Гъариягу, дила юлдашуни, – викІар зубанкан Амир, – сен-сен дигай дехІдирхъутил чили-биалра бураягу.

КъангІа буралли, гъариллис дигайличила се-биалра бурес дигули ахъиб, ва ихтилат бемжур.

Амма ца адам леври нушала ихтилат гІебхІебуцибси. Ил уркухъан Амирбек сайри. ИлхЕли нуни яхІбарес хІейубра ва викІула:

– Амирбек, хІу дебали пикриухъунсигъунаригу, бурагу, хІела сегъуна пикрил дигайличила?

Амирбек хІунтІениуб ва селра хІейкІули лехІкахъиб. ИлхЕли Амирбекла юлдаш цашан Наби ургавхъун:

– Ишала дигай дягІли ардухили сари. Ишис рурсбачи хІерикІесра дигули ахІен.

– Гъу, – викІар Идрис, – адамла уркІи бамкъахъуррая хІушани.

Лебилра лехІкахъиб. ИлхЕли сен къанни кадилхъутира или, сунеласун вьавикІули общежитиела комендант дурайкиб ва шала бишахъун.

ИлхІейчирад чумал бархІи ардякъун. Дарсличивра Амирбек учительла бурусиличи пикри бяхІчихІейули, улкъайлавад къакъализи хІерикІулри.

Гъачам дарган мезла учитель МуртазагІяли Ражабовичли Амирбеклис уркъбяхъиб:

– ХІу дарсличи лехІхІейхъулри. Се биубли хІед?

Амирбекли сегъуналра жаваб хІегиб ва лехІкахъиб.

Общежитиелизиб Амирбекла кровать дила кроватьла мякълаб бири. Гъачам лебилра бускаунхІели, илини ну дуравхъахъес тиладибариб. Ну къабуликира.

– Ца суал леб дила уркІиличиб лукъуси. ХІуни чизилра иличила хІебуриду?

– Гъайгъайра, хІебурис.

– Рурси чехІераили, дигай дихъес вирусив?

– Бархъли бурасли, илдигъунти дигайличила нуни аргъибси ахІен.

Амирбек пикри-пикриухъун, халаси гъигъ абатур ва наб кагъар гъабуциб.

– Нуни чумал бархІи гъалаб иш кагъар касира, белчІен...

«Амирбек, салам! ХІела у ва адрес делкІунси кагъарла къуруш набчи баиб. Илаб бяхъибси уркІила суратра лебри. ХІура дилаван дигайли уркІи бяхъибси ургар рикІули, хІечи кагъар лукІула. Жаваб чарбатадли, нуни хІези дила уркІи бурис.

Саламтачил Марина».

МяхІячкъала шагъар.

Илгъуна мягІнала кагъар сабри дила юлдашли касибси. Кагъарлизиб Маринала адресра лебри.

– Агъ, хЕла хъали гІяхІбиъ, – викІула ну, – дигай дуклумачир хЕчидяхІ арцуригу. Сен вахъхІи пикриикІусири? Къалабали жаваб белкІен!

Амирбек пикриухъун

Ну викІула:

– Шилизир хЕла гъалмагъ-мага кІерсив?

– Лерри. Амма гъанна шери аррякъи сари, – пашманни жаваб чарбатур илини. – ЦархІил адам дигахъес вирус или гъанхЕбиркур. Цаибти дигай хъумартес хЕйрула.

– ХЕбиалли, дила юлдаш, хЕхъибти дигай датину, сагати дигай дехІ-дихъа.

– Гъаригу, дила узи, дила шайзибад хІуни Мариначи кагъар белкІен, – тиладибариб Амирбекли ва чебатур: – ХЕла хатІра жагати сари, делкІестира далад.

Гъайгъайра, нуни Амирбекла шайзибад кагъар белкІунра. Ил кагъарла бухІнабуц нуни ишаб гъанхЕбуршис.

Чумал бархІили жаваб касира нушани. «Нушани» викІула, сенахІенну дигайла ил хІязлизи нура гъудуриублири. Ил анцІбукъ сен-сен таманбирал набра тамашабилзулри.

Ца кагъарлизиб Маринала суратра лебри. Амирбекли сунела суратра иличи бархъиб. Илди кІилалра бархбасуни илкъяйда демжур.

Суратлизирад жагаси сипатла рурси хІеррикІулри. Дила хІер зузбитІун-хЕли, Амирбек гъузгъалдивиуб:

– Э-э, юлдаш, урхІла гъалмагъличи вахъхІи хІермаикІуд! Ва сурат набзибад кебасиб.

– ВяхІ, – викІула юлдашличи къясиубли ну, – кагъурти лукІахъес набчи вирхули, суратличи хІерахъес къадагъабирулрив?

– ГІясимаируд, амма Мариначи дигай дургъули сари, – викІар Амирбек.

– Гъу-гъу, – викІула, – гъардизаб хІушала дигай. Амма гІур кагъар хЕ-лукІас. Дилара шилизир риганай лерси сари. ХЕла кагъурта ил хъумартахъур.

АлхІят бархІи МяхІячкъалализи дукъес ва Мариначил гъунидаэс нуша вягІдаладиубра. Чеадалри илхЕли хІушани нушала Амирбек! Шалбар, хЕ-ва итуладариб, парикмахерскаялизиб бекІ бялгІяхъун. Одеколон кисалаб би-ханиуб. Гъайла къантІа, гъарли-марси жагъилличи шурухъун. Нуша хІери-ла заманалис МяхІячкъалализи даира. Дахадаевдла уличилси къакъализиб вавнала хала асира ва адрес хІясибли Маринала хъайчи гъамдиубра. Урца къапу духІнарад гІекІилри. Нуни къутІдяхъира. Амирбек вавнала халаличил мякълав тІашлири.

Чумал минутли къапу гъаргдиуб, ва нушачи гъести гІямрула, дяхІиван цІубдиубти гъезла чурми михъирличи даткаибси хъунул адам гъамриуб.

– Нушаб Марина гІягІнили сари, – руржуси тІама дурабатур Амирбекли.

Хъунул адамли нуша ярга-яргали бургачирад къяшмачи бикайчи хІерда-рира ва, пишряхъили, дурабатур:

– Ну сарра Марина.

Амирбекли някъбазирти вавни ванзаличи даткаиб, хІунтІен-цІубиуб ва ил чехІераэс гІелавяхІ чаряхъиб. Нуни хъарбиула:

– Бягъи кагъурти лукІусира хІу саррив?

– Сарригу, Амирбек чиди... сая?

– Хіера ит сай хІела Амирбек. ХІуни илис дебали децІагахылри, Марина рисирииб ва гьар секІайчила хІякьикьат буриб.

– Тукейзиб наб кьуруш чарбариб. Илар Амирбекла у ва адрес лерри, бяхьибси уркІила суратра лебри. Ил секІай дила уркІиличи вакІахьиб дургъ-базив алхунси гелешмеш. Илисра Амирбек бикІусири. Цаличи ца кагъурта лукІухІели, дигайла лишан – уркІи – суратбирусири. Баягъи ит кьурушли дила цаибти дигай мицІирдариб. ГІямруличи гьира имцІабиуб. Кагъар белкес хІяздохъун. Ну мицІиррарнилис баркалларикІула.

Бархьли бурасли, гьаланачи ну гІясилири, гІур гьар секІал аргьира. Ге, дигайли се-дигара бирахъу: адам ахъурцу, каркахъу... амма ца секІал ашкар-си саби: дигай халаси цІакьла секІал дуили сари.

Гьардилзаб дигай.

БусягІят Марина дунъяличир агара. Калун шери хІярякьи. Рурсили хІянириуб, сунела Амирбеклис марли калун. Нушала Амирбек биалли левал. Иш хабар белкІунси набчивад ил чевкархар или гьанбиркули саби. ИтхІейчи-радкІун шуцІали дусличирра имцІали ардякьи сари.

### ШАЛАТИ ПИКРУМИРА ШЯВДИРУТИ ГІЯМРУРА

ВагІа Хала дявтас гьаларти дусмазиб Журмачила шила дайлабси ца-дерхІла мижитла-юрт партияла итхІелла тІалабуни хІясибли клублици шур-батурсири. Чумал дусла гІергъи халкьли мутрил илаб «Аллагъла хьали» лебниличилара хьумкартур. Белхаагарти жагьилтани, бархІехъла манзилли-чибад бехІбихьили кьанси дугиличи бикайчи булхьули, далайбикІули, шад-ли замана буркІусири илаб. ВагІа дявтала кІухли шаддешла далай-гьалайла тІамри кьябаиб.

60-70 ибти дусмазиб нушани, сагаси наслула жагьилтани, дудешунани бузахъуси гІядат даимбарира. Гьала-гьала нушабра убла мижитла юрт бага-лабиубсири. ГІур, 70 ибти дусмазиб, библиотекаличил бархбасахъи, клублис халаси юрт тІашбатурхІели, собраниеби илар дурадуркІутири, лекцияби дучІутири, концертуни чедиахъутири.

Школала учительтазибад, шила жагьилтазибад цалабикибси художественная самодеятельностьла коллектив бири. Жигарчебти бутІакьяччиби бири Гьаниев ГІялла, СултІангІяхІмадов Ибрагьимбек, Разакьов Аскандар, Аккаев ГІябдулхІямид, МяхІяммадов Жамбулат, ГІябдулхаликьов ХІяжи, хІуцІран учитель Кьурбанов МяхІяммад, илала хьунул Румова Жувайрат, МяхІяммадов Мутай ва цархІилти. Жикьиличил макьамти дирхъи ГІяб-дулхІямидли, диндаличир агурби кайи Ибрагьимбекли, дам-дядличил зал зайбулхъахъи Ибрагьимов ГІяхІмадхай, СалихІов Халимбекли, Жалилов Ба-дирхай, Исапилов ХІяжибяхІяммадли. Макьамтачил кІишан чугур жагали «гьайбулхъахъи» Юсупов Расулли, ГІяхІмадов ГІябдулманапли, Разакьов Аскандарли, Кьамбулатов Темирхай...

Цагъачам, дус гьанбиркули ахІен, Цаибил майла байрамлис нушани кон-церт хІядурбарисири. Программализи каберхахъурли, даргала сатирик

ГІязиз Иминагаевла «Маллара рурсира» бикІуси назму пьеса бетаахъурра. Маллала ва рурсила ролани ГІяллайли ва Ибрагъимбекли дузахъулри. Мурал адамла ва хъунул адамла гьалар челгъути палтарли бегІбиубли, тІамара барсбирули, илди гъайбикІулри, далайбикІулри. «Дурабад бакІибти» илди ГІяртистуначи журмуканти, хаслира гьести ГІямрула адамти, халаси иштяхІ-личил хІербикІулри.

– Гъуя, цахли ахІену икІ рурсилис? Маллуби илкьяйда балтІути бирару? Чинарад ракІибси, чидилти бегІтала сарира? – бикІутири хъунул адамти.

Пьеса таманбиубла сабри илдас хІякьикъат гъаргбиубси.

ЦархІил анцІбукъ гъанбиркули саби. Советунала ГІярмияла бархІилис хасбарибси концерт бузахъуси Халирбагъин МяхІяммадовли багъахъур:

– Гъанна хІушаб далай бучІа Разакъла Аскандарли.

ИлхІели Аскандар заллизив сунес хабарагарси багъахънили харчизахъур:

– ВяхІ! ХІядуриубли ахІенра. Се дикІулрая гъари хІуша? Ишцадра ишцад адам хІядурдеш агарли сценаличи ацІишав? Юх!

–ХІебиалли, хІела далай белчІахъес ихтияр га.

– Валлагъи ГІязим, ну разилира. ЧІянкІли ну ватабая.

Аскандарливан чугурра шалкІубуцили, Жамбулат сценаличи дуравхъун. Зал шипІбярГиб. Тяп Аскандарлайчи мешуси тІамаличил, илала кьумурла масхарала гъай хІясибли далай бехІбихъиб:

**Вархила музаличив  
ХІедаршиб тупа итан,  
Виккул дила уццигъар,  
Калгаб дила Илияс.**

**Арцури аркъян тІентІлис  
ЛутИ-ГІябул адирхъян,  
Ватаби, Халикъ-ацци,  
Далайра далай, далай.**

**Маймунакла вяхІличив  
Къисккатала супилтар,  
ХІат саби дила далай,  
Виккул дила Темирхан...**

ИлхІели бегІла цакакли хъатикІуси Аскандар сайри. Илала гІергъи чумра мерличиб Жамбулатлис Аскандарла гІердирули, далайэс чебуркъиб.

Школала моторист Акаев ГІябдулхІямидли ахъушан Писки МяхІла гъай хІясибли далай белчІунсири:

**АрхІяливад лявкъясли  
Киса арцли бицІили,  
«ХІябилра духул леври», –  
БикІутири тухумти.**

**АрхЯливад лявкъясли  
Кисалар арц агарли,  
«ХЯбилра мехІур леври», –  
БикІутири тухумти...**

Ил далайлисра журмукантани уржибти хъат савгъатдариб. Амма далай-личи къабулхІейкибси, хъат хъумкартурси ца сайри – ГЯбдулхІямидла дудеш Акка.

– ХІуни чис, сейкІули белчІунсири ил далай? БегІти ва тухумти селис балтІулри? ХІела арц хІяжатлив нушаб? – къябшизур ил.

Писки МяхІли радиолизибад бучІуси илгъуна далайличила аргъили гІергъи, паргъатиуб. ГЯсидеш ардякъи, дяхІ шалахъдиуб.

МяхІяммадов Халирбагъин школала директорли вирухІелира нушала бетуц даимбарибсири. ХІятта унра шимази – Трисанчи, Дибгаликлизи – концертуну дихутири. Бузерилизибад акъуси замана илкъяйда анцІхІебукъесли буркІусири. ХІеркІ бетахъ унраличиб хІербирути гъулданти булан, музаличи гъаббакІили, тамашабирутири: «Журмачир гъар бархІи мукъри сари. Чехъериби чинаб бургулира илдани?» Чечнялизибад чарбухъи гІергъи Журмачиб Жалилла МяхІяммадла, ЖабрагІилов ХІяжимяхІяммадла юртаназиб хІербирули калунти Зулпукъаров ГЯлисултІай, АмирхІямзаев АмирхІямзани иргъахъули буили саби: «Гъими хІебурцути, уркІби сахаватти халкъ саби. Далай-делхъ децІ-анцІкъи черардикути».

Чи сейкІалра, пергер замунти дири гъалар. Ге, «Жигулиби», «Мерседесуни» хІедири, банантала тІяГям хІебали. Амма цабалги, разили, цабехІличи цабехІ гІяхІлад башули, халкъ хІербирулри. Ши-алавси авлахъ мицІирли бири. АнкІи-мухъила арши ургубализир цІуэрлиур лавшардикІули дири. Ши алавти мер-муса къакъбунала къакъаблизи гІеладикили дири. ГЯрмала къелли дукъби делки дири. Гъанна я къакъбуни, я лагъни, я гІярми агара. «ДургІела», «хІентІа» ибти дугъби булан дурхІна далули ахІен. Цунбухъи саби авлахъ. Мискинбиубли саби шила гумай. Дербентла цІуба къаркъубазирад дарибти кІидерхІла юртани дацІкадухъи сари. Клублизир хІяйт-хІуйтла тІамри агара...



# Фольклор

Гябдулкьадир  
МЯХИЯММАДОВ



## ГЯШИКЪИУБЛИ

*Жагати бекI-чархла, халаси гIякълула, яхI-сабурла ва хIялал-залалси уркIила вегI жагьил уриши шагъла гъала тIашатур.*

*– Селис кибси? – хъарбаиб шагъли.*

*– Хъали билгIули уцира, тамбихI барахъес килра.*

*Шагъ хIеризур ва пикриухъун: «Иш къалли хъулкиличи мешули ахIен».*

*– Ишдани буриси бархъсив, дурхIя? – хъарбаиб шагъли.*

*– Бархъси саби.*

*– Хъулкидеш дарес сели чебуркъахъиба?*

*– ТамяхIкардешли гырварира.*

*– МукIурвакIи, биубси аңIбукъ бархъли бура, хIебурадли, жагьил уришилизирад неш мяхIрумрирар.*

*– Гъай имцIати сари, шагъ, – децIличил жаваб бедиб уриши. – Нешла канилав левалли белкIунси ахIи бетхIерар. Пулан адамтала хъули ацIира, лебдеш бигIес хъулухъи. Уцира, дигIунти керасиб ва тамбихI барахъес хIечи килра.*

*Шагъли дурхIя туснакъла катахъур.*

*ДурхIяли туснакълаб далай белчIун:*

*Каршули виасра, бекI чеббирхъялра*

*ВирхIейрус цIахрарес риганай шантас.*

*Унзала гIела тIашибизурти къараулчиба уришила далайла бакъиб. Илдани шагъличи уришила гъай даахъиб.*

*Туснакълавад дурхIя дураиб ва сагадан хъараиб. ДурхIяли анталра хIеиб.*

*Шагълис хIейгулри жагьил дурхIяла някъби чердыхъяхъес. Илини иб:*

*– Бархъли бурес хIейгадли, някъби чердыхъяхъес хъарбарибси саби, хIуни сабаб бура.*

*ДурхIя туснакъла чарариб. ГIергъила бархIи дурхIяла някъби секъяйдали чердирхъул чедаэс майдайчи адамти цалабикиб. ДурхIяличи хIербикIути бисулри. Шагъ дурхIялизи викIар:*

– Хъали биглес аџили хъалли, гІяхІти хъуланачил аџибси ургуд.

Яра, хъа вегІла байхъала мас хІела бурги, илини хІелугули хъалли?

– Иличиб дила мас аги, илала мас биглес къасли аџибсири.

Шагъ гъимукІиб, жаллад вакІахъиб. Жаллад гъамиуб, уршила някъби чердахъес барда ахъбуџиб. ИлхІели, адамтала къукъяли-зирад ца жагъил рурси дуџІрухъун, жалладлара дурхІялара урга тІаширигур. ДяхІ гъаргдариб. Рурсила бацван шалати дяхІ чедаиб. Адамти тІамалибиркъесбяхІиб. Рурсили шагъличи шуррухъи, иб:

– Тилади саби, жалладлизи дурхІялис тамбихІ мабирахъид. Иличила бархъдеш нуни бурисну.

– Нуша дахъхІи џаличи-џа гІяшикълира. БегІта мекъ барахъес ихтияр лугули ахІен. Улкъайлавад аџили ну аррукес къас сабри илала. ХІера хъулки уџира или нукерта хІечи кибси сай. Ну џаххІерарес багъандан мукІурхІейкІули сай.

Шагъ дурхІяличичи гъамиуб ва кІапІуџиб. Рурсила дудешлизи иб:

– ХІу ши уршилис рурси шери редес къабуллирив?

– Къабуллира, хІурматла шагъ, – иб рурсила дудешли.

## БУРАЛАБИ

ВегІ акІубси мер алжана саби.

ВатІан агарси адам – къаџІ агар къумургъуна

Хялира сунела ши бархъхІебалта.

Урчи улыбхъали жагабиру, Адам – бузерили.

Арасилис хІянчи алжана саби.

џудара гІянжилисра џуба някъби дигахъу.

Лагъван узен, ханван укен.

Ибес балуси чІянкІли кахІевлан.

Марти гъалмагъдеш – умути шинна гІиниз сари.

Хъулив ухъна – давла сай.

Агарливан ахІи, сукъурси риалра, рузи лерли дигахъу.

ГІяхІси гуявлис жагаси гІямзи бирар.

Сай дудеш ветаайчи, уршили дудешла къадри хІебала.

Дудешли валцес хІебалалли, уршили велгІесра хІебала.

Нешличи хІеръили, рурси кариру.

Умуси гІинзир нясти шин хІедирар.

Вайси урши – дудешлис џахдеш. Вайси рурси нешлис.

Душман – юлдашвара, юлдаш душманмайрид.

Неш миџирли лерай урши џуръа ветхІерар.

Нешла михъири мазала хІякагъуна бирар.

Нешли бяхъибси изихІерар.

ДурхІни багъандан нешли урхъни ихъу.

ГІякълу – давла саби.

Урши дила сайли хъалли, гІякълу сунела саби.

ГІякълу агарси – џа агарси анкъигъуна сай.

БекІес дигуси ваџа къитІализи къаџІбашар.



Гъайли-гъай дургу, дявли – дявти.  
Бугъалис-бугъа камхлеблар, зулмукарлис-зулмукар.  
Гужли аркуси уркура бехличибад башар.  
Унрали ваталли, шантара валта.  
Къуйрукъ чебяхъили хъалли-беці мукъара бетхларар.  
Гъайли урши хлеркъахъу, варкъибсира убклахъу.  
Гяхгъабза урчилара гяхгъабза адамлира замана  
буркъхлебларар.  
Вайси пикрила вегли хайри чехлебиу.  
Сабурла вегі мурадли виур.  
Ламус къиклі хлебуга.  
Бархъдешли балкідеш бялчя.

### **БУРАЛАБИ ВА АЙТУБИ**

Буралаби ва айтуби халкъла мухлила хазна сари. Бурала халкъла кагиси пикри саби. Айту сегъуна-биалра анцібукъ жагали сипатбириси дугъбала цалабяхъ саби. Буралабани пикри чебетаахъили ва тинтіли баянбиру. Айту биалли белгидеш агарли буриси пикри саби.

Буралаби ва айтуби дугъбала цалабяхъуни къяйдали, даимлис кадизурти, даимлис хядурти сари.

Илди дирар хабар тяхярла ва назму тяхярла.  
Адамла къасанала ахир хлебларар.  
Адамтала цакъаназирад дубурти урухлар.  
Адамти бархъли бузути биалри, судьяби хляжатхлебирки.  
Азгъиндеш – канила душман.  
Азгъиннис берхи жявли абулхъан.  
Анкъанир къавгъала вегі.  
Арслан бухънабаибхлели, иличир хяв буці дукарлар.  
Ахъли тяхликүси, гяшли каркур.  
Вегіла хяли хлевцалли, урхила хяли хлерцу.  
Велкъунси узини гушси узи валхлепа.  
Веціал гъабзали барибси ца кларзани буля.  
Виштлал адамла урки халал бирар.  
Гашала дус сели укадил, велхъунхлели хъуммартид.  
Гидгари бигунсини гяргяра билгя.  
Гурдала мез гурдали гяхлил дала.  
Гъалмагъ дяхличи хлериклар, душман – къашмачи.  
Гъалмагъ гъалавла гяхлси вирар, хяка – сагаси.  
Гъачам ахлену адам убкүси?  
Гъая бухъянси гяхлси бирар, гъай къантіа.  
Гямру секъяйдали дехидихъадлира илкъяйдали аркъян.  
Гянціани хулбани чедиу, сукъурсини-лихібани.  
Сукъурлис дугелира цабагъа, хлерелира.  
Гяра сунела дяхцілизибадра урухлар.  
Гяхгъабзала хял багъайчи вайгъабза варгудар.  
Гяхлси урчили ташли бамсри ихъу.

Гяxиси гьалмагъ дуслира варгес хлейрар, амма ветахъахъес ца  
 сягятли вирар.  
 Далга агарли юрт барес хлейрар.  
 Дахъал гъай дируси ахленну гяxиси хъунул, гяxиси хурег  
 бируси сари.  
 Дяxи жагаси ахленну гяxиси, урки бархъси сай.  
 Дергъ хяжнала биалра, гяxиси хлебирар.  
 Дигай-дарман агарси изала саби.  
 Дигайли адам далайра виклахъу цумра виклахъу.  
 Дигайли дарг вицибсили чилра чехлейу, амма сай лебтанилпра  
 чейу.  
 Дунъяличи гъуни ца саби, дунъяличирад – дахъал.  
 Духусини сунечи гяйиббиру, мехлурли – юлдашличи.  
 Жагасили хлулби разидиру, духусили – урки.  
 Заманаличи хлеръили вяшиклен.  
 Игит убклар, у кавлан.  
 Кецлала гъямли бецличи асар хлебиру.  
 Къаркъа калун – шин ардякъун.  
 Къургъи арцуру – яни гъамбиклули саби.  
 Къянбарла юрт цали бигалра чилра вирхлерар.  
 Клатла бячун-шин ардякъун.  
 Лебилра хякимти бетаалли, хянчи чили диру?  
 Лезми бухъансила гякълу къантла бирар .  
 Мазали чула вегл вала.  
 Масли юрт жагабиру, хянчили – адам.  
 Мекъ чехлебаибси юрт бирар , муръа чехлебаибси хлебирар.  
 Мискинниалли узи-уршира хъа гъалабад шалглеббулхъан.  
 Сигли мегъ буга , къядешли – адам.  
 Сукъурлис жагаси хъунул се рируси?  
 Уктемдешли бекл булъа.  
 Урхънастра шин дигахъу.  
 Урчи беклалли гили-къапта кавлан, адам вебклатли – у.  
 Урши хъуливяхл хлериклар, рурси – дураряхл.  
 Хуху, дарайла хлева барадра, чехъери ретхлерар.  
 Хъулиб се лебал хъа вегли гяхил бала.  
 Хъулки давлачевхлейрар.  
 Хъуми гавдиклулив – хлеб садиули сари.  
 Хлеб къиргъуладирусини, яни тумаладиру.  
 Хянчила мякълав азгъин, къумурла мякълав вялхъа.  
 Цала шанглаб бухъмуй леб, цала – шинра агара.  
 Цали барес хлейруси бахъли гъамадли биру.  
 Чи къанни гьергъиухъалр, ил къанни гьевра виур.  
 Чили дехлдохъалра, илини таманра диру.  
 Эмхле галгаличи абацлалра хлу духухлейруд.  
 Эмхлес дех камхлебирар.  
 Я дех лебихли эмхле яра эмхле лебихли дех.





ISSN 0235 - 0149

Индекс годовой 31176  
Индекс полугодовой 73892

